

Lesa Ukuifisa Umwine

Mukuicefyा, Elyo Ukuisokolola

Umwine Muli Cimo Cine

 Natotela, Munyina Neville. Lesa akupale. Mwashibukeni, mwe fibusa. Ine mucine ndecetekela ici ukuba cimo ica pa fikankala mu bumi bwandi, ukuba mu tabernacle nakabili muno lucelo, ukumona imikulilwe ya ciko iyaemba, ne mitantikile ya bana bakwa Lesa abekele mu nga'nda Yakwe ilelo.

² Nalipapile nganshi ilyo naishile muno mailo no kumona imimonekele ya cikulwa. Nshatala ukulotapo ukutila cali no kuba muli uyu musango. Ilyo namwene ifyakumwenako, ukutila ilyo balengele ifyalengwa, nalmwene fye akapinda kambi akanono akali kumbali, lelo nomba ni ncisanga ukuba i—incende iyaemba. Kibili tuletasha ku Mpalambe pali ino ncende iyaemba. Kibili ifwe tuli . . .

³ Ndeleta kuli imwe, muno lucelo, umutende ukufuma ku mukashi wandi na bana bandi, abo abalekabila ukuba muno pali ino nshita kuli uku kulongana ukwa kushisha, kibili iyi milungu iya kusangululwa kuli Kristu. Lelo abana bali mu sukulu, kibili cintu cakosa ukufumako. Kibili bali ngaba funshika kuku kabila kwabo palwa kufuluka ku nga'nda, lelo tatwakatale ukunenusha ukukabila kwenu imwe mwe bantu. Imwe ta munenushiwa ulya musango. Kwalibako ici ngo kukwata ifibusu. Kibili ine—ndetasha ifibusu, ukuli konse, lelo kwalibako icintu cimo palwa fibusa ifyakale. Te mulandu uko twingapanga ifibusu ifipyा, cena nalyo line tacili nga bakale.

⁴ Te mulandu uko ningesha ukuya, cimo cifulo lyonse cakulaba ica bukata. Pantu, nalimo imyaka iyapitapo amakumi yatatu, mucishiba ica matipa panshi, naliishishishe ici ciputulwa kuli Yesu Kristu ilyo tacali nangu cimo lelo a—amatipa panshi. Ici cali conse icishiba. Ulya e mulandu wine umusebo walishoka kulya, u—umusebo waishile shoka, ukutaluka ukufuma ku cishiba ico cali pano. Kibili muno, mwaleba e bacananika, bacananika aba mucishiba balemena.

⁵ Kibili ca—cananika liluba ilyaibela nganshi. Nangula limena mumatipa, lilingile ukupatikisha inshita ya iko ukupula mu matipa, elyo kibili ukupula mu menshi na mufiko, ukulileta iline lyeka pa mulu, ukulangisha ukuemba kwaliko.

⁶ Kibili ine—ndetontonkanya, muno lucelo, ukutila filya e fyonse ifya citika pano. Ukutila, ukutula ilya nshita, kacananika akanono aka mucishiba nakaisunka akene; kibili ilyo kafikile pa mulu wa menshi, katambalike amapindo ya kako, utumaluba twakako twalifumine, kibili kalangishe Cananika uwa Munika. Lekeni ikabepo inshita itali! Lekeni ibe nga'nda ili no kukushiwa umupwilapo kuli Lesa!

⁷ Tabernacle iine yalishishiwe mu 1933. Lelo ukutontonkanya, muno lucelo, kuti caba i—icintu icisuma nganshi pa—pa mulimo fye unono uwa kushisha nakabili, kibili maka maka, ku bantu abo abakwete, no kutemwa kwabo no kuipela kuli Kristu, ukucitika balenga ici ukucitika. Kibili ndefwaya ukutotela cila umo muli imwe pa musangulo wenu, kibili no ku fimbipo, ifyo mwapelwa ku kushisha ulu lukuta kuli Kristu.

⁸ Kibili ndetasha apakalamba nganshi, no kutotela ulukuta, ukulanda aya mashiwi mukwimininako ba munyina abasuma muno aba lukuta, abo abapela imilimo yabo kuli ici. Munyina Banks Wood, munyinefwe uwacindama; Munyina Roy Roberson, munyinefwe uwacindama; kibili na bambi abengi abo, ukwabula ukuitemwa kibili no mutima umo, balicitile pa myeshi mukukula ino ncende umusango ibelelemo, baikeli kuno ukumona ukutila yalikulilwe fye bwino.

⁹ Kibili ilyo nacingilamo, ukumona ici cintamba, umusango uwa ici ico nalekabila lyonse, ubumi bwandi bonse! Naba... Munyina Woods alishibe ico natemenwe. Ena tatalile ukusosa ukutila akacikula, lelo ena nacikula.

¹⁰ Kibili nalimwene icikulwa kibili ifyo ukukula, cena cili fye, owe, cintu capulamo. Kibili nomba takuli amashiwi aya kulangishamo imyumfwile yandi. Takuli fye umusango uwa kucicitilamo, mwamona. Kibili, lelo, Lesa alomfwa. Kibili lekeni cila umo muli imwe akalambulwe pafyo mwapele kibili na fyonse ifyo mwacita kukupanga ici cifulo ukuba ifyo cili, mu musango wa cikulwa, inga'nda yakwa Shikulu. Kibili nomba ine—ine kuti natemwa ukusosa aya mashiwi. Nomba, icikulwa, ukuyemba nge fyo cili, mukati na kunse... .

¹¹ Mulamu umwaume, Junior Weber, alekula ne njelwa. Nshishibe musango nshi cingaba icintu icawamisha ukucila ifyo cili, umulimo uwapwililika.

¹² Munyina umbi uyo uli muno, nshakumanyapo umwaume, abikilemo imibombele ya ciunda. Lelo ukumona nangula ni mucikulwa icapanshi nge ci, kuti nacita fye... . Takuli icongo kufya kusabankanishishako. Fili mu mutenge umu, mu misango iyapusana pusana. Te mulandu epo ningeminina, cena cili fye cimo cine, mwamona. Kibili icipinda conse cili—cili icakulwa, kibili apa kumfwikila amashiwi fili muli fyena,

kabili kuti mwacilenga umusango uuli onse mulefwaya ukumfwilamo. Cena cili, ndecetekela cali ukuboko ukwa kwa Lesa Impalume uwa citile ifi fintu. Nomba nga...

¹³ Shikulwifwe natupela ifwe icikulwa ico twinga mu pepelamo Wene, ukucila pa, nalimo imyaka amakumi yatatu. Twatendeke na pansi apashingulwa, ifiko fya mbao, no kwikalala pano mupepi ne citofu ica malasha ica kale. Kabili kakula, Munyina Woods, umo uwa bena, na Munyina Roberson, balenjeba ukutila uko shilye ncenshi shabelele, na filye fitofu ifya kale fyaleikala muli shilye mango isha cilingenye, shaliketwe no mulilo kabili shalipile, nalimo amafiti yabili atemwa yatatu. Cinshi cena tacapilile, Lesa fye eka ewacingilile. Elyo kabili panuma ya kupya, kabili no kufina konse ukwa tabernacle ukushintilila pali cilya, cinshi cena tacaponene, kuboko fye kwa kwa Lesa. Nomba nacikatililwa ne fyela no kubikwa pa mushili, ukukulwa ukwakosa.

¹⁴ Nomba ndetontonkanya umulimo wesu ukulenga mukati ukuba bwino, kunkumbu shakwa Lesa, ukuba abakutasha nganshi kuli Lesa ukutila ilyesu... Ici tacabe fye icikulwa ica emba ico twakulaisako, lelo lekeni onse uyo wakulaingilamo alemona ukuyemba ukwa mibebe yakwa Yesu Kristu mu muntu onse uyo wakulaingilamo. Lekeni ibe incende iyasangululwa kuli Shikulwifwe, abantu abasangululwa. Pantu, te mulandu ifyo icikulwa cingaba icaemba, cilya mucine tuletasha, ukuemba kwalukuta caba imibele ya bantu. Ndesubila lyonse yakulaba ing'anda yakwa Lesa, iyaemba.

¹⁵ Nomba, mu mulimo uwa kulashika ukwelibwe ilya pa cifutu ilya ntendekelo ukubikwa, icimonwa icikalamba calishile. Kabili calilembwa mwi libwe ilya pa cifutu, ulucelo ilyo nacishishishe.

¹⁶ Kabili imwe limbi nga mwalisungwike, ama miniti ayanono ayapitapo, cinshi nalicelelwe sana ukufuma. Umulimo wandi uwa ntanshi, ilyo nacisa mu lukuta ulupya, nacufya umulumendo no mwanakashi abaciminina mu ofeshi. Lekeni cibe icipasho, ukutila ndi no kuba kapyunga uwacumfwila kuli Kristu, kuteyanya Nabwinga ku kusefya ukwa bulyo Bushiku.

¹⁷ Kabili nomba lekeni tucite nge fyo twacitile pa kutendeka. Ilyo twatendeke ukushisha ukwa ntanshi ukwa lukuta, nali fye umulumendo kabili, mwe, nalimo amakumi yabili na cimo, imyaka ya kufyalwa amakumi yabili na fibili ilyo twabikile ilibwe ilya pa cifutu. Cali ilyo nshilaupa. Kabili lyonse nalefwaya ukumona incende iyatantikwa bwino, muli Lesa... iya kupepa kuli Lesa, mwamona, na bantu Bakwe. Kabili ifwe kuti twacita cilya, te kucikulwa ica emba, lelo ku bumi ubwasangululwa e musango twinga cicitilamo.

¹⁸ Kabili nomba, ilyo tatulashisha, ipopo ilya kushishisha, twalabelenga Amalembo yamo, no kushisha ulukuta ukulupela

kuli Lesa. Elyo kibili ninkwata yamo... Ninkwata Imbila pa kubila kwa mbila nsuma, muno lucelo, ku kulilapo ku Mbila yandi ileisa.

¹⁹ Kibili, muno bushiku, ndefwaya ukusenda icipandwa ica 5 ica Kusokolola, ico icileisamo, ukufuma ku—ukufuma ku nshita sha lukuta cinelubali, ukwisa mu Fikakatikilo Cinelubali. Ifyo ine... Elyo tuli no kukwata...

²⁰ Pali Cimo mu bushiku cikaba pawanina pali kabalwe uwabuta. Pali Cibili ubushiku... uwanina pali kabalwe uwafita, kibili ukuya pantanshi, abanina pali kabalwe bane. Elyo Icikakatikilo ica Mutanda ukwisulwa.

²¹ Elyo kibili pa Mulungu ulucelo, pa Mulungu uleisa ulucelo, nga Shikulu asumininsha... Tuli no kumona pa ntanshi, ukucibilisha pa ntanshi. Nalimo, pa Mulungu uleisa ulucelo, tukakwata ukulongana kwa mapepo ukwa balwele mucikulwa.

²² Elyo kibili pa Mulungu ubushiku, ukwisiaisala ne... Lekeni Shikulu atwafwilishe ukwisula Icikakatikilo ica Cinelubali, palya paba fye vesi ipi. Kibili Yena isosa ifi, "Mwatalele tondolo mu Mulu ngo kufika pakati ka ora umo," kulyo kuba tondolo.

²³ Nomba, nshishibe ifyo ifi Fikakatikilo fipilibula. Ndi fye nganshi ku mpela ya mano yandi, kuli fyena, nge fyo imwe bamo muli muno lucelo. Twalikwata amatontonkanyo aya bukapepa ayo ayapelwa no muntu, lelo yalya tayakakumye kuli Cena. Kibili nga muli no kumona, Cili no kwisa ukupitila mu kuputwa. Cilingile ukuba Lesa, Umwine, Ena fye eka e Wingacicita, Umwana wa mpaanga.

Kibili mu bushiku ni lilye Buku ilya Kulubulwa.

²⁴ Nomba, muli ici, umulandu nshilebilisha ukulongana kwa mapepo pabalwele, atemwa na fimbipo, ni pa mulandu wa kutila ndi... Ndeikala na banandi bamo, kibili ndepela miniti onse uwa nshita yandi ku kusoma na mu mapepo. Kibili namwishiba icimonwa ico nakwete ilyo nshilaya no kuya ku masamba, kuli balya ba Malaika cinelubali abaishile balepupuka. E ico, muli no kumfwikisha pantanshiko panono.

²⁵ E ico nomba, nomba, mucikulwa, ndetontonkanya tulingile ukukwata, muli ici, ngacakutila nacishishiwa, atemwa cili no kushishiwa mu ma miniti ayanono, kukupepelamo Lesa, tulingile ukucisunga muli ulya wine musango. Tatulingile ukushita atemwa ukushitisha mucikulwa. Tatulingile ukucita amakwebo ayali yonse muli ci cikulwa icikalamba muno. Tacilingile ukucitwa muno, cilya ni ci, icapala ngo kusuminisha bakapyunga ukwisa muno no kushitisha ama buku ne fintu fyonse. Te mulandu ifyo cili, kuliko incende shimbi ukwa kucitila cilya. Pantu, ifwe—tatulingile ukushita

nangu ukushitisha mu nga'nda yakwa Shikulwifwe. Ilingile ukuba incende iya—iya kupepelamo; iya mushilo, iyasangululwa kuli lilye pange. Mwamona? Nomba, Ena alitupela incende isuma. Lekeni tuishishishe kuli Wene, no kuishisha fwe bene, na yena, kuli Wene.

²⁶ Kibili nomba ici kuti camoneka icakalabanako panono, lelo, yena te ncende iyakutandalilamo. Yena ni ncende iya kupepelamo. Tatulingile nangula ukutotosha ishiwi mukati muno, kunse ka kupepa, kuli umo no mubiye, kano fye cena cikankala mucine cine. Mwamona? Tatulingile ukulaenda enda. Tatulingile ukulabutuka mucikulwa, atemwa ukuleka abana besu ukubutuka mucikulwa. Kibili mukucite ci, ukukabila te kale sana, cilya ukucite ci, twalikulile ici pa kutila twingasakamana conse ica cena. Nomba, na tukwata ifi ukutantikwa muno. Mucine, abantu abengi beni. Abekashi aba mu tabernacle balishibe ci, ukutila icikulwa cili no kushishiwa ku mulimo uwa ku Mpalume. E ico kanshi, ukuishisha fwebene, lekeni twibukishe, ilyo twaingila mulyo mwashila, ikaleni tondolo, kuli umo no mubiye, no kupepa Lesa.

²⁷ Nga tulefwaya ukutandalilana umo no mubiye, kwalibako incende uko twingaya mukutandalilana umo no mubiye nga filya. Lelo, te cakwesha, ukwenda enda, uko teti tuyumfwe mwebene ukutontonkanya, kibili abantu bambo ukwisamo kibili tabeshibe fye ifya kucita, mwamona, cena icongo nganshi ne fintu. Cena ca buntunse fye, kibili nalicimona mu ma chalici mpaka calinenga ine ukumfwa ububi sana. Pantu, tatwisa umwashila mwakwa Shikulu ukukumana umo no mubiye. Twisa kuno ku kupepa Lesa, elyo ukuya ku mayanda yesu. Umu mwashila mwashishiwa ku kupepelamo. Elyo... Ukwiminina kunse, ukulanda icili conse ico mulefwaya, cikulu fye cili icalungama kibili ica mushilo. Ukuya ku mayanda ya umo no mubiye. Ukutandalilana umo no mubiye mu ncende. Lelo ilyo mwaingila pali ulyo mwinshi, beni tondolo.

²⁸ Mulesa kuno ukulanda kuli Wene, mwamona, kibili lekeni Wene abwekeshe ukulanda kuli imwe. Ubwafya bwa cena ni ubu, tulalandia sana, kibili tatuutika nganshi. Elyo, ilyo twaisa muno, ukulolela pali Wene.

²⁹ Nomba, mu tabernacle yakale, limbi takuli umuntu nangu umo uuli po muno lucelo uyo waliko kulya ubushiku bwa kushisha, ilyo Major Ulrich alishishe inyimbo. Kibili naliminine kunuma ya malupanda yatatu kuno, ku kushisha incende. Nshasuminishe nangu umo... Bakafwilisha baiminine pa mwinshi, ukumona ukutila takwali nangu umo uwalelanda. Ilyo, mwakwata ilyashi lyenu panse. Imwe mwaleingila. Nga mwalefwaya ukucita, mu mutualilwa, mwaleisa ku cipailo no kupepa umutalalilwa. Mwaleenda ukubwelelamo pa cipuna cenu, ukwisula Baibebe. Ifyo umwina mupalamano wenu

acitile, cilya cali kuli ena. Imwe tamwakwete nangu cimo ica kusosa. Nga mulefwaya ukulanda kuli ena, soseni, "Nala mumona panse. Ndi muno ukupepa Shikulu." Imwe belengeni Icebo Cakwe, atemwa ikaleni tondolo.

³⁰ Kibili, lyena, inyimbo. Nkashi Gertie, nshishibe nga cakutila ali muno muno lucelo, atemwa iyo, Nkashi Gibbs. Piano iya kale, ndecetekela, yaleikala kunuma muli ici cifutu, mukwibukisha kwandi ukusuma. Kibili ena alelisha panono panono, "Palya pa lupanda apo Umupusushi Wandi afwile," mu busuma nganshi, ulwimbo ulwanakilila, kibili—kibili, lyena, mpaka yaishile nshita ya kulongana. Kibili kembisha wa nyimbo aleima no kutungulula inyimbo shimo isha mu lukuta. Elyo kibili nga balikwete lumo ulwa kuimbila ulwawamisha, balelwimba. Lelo, te mwina fye uwa fya kucita cita. Elyo kibili ulwimbo lwalitwalilile ukulishiwa. Kibili elyo naleumfwa lulya, naleishiba yaleba ni nshita yandi ukwisa kuno.

³¹ Ilyo kapyunga aingila mu lukuta umwa bantu balepepa, kibili ukusubwa kwa Mupashi muli no kwenekela ukumfwa ukufuma ku Mulu. Cilya ni filya fine. Takwaba inshila ukutaluwa ukufuma kuli cena. Lelo nga mwaingila mucimfulunganya, lyena imwe—imwe...imwe muli—imwe muli abafulungana nganshi, kibili no Mupashi ulalengwo bulanda; kibili tatulefwaya cilya, iyo. Tulefwaya ukwisa kuno ku kupepa. Twalikwata amayanda ayasuma, ayo nalalandapo, muli miniti fye, kibili na fimbipo; ku nga'nda, uko tutandalila abanensu no kubasenda. Ino ni nga'nda yakwa Shikulu.

³² Nomba, kuliko abana abanono, nomba, utunya utunono. Nomba, bena tabaishiba ubupusano nangu bummo. Bena, umusango fye umo ue bengapokelamo ifyo balefwaya, kulilila fyena. Kibili inshita shimo cena menshi ayakunwa, kibili inshita shimo balekabila ukubafwilisha. Kibili e ico natukwata, ku nkumbu shakwa Lesa, natushisha icipinda. Cena caletwa, pa fyatantikwa, "icipinda ca kulililamo," lelo cena cili fye ukutonta ine ku ntanshi yandi. Cena cili, mu mashiwi yambi, uko banacifyashi bengatwala utunya twabo.

³³ Nomba, cena tacisakamikwa nakalya, nalimo, ine kuno kucintamba. Nalimo limbi teti ncimone, pakuba uwasubwa. Lelo kulaba abantu bambi abekala mupepi, kibili cilabacusha, mwamona, kibili besa kuno ukumfwa ukushimikila. E ico banacifyashi bali...Akanya kenu ngakatendeka ukulila panono; imwe teti muleke fye cilya. Cinshi, mucine, cena ni... Imwe mulingile, imwe mulingile ukukaleta. Nacifyashi umwine mwine afwaya ukusenda akanya kakwe ku chalichi, kibili cilya e cintu mulingile ukucita.

³⁴ Kibili twalikwata icipinda kulya uko mwinga mona icifutu icili conse ica cikulwa, icikulwa conse; kibili

apakumfwikila kulya, uko mwingalinganya iciunda mu musango onse uo mulefwaya ukucita; pamo na—akacimbusu akanono ku mpela, na kabeseni ka menshi, kabilii na fyonse filya fine fye ku kwafwilisha na cifyashi. Ne pipuna ne fintu, imwe kuti mwaikala pansi; icifulo apa kufwikila umwana wenu, nga lefwaya ukufwikwa fimbii, kabilii ifintu fyonse fili mulya. Fyonse na fiteyanishiwa.

³⁵ Elyo kabilii, inshita ishingi, abana abanono kabilii inshita shimo abakalamba, bali no ku... Namwishiba, abantu abacaice bali no kupeleshanya tukalata, atemwa ukuseka, atemwa icintu cimo, mu chalichi. Nomba, muli abakalamba abalinga ukwishiba bwino ukucila cilya. Mwamona? Imwe mulingile ukwishiba bwino ukucila filya. Mwamona? Tamulingile ukwisa kuno... Nga mulesubila ukuba umuntu umwine mwine ubushiku bumo, no kukusha ulupwa ku Bufumu bwakwa Lesa, lyena tendekeni cena muntendekelo, mulemona, kabilii—kabilii bombeni icalungama no kucita icalungama, kabilii nomba, mucine.

³⁶ Nomba, bakafwilisha baleminina pa fifutu fya fikulwa, kabilii na fimbipo. Kabilii nga kuli umo ulecita fimo, bena baba—beni balisontwa, ngo mulimo wabo, na ma trustees balekala kuno ku ntanshi, ukutila umuntu umo atendeka ukukana umfwa, bali pelwa umulimo ukweba umuntu ukwikala tondolo.

³⁷ Elyo, nga tabakwete ulya umucinshi, kuti cawama ukutila umuntu umbi abula icipuna, pantu kuliko umuntu umbi ulefwaya ukumfwa. Kuliko umuntu umbi uwishile kuli lilye pange, ku kumfwa. Kabilii cilya eco tubelele muno, cili ku kumfwa Icebo cakwa Shikulu. Kabilii e ico cila muntu alefwaya ukumfwa Cena, kabilii balefwaya cena ukuba fye tondolo nge fyo bengaba. Ukuba fye tondolo nge fyo bengaba; cilya cili, te bwingi ubwa malyashi ne fya kucita cita.

³⁸ Mucine, umo muntu ukupepa Shikulu, cilya e cilesubilwa. Cilya efyo cilingile ukuba. Cilya eco mubelele muno, cili kukupepa Shikulu. Kwati fye nga mwaumfwa ngo kulumbanya Lesa, atemwa ukubilikisha, twalilileni fye, mwamona, pantu cilya eco mubelele muno, mwamona, lelo, cili ku kupepa Shikulu mu musango wenu mwebene uwakupepelamo. Lelo takuli nangu umo upepa Shikulu ilyo mulelanda no kupeleshanya tukalata, kabilii muleafwilisha umuntu umbi ukataluka ukufuma ku kushinshimuna Shikulu, mwamona, e ico tuleumfwa ukutila cilya kuti caba icalubana. Kabilii tulefwaya ukupanga cilya ifunde mu chalichi yesu, ukutila mu lukuta lwesu, ukutila, kuli cino cikulwa, ino chalichi ili no kushishiwa ku Bufumu bwakwa Lesa kabilii ku kushimikila kwa Cebo. Pepeni! Nshishimuneni! Ulya e mulandu mulingile ukwihila kuno, kukushinshimuna, lyena.

³⁹ Elyo kibili icintu cimbi, ilyo kulongana kwapwa, ilingi line mu ma chalichi... Nshile—nshiletontonkanya cili kuno, pantu... ine lyonse nshibapo, mwamona, pantu ndafumapo.

⁴⁰ Ilingi line, nangula mukushimikila ukulongana kumbi, ukusumbwa kulesa, ne fimonwa filacitika. Kibili ndafunshika, no kuya mucipinda. Kibili nalimo Billy, atemwa bamo abaume kulya, balantwala ku nga'nda, no kundeka ukutusha pakashita, mpaka na fuma muli cena, pantu cabu kutitikishiwa ukukalamba.

⁴¹ Kibili elyo nalimona ama chalichi, nangula, uko abana basuminishiwe ukubutuka monse mulya umwashila, kibili—kibili abakalamba ukwiminina no kulabilikisha mulya mucipinda, kuli umo no mubiye. Ilya ni nshila isuma iya konawilamo ukulongana ukuleisa lilya mu bushiku, atemwa inshita ili yonse kulebapo. Mwamona?

⁴² Lilya line ilyo kulongana kwasalanganishiwa, fumeni mu cikulwa. Imwe mwapwa, mu kushinshimuna lyena. Lyena kabiyen'i panse no kulanda kuli umo no mubiye, kibili na conse fye ico mulefwaya ukucita. Nga namukwata icintu cimo ico mulefwaya ukulanda ku muntu umo, uku—ukubamona, cisuma, kabiyen'i pamo na bena, atemwa ku nga'nda yabo, atemwa icili conse ifyo cili, lelo mwilacit'a mucikulwa. Lekeni tushishe ici kuli Lesa. Mwamona? Ino ni ncende Yakwe iya kulonganinamo, umo tukumana pamo Nankwe. Mwamona? Kibili Ifunde lilabilwa ukufuma umwashila, mucine. Kibili ine—nalicetekela ukutila cilya kuti caba ica kusekesha kuli Shifwe uwa mu Mulu.

⁴³ Kibili lyena ilyo mwaisa, kibili mwaisa sanga ukutila ifya bupe fyatendeka ukuwila mukati kenu... Nomba, ilingi line cena... Ndesubila tacakkatale ukuba munoo; lelo, ilyo abantu bakwata chalichi ipya, icintu ica ntanshi namwishiba, ulukuta lulaba ulwatalalilwa. Imwe tamufwaya ukuba filya. Nakuba, iyi ni ncende ya kupepelamo. Ino ni nga'nda yakwa Shikulu. Kibili nga ifya bupe ifya bumupashi fya tendeka ukwisa mukati kenu...

⁴⁴ Nalyumfwa, ukutila ukutula ilyo naile, ukutila abantu balisa kuno ukufuma mu fiputulwa ifya lekana lekana ifya calo, ukupanga uno ukuba umushi wabo. Ndetotela, ndetasha kuli Lesa, ukutila, ndecetekela cilya...

⁴⁵ Ulucelo ilyo nashishishe no kubika lilye libwe ilya pacifutu palya, ngo mulumendo, nalipepele ukubapo kwa yena kukamone Ukwisa kwakwa Yesu Kristu. Kibili ilyo nacitile, ukukwata imisha iya ma dollar amakana, kibili bena... Imwe kuti mwasenda umusangulo mu lukuta lwa ifi no kukwata amakumi yatatu atemwa amacenti amakumi yane, kibili ipange lyesu lyali nalimo umwanda umo na makumi yasano, ama dollar imyanda ibili pa mweshi. Musango nshi ningatala

ukucicitilamo? Kibili nalistibe ukutila nalebomba, kibili kuti naishashilipila. Ine...Imyaka ikumi limo na cinekonse konse iya bukacema ukwabula ukusendapo ne kobili limo, lelo ukupela ifintu fyonse ifyo nakwete, ine wine, kunse kufyo naleikalilamo; kibili shonse shilya ishaleisa mukabokoshi akanono kunuma, ku Bufumu bwakwa Lesa.

⁴⁶ Kibili abantu baliseseme no kulantila kabela ukutila ilyo mwaka umo taulapwa ikesapilibwila muli galaji. Satana akseshe ukuifumya kuli ifwe inshita imo mubwafya, mu mulandu uwa bucenjeshi. Umuntu umo asosele ukutila allicenene ku cikondo cakwe ilyo alebombela pali cena, elyo kibili no kucileka ukuba, kibili elyo...kibili apeleshe umulandu no kufwaya ukusenda tabernacle. Kibili pa milungu naliminine pa mulimo. Lelo nangu ukukana umfwana kibili no kulantila kabela, kibili ifyo bena basosele, lwena lwaliminina ilelo nga konse pa fikulwa ifyaemba kibili ama chalichi ayawamisha ayabako mu United States. Cilya cishinka.

⁴⁷ Ukufuma kuno caliya Icebo icakwa Lesa uwa mweo, ukushinguluka isonde, mwamona, ukushinguluka isonde; kibili lyonse lyonse calisenda ukushinguluka kwa Cena ukushinguluka icalo, mu nko ili yonse iyaba pe samba lya Mulu, ukulingana nge fyo twaishiba, ukushinguluka no kushinguluka isonde. Lekeni tube aba kutotela pali ici. Lekeni tube aba kutasha pali ici.

⁴⁸ Kibili nomba ukutila na tukwata incende ya kwikalamo, umutenge pe samba lya mitwe yesu, iya busaka, chalichi iyawama ukwikalamo, lekeni tuishishe fwebene cipyaplya cipyaplya ku mulimo, no kuisangulula fwebene kuli Kristu.

⁴⁹ Kibili Munyina Neville, munyinefwe uwa cindama, kacema umwine mwine, umubomfi uwakwa Lesa uwa mweo. Ukulingana nge fyo ulya muntu aishiba Imbila, alekatilila kuli Yena, na fyonse ifyo akwata. Cilya cishinka. Ena muntu uwa nakilila. Ena alikwatako umwensoko panono uku...Atemwa, te mwenso; nshilepilibula cilya. Lelo ena aba fye, alinakilila nganshi, ena talanda fye, namwishiba, kwati uku—ukusose cintu ica maka no kuputaula, atemwa, "Ikala pansi," atemwa, "Ikala tondolo!" Ine—nalimona cilya, kibili nalyumfwa ku matepu kunuma ya cena.

⁵⁰ Lelo cilacitika ukutila ine kuti na cita cilya. E ico ine—ine...Kibili ine—ndefwaya imwe ukwibukisha ifyebo fyandi, mulemona. Kibili fyonse ifi fileambulwa, mwamona. Ifintu fyonse fileambulwa. Kibili, napapata, lekeni dikoni onse aleiminina pa cifulo ca mulimo wakwe, kibili ibukisheni ukutila muli aba pelwa umulimo ukufuma kuli Lesa, ukusunga cilye cifulo mu mushilo. Mwamona? Trustee onse, cimo cine. Kacema akulaleta...

⁵¹ Tacaba icifulo cakwa kacema ukukwata ukusosa cilya. Cena ma trustee... atemwa, ndepilibula ba dikoni, pantu bena ni bakapokola aba lukuta. Cilya ni, nge bumba lya baice baisa kunse no kulisha ama uta, kabilo, namwishiba, ifyo bena ilingi line bacita, atemwa icintu cimo icapala filya, pa misonkano, atemwa ukuya kunse kulya. Kabilo na cifyashi atuma umwana wakwe umukashana kuno, kabilo ena aya kunse na umo umwana cintomfwa, kabilo no kubutukila mulya muli motoka, kabilo ba nyina baletontonkanya ukutila ali mu lukuta, nga filya. Ba dikoni balingile ukumona kuli cilya. "Iwe limbi ulingile ukwisa ingila muno no kwikala pansi, nga te ifyo nala kusenda muli motoka yandi no ku kutwala ku nga'nda kuli banoko." Mwamona? Imwe, mulingile ukucita cilya.

⁵² Ibukisheni, ukutemwa kulalungami, mwamona, lyonse. Ukutemwa ukwine kwine kulaungamika, e ico mulingile ukushipikisha ukulungamikwa. Kabilo, banacifyashi, na mwishiba nomba ukutila kuliko incende kulya iya tunya twenu. Imwe mwe tubana utunono na mwishiba ifyo cilingile ukuba ukucila ukulabutuka mu cikulwa. Mwamona? Kabilo imwe mwe bakalamba na mwishiba ifyo cilingile ukuba ukucila ukulanda no kutwalilila ukulanshanya kwenu mu cikulwa. Mwamona? Mwiesha ukucita cilya. Cena cilubo. Cena tacaba ica kutemuna kuli Lesa.

⁵³ Yesu atile, "Bushe tacalembwa, inga'nda Yandi ikaba ni nga'nda ya kushinshimwinamo, amapepo. Ikalaitwa inga'nda ya mapepo, ku nko shonse!" Kabilo bena baleshita no kushitisha, kabilo Ena apyatile imyando no kubatamfy aabantu ukufuma mucikulwa. Kabilo ifwe mucine tatulefwaya cilya ukucitika umu mwa mushilo muno. E ico, lekeni tushishe ubumi bwesu, chalichi yesu, imilimo yesu, ukupyunga kwesu, kabilo na fyonse fye ifyo twakwata, ku Bufumu bwakwa Lesa.

⁵⁴ Nomba, nomba ndefwaya ukubelenga Amalembo yamo ilyo tatulakwata ipopo ilya kushisha. Kabilo—kabilo, elyo, cena kushisha fye nakabili, pantu ukushisha ukwine kwine kwacitike imyaka amakumi yatatu iyapitapo. Nomba mu... Kanshi, lyena ilyo ifwe—ifwe tulebelenga ili Lembo no kulanda pali Lyena pa ma miniti ayanono, ndesubila ukutila Lesa alaleta amapalo Yakwe kuli ifwe.

⁵⁵ Kabilo nomba kwaliko icintu cimbi ico naciba no kusosa. Ee. Uko twalekwatila ifilimba, kabilo na fimbipo, twalikwata icipinda icakubomfy a fye kulya, uko balya abalefwaya ukwambula. Mwalibako utwa kumfwilako utwaibela, na fyonse fye mulya, ico cisa fye ukufuma muli maiki ya ku ntansi, mulya.

Kuliko ifipinda, imingila, ifili fyonse ifya mulimo uwalubatisho.

⁵⁶ Kibili elyo icintu cimo, abantu abengi lyonse balomfwa ububi pali ine, abantu abengi abo mucine cine abashaishiba Amalemba, palwa kukwata icapindama mu chalichi. Ndeibukisha inshita imo icintu cimo calicitike muno palwa cilya. Nalikwete ifyapindama fitatu, kibili munyina aishiletenshiwa nganshi pantu aumfwile icilonganino cimbi ukusosa ukutila ulupanda cipilibula Katolika.

⁵⁷ Ndefwaya kasambilila umo, atemwa umuntu umo, atemwa umo Ummwinakristu uwafyalwa cipyap cipyap, ukusoso kutila ba Katolika balikwata insambu pa cabindama. Icapindama icakwa Kristu tacimininako bu Katolika. Cilya cimininako Lesa, Ubafumu. Nomba, aba mushilo be mininako Bukatolika. Twalicetekela kwaba “umo Kapapatila pakati ka kwa Lesa no muntu, kibili ulya ni Kristu.” Lelo ba Katolika balicetekela mu misango yonse iya bakapapatila, amakana ya banakashi na baume, ne fintu fyonse; uli onse Katolika umusuma, mupepi, uyo ufwa, esa mukuba kapapatila. Nomba, icapindama cakwa Kristu cimininako Yesu Kristu.

⁵⁸ Bushe mwalishiba Abenakristu bantendekelo, ukulingana ku-kwi lyashi ilya kale ilya lukuta ulwa ntendekelo, balesenda ama lupanda pa ma beya yabo, konse uko baleyia, ukulangisha kibili ukuihibisha abene nga Benakristu? Nomba, ba Katolika basoso kutila balya bali ni bena. Mucine, basosa bena bali aba kubalilapo, lelo ulukuta lwa Katolika talwali ulwabunganishiwa lilya. Mwamona? Lelo Abenakristu basendele ulupanda pa...Mwalyumfwa abantu ukusosa, “inuma ya lupanda.” Musontelela cilya kuli ba Katolika?

⁵⁹ Caba ba katolika abene bene, ulwaba konse Ulukuta lwa Mupashi wa Mushilo ulwe sonde, cena cishinka. Ifwe tuli ba katolika. Ifwe tuli ba katolika abantendekelo, ba katolika abacetekela Baibebe. Mwamona? Bena lukuta, Katolika, akabungwe. Ifwe tuli bantungwa kuli cilya. Ifwe tuli ukutwalilila ukwe Sambilisho ilya batumwa. Ifwe tuli ukutwalilila ukwa lubatisho lwa Mupashi wa Mushilo kibili ne fintu fyonse ifyo Lukuta lwa ntendekelo lwa imininepo, kibili ulukuta lwa Katolika talwakwata nangu cimo ica fyena. Mwamona?

⁶⁰ E ico, babikile icapindama kuno, ico caletelwe, ico ica putwilwe ukufuma ku cimuti ca molife mwisamba umo Yesu apepele. Cilya e capindama ico casendelwe imyaka, kibili capelwe kuli ine na Munyina Arganbright. Kibili ndefwaya ukucishisha pamo no lu lukuta.

⁶¹ Kibili ifyo cabu icalinga, ukutila, uyo onse uwa kobeke cena palya. Nshishibe nga ni nani, uyo wakobeke cena uku kwandi—ku kwakuso kwandi. Alibelelwu luse icipondo ku kwa kulyo Kwakwe; ulya ni ne.

⁶² Kibili icintu cimbi lwimininako, ilyo mutwe Wakwe ukontamikwe, ilyo mulemona ukucula Kwakwe. Abantu abali bonse abo abali... Wena ulelolekesha pa cipailo. Kibili Ena alesubila iwe ukuba kuno, we mubembu, kabili akulalolekesha pali iwe. Icalakonkapo bali no kukwata inyali inono ukubikwa apa, ukutila ilyo ubwite bwa kicipailo bulepelwa, ulubuuto lwa kulabyashisha pali cilya, icakutila ilyo abantu bali kuno pa...

⁶³ Mwatila, "Cinshi ico mulefwaila cilya? Imwe tamulingile ukukwata icimpashanya."

⁶⁴ Cisuma, Kanshi, Lesa umo wine uyo wasosele, "Mwiipangila mwebene icipampashanya icili conse icakubasa," Lesa umo wine atile, "Pangeni bakelubi babili no kukumbinkanya amapindo yabo capamo, no kubabika pa cipuna ica luse apo abantu balepepele."

Mulemona, cena cili—cena cili, ukwabula ukwiluka. Mwamona?

⁶⁵ E ico, cilya caliputwamo kabili filya fine calikobekwa mu cifulo ca eiko icalinga. Kabili ndetotela nganshi ukuba ulya uwa kulubali lwa ku kulyo. Ndesubila ukutila Ena alimbelelo luse, pantu ine, ukulingana nge fyo mubutuntulu ukwiba icintu icili conse, nge fyo naishiba, nshatala mu bumi bwandi; lelo naliposaika inshita Yakwe mpaka nalibile cilya. Kabili nalicita ifintu ifingi ifyo nshilingile ukucita. Kabili ndetasha kuli Lesa, muno lucelo, ukutila Ena alimbelelo luse pa membu shandi.

⁶⁶ Kabili nomba undefwaya ukubelenga ukufuma mwi Buku ilya Kubalilapo ilya Milandu 17, kabili ukulanda fye nalimo ama miniti yasano pa kulongana ukwa kushisha, ukupepa, kabili elyo twalaya mu Mbila. Nomba, mulya Kubalilapo ilya Milandu, i—icipandwa ca 17.

Nomba caishile citika, ilyo Dabidi aikele mu nga'nda yakwe, Dabidi atile kuli Nathani kasesema, Mona, ine naikala mu nga'nda ya mikedari, ne cipao ca cipingo cakwa Yehoba caikala mwisamba lyapembe.

Nao Nathani atile kuli Dabidi, Conse icili mu mutima wenu citeni; pantu Lesa ali kuli imwe.

Nomba muli ubo bushiku, icebo cakwa Lesa caishile kuli Nathani, aciti,

Kabiye usose kuli Dabidi umubomfi wandi... kabiye usose kuli Dabidi umubomfi wandi, (ntile), Efyo asosa Yehoba atila, Iwe tawinga nkulila inga'nda ya kwikalamo:

Pantu nshatala njikala mu nga'nda ukutula pa bushiku ubo naninikilemo Israele ukufika pali buno bushiku; nali uwa mwi hema ne hema, e lyali ubwikalo bwandi.

Monse umo naendawike mu bena Israele bonse, bushe nalisose cebo ku wa muba pingushi ba bena Israele, abo naebele ukucema abantu bandi, nati, Cinshi ico ta mwankulila inga'nda...?

E ico nomba e fyo usose kuli... Dabidi, auti E fyo Yehoba wamilalo atila, ine nakubulile kwi cinka, mu ku konko mukuni, kukuba cilongoshi pa bantu bandi Israele:

Kabili naba naiwe monse umo waenda, no kufita abalwani... abalwani bobo bonse kucinso cobe, kabili nkakucitila ishina nge shina ly... abantu bakulu aba pano isonde.

⁶⁷ Kuti natemwa ukusosa, pali ici cifulo, ukutila—ukutila Dabidi amwene icintu cimo cine ico twamwene. Dabidi atile, “Tacili icawama ukutila imwe mwe bantu mwalinkulila inga’nda ya mikedari, kabili icipao ca cipingo icakwa Lesa wandi cicili mu fipembe.” Ilya yali mikupo iyo yabililwe capamo, iya mpaanga ne nama. Atile, “Tacili icalungama kuli ine ukukwata inga’nda isuma, kabili icipao ca cipingo icakwa Lesa wandi ukwikala mwi tenti.” E ico, Lesa abikile pa mutima wakwe ukukula tabernacle.

⁶⁸ Lelo, Dabidi, pa kuba u—umuntu uwa—uwacitemwiko no kusangululwa kuli Lesa, lelo nomba alisumishe umulopa uwangi nganshi. E ico atile... Dabidi, ukulanda ici mucinso cakwa kasesema uwa ilya nshita, uyo wali ni Nathani. Kabili Nathani, ukwishiha ukutila Lesa alitemenwe Dabidi, atile, “Dabidi, cita conse icili mu mutima obe, pantu Lesa ali naiwe.” Ifyo yali insoselo! “Cita conse icili mu mutima obe, pantu Lesa ali nobe.” Kabili ilya ine nshita ya bushiku... Ukulangisha ukusangululwa kwa kwa Dabidi ku kutemwa kwa kwa Lesa.

⁶⁹ Kabili elyo ukumona, inshita imo ine iya bushiku, ukwishiha ukutila ali mu cilubo, ukutila ena tasuminishiwe ukucicita, Lesa ali uwaluse nganshi ukwisaika no kwisa landa kuli Nathani. Kabili lyonse ndapashanya filye fyebo, “Kabiye mukweba Nathani Wandi... Kabiye uyeeba Dabidi umubomfi Wandi, ukutila, ‘Nakubulile kwi cinka.’” Ukuba fye, ena tali nangu cimo.

⁷⁰ Kabili ine—kuti natemwa ukubika cilya pano, pali miniti fye. “Nakubulile ukushali nangu cimo, kabili Ine—Ine—Nalikupela ishina. Iwe walikwata ishina nga bantu abakalamba ababa mwi sonde.” Kabili ndefwaya ukubika cilya mu i—mubumfisolo, lelo nomba mui—mu nshila iyakupele cishinka. Nacilatontonkanya ukutila...

⁷¹ Imyaka yapitapo inono, ine ukwiminina mulya mu musumba kuno, kabili takwali nangu umo uwansakamene. Takwali nangu umo uwa ntemenwe. Kabili nalitemenwe

abantu, lelo takwali nangu umo uwantemenwe, pa mulandu ne mibele ya lupwa lwandi. Te kukana pela umucinshi kuli ba mayo abasuma na batata.

⁷² Ifyo ninga kabila ukutila ba mayo nga balikele ukwingilamo muno umwashila, muno lucelo. Abengi aba nshita sha kale abapela indalamu shabo ku kwafwilisha ukucikula pano, nalimo Lesa, muno lucelo, ali no ku basuminisha ukulolekesha palya pa mutanto.

⁷³ Lelo ulupwa lwakwa Branham talwakwete ishina ilisuma nganshi ulubali lwa kuno, pa mulandu wa kunwa. Takwali nangu umo uwakwete ica kucitapo na ine. Kibili ndeibukisha ukweba umukashi wandi te kale sana, ibukisha fye ukutila ine—tekuti nkwide nangu umo ukulanda kuli ine. Takwali nangu umo uwansakamene. Kibili nomba ningile ukufisama, ukukwata ukutusha ukunono.

⁷⁴ Kibili nomba Shikulu natupela ino ncende ikalamba, kibili—kibili ifi fintu ifikalamba ifyo Ena acita. Kibili Ena ali mpela i... Kunse ke—keshina ilya bipa, Ena alimpela ishina nge shina lyabamo abantu abakalamba. Kibili Ena alincimfisha abalwani bandi konse uko naile. Takwatala akubako nangu cimo ica iminine kuntanshi ya Cena, konse uko Cena caile. Lelo, kibili ndi uwakutasha nganshi pali cilya.

⁷⁵ Kibili musango nshi ningatala ukwishiha; nga kamwana akanono akasapula uku lubali, yabili atemwa amayanda yatatuhukufuma kuno, ukuya ku Ingramville School, ilyo nali icakusenteka ice sukulu, pa kuba uwaspula nganshi, kibili na shiketi pa cishiba ica kale? Musango nshi natalile ukwishiha ukutila pesamba lya cilya icishiba paikeli imbuto ya cananika iyo inga balula nge fi? Kibili musango nshi natalile ukwishiha, ukutila, takwali nangu umo uwalelonda kuli ine, kibili nomba Ena alempela i—ishina ilyo lyali no kucindikwa pakati ka bantu Bakwe?

⁷⁶ Kibili, nomba, Dabidi tasuminishiwe ukukula itempile. Ena tekuti acicite. Lelo Atile, “Nkemya ukufuma kuwa mubufyashi bobo, kibili ena akakula itempile, kibili lilye tempile likaba itempile ilya muyayaya. Kibili pa mwana obe umwaume, umwana wakwa Dabidi, kukaba ubufumu ubwa muyayaya; ena akatungulula.” Solomoni, umwana wakwa Dabidi mucifyalilwa, ukufuma ku maka yakwe aya cifyalilwa, akulile inga’nda iya kuli Shikulu, itempile.

⁷⁷ Lelo ilyo uwa Bufyashi umwine mwine uwakwa Dabidi aishile, Umwana wakwa Dabidi, Alibebele kukesaisa inshita ilyo tapakabe libiye limo pa libiye, ilya lilye tempile. Lelo Ena alyeseshes ukubasontelela kwi tempile limbi.

⁷⁸ Yohane, kasokolola, mulya mwi Buku lya Kusokolola, alimwene iyi Tabernacle. Ukusokolola 21, alimwene, “Itempile ilipyia ukwisa, ukwika panshi ukufuma ku Mulu, iya

pulamikwa nga nabwinga uyo uwapulamikilwe ku mulume wakwe. Kibili Ishiwi ukufuma kwi Tempile, lyatile, ‘Mona, Ihema lyakwa Lesa lili pamo na bantu, kibili Lesa akaba pamo nabo, kibili bakakumuna ifilamba fyabo fyonse ukufuma mu meno yabo. Kibili takwakabe nsala nakabili, nangula ubulanda nakabili, nangu icakukalipwa nakabili atemwa imfwa; pantu ifintu ifyakale na fiya.’’

⁷⁹ Elyo Umwana wakwa Dibidi uwa cine, nge fyo tuli nokumona muli aya masambililo ayaleisa muli uyu mulungu, elyo akesaisa kwi Tempile Lyakwe, Itempile lyakwa Lesa, Ihema iline line ilyo Ena aya mu kukula nomba. Pantu, Atile, muli Yohane 14, “Mu Nga’nda yakwa Tata mwaba apakwikala apengi, kibili ndeya...” Ni cinshi ico Ena apilibwile pali cilya? Cena casontelwa kabela kale. “Kibili ndeya mu ku muteyanishisha Incende, kibili nkesa bwela, ukumupokelela kuli ne Mwine.” Kibili, mucine, twalishiba cilya cikesaba mu Nshita ikalamba ileisa. Kibili uwa Bufyashi bwakwa Dabidi uwa cine akesa senda icipuna ca Bufumu, ico caba ni Yesu Kristu, kibili kulya akesa teka pa Lukuta Lwakwe, nga Nabwinga Wakwe, mu Nga’nda pamo Nankwe, kibili napa mikowa ikumi limo na ibili iyakwa Israele, monse mu Muyayaya.

⁸⁰ Kibili ishi ncende ishinono; nge fyo Dabidi, tekuti akule iya cine Ihema lyakwa Lesa, pantu tali uwaiteyanya ukucicita. Takwali nangu cimo ico enga cita. Ena ali mwina kufwa, kibili asumishe umulopa. Efyo cili ne lelo, kuli ifwe, tatuli abaiteyanya ukukula ilya cine Ihema lyakwa Lesa. Kwaba fye umo uwinga cicita, kibili Lyena lili mu kukulwa kwa Liko nomba.

⁸¹ Lelo lino ihema ilinono, pamo ne tempile ilyo Solomoni amukulile Wene, kibili pamo na yambi, yaba fye incende isha pakashita fye isha kupepelamo mpaka inshita ikese ilyo iline line Ihema likabikwa pe sonde. “Kibili ubulungami bukateka ukufuma ku lwelele ukuya kulwelele. Kibili takwakabe nakabili ubulanda.” Takwakabe ifililo ifikashimikilwa muli lilye Hema. Takwakabe nakabili ukufya, pantu Ukufya kukaba kumo ukukalamba Ukufya ukwa Muyayaya. Ifyo ilya ikabe nshita!

⁸² Lelo lekeni tupange mu mitima yesu, ilelo, ukutila mu kwibukisha mukulolela pali lilye Hema ilileisa, ukutila tuli no kuipela imibebe fwebene ku Mupashi Wakwe, ukutila twakulapepa muli ino ncende kwati fye tuli fye muli ilya Ncende imbi, ukulolela ilya Ncende ukwisa.

⁸³ Nomba lekeni twiminine pa nkasa shesu, kibili ilyo ndebelenga Amalembo ya Mushilo.

Kibili namwene umulu upya ne calo cipy: pantu na fiya umulu wa ntanshi ne calo ca ntanshi; na bembalalipo kibili iyo.

...ine Yohane namwene umusumba wa mushilo, Yerusalemu mupya, uuleika kuli Lesa mu mulu na upekaniwa nga nabwinga uwapulamikilwa umulume wakwe.

Naumfwile i...ishiwi ukufuma mu mulu lilet, Moneni, ubwikalo bwakwa Lesa buli pamo na bantu, kibili akekalilila pamo nabo, nabo bakaba abantu bakwe, na Lesa umwine akaba pamo nabo, kibili akaba Lesa wabo.

Natukontamike imitwe yesu nomba.

⁸⁴ Shifwe uwa mu Mulu, natwiminina mukatina. Natwiminina mu mucinshi kibili mukatina ka Mushilo. Kibili tule mulomba Imwe, Shikulu, ukupokelela icabupe cesu, ukutila Mwalitupela inkumbu, indalamu, ukuteyanya incende iya kupepelamo kuli Imwe. Takwaba nangu cimo, atemwa takuli incende nangu imo iyo twinga teyanya pe sonde, iyo ingaba iyalinga ku—ku Mupashi wakwa Lesa ukwikalamo. Lelo tulepela ici kuli Imwe nge cisibilo ica kutemwa kwesu ne myumfwile kuli Imwe, Shikulu. Kibili tuletasha Imwe pa fintu fyonse ifyo Imwe mwatucitila.

⁸⁵ Kibili, nomba, icikulwa no mushili ukuba ifya shishiwa akale sana, ku mulimo, kibili tuletasha Imwe pa fyakwibukisha ifyo ifyacitike. Kibili nomba, Shikulu Lesa, nge fyo icimonwa caishilemonekela, imyaka yapitapo, ukulangisha ici, ukutila nalimwene ifikulwa ifya kale ifya bantu balimo inshita imo, kibili fyena na fiwamishiwa no kupangwa cipywa cipywa, kibili nalituminwe ukubwelelamo ukuciluka umumana.

⁸⁶ Nomba, Shikulu Lesa, kalenga wa myulu ne sonde, natwiminina nga bantu abe cinka Lyenu. Natwiminina nga aba—aba—aba—abantu ba Bufumu Bwenu. Kibili pamo na ine wine, kibili na kacema, kibili no lukuta, abantu, ifwe tuleshisha ici cikulwa ku mulimo uwakwa Lesa Impalume, ukupitila mwi Shina lyakwa Yesu Kristu, Umwana Wakwe, ku mulimo uwakwa Lesa, kibili ku katina no mucinshi wakwa Lesa. Kibili lekeni Imbila nsuma ikende nganshi ukufuma muli ino ncende mpaka Cikalenga isonde ukwisa ukufuma ku fifutu fine ifya calo, ukumona Ubukata bwakwa Lesa ukuya ukufuma muli cena. Nge fyo Mwacita mu nshita iya kale, lekeni intanshi ikabe imiku ingi iya pulishamo.

⁸⁷ Tata, ifwe nomba twaishisha fwebene ku mulimo, ukupitila mu Cebo, na fyonse ifili muli ifwe. Shikulu, ulukuta kibili na bantu, baleishisha abene, muno lucelo, kukumfwa ukwa Cebo. Kibili ifwe, nga bakapyunga, tuleishisha fwebene, “Ku kushimikila kwa Cebo; ukucincila mu nshita iyene, ne nshita ishiyene; ebaula, kalipila mukutekanya konse.” Ngefyo calembwa mulya mwilibwe lya pa cifutu, ukufuma imyaka

amakumi yatatu yafumapo. Mwatile, “Inshita ikesa ilyo abantu bakakana ukusambilishiwa Isambilisho ilituntulu, lelo bakailonganisha bakasambilisha, pakuba abapepula amatwi; kibili bakapusula amatwi yabo ku Cine, no kwalukila ku milumbe.” Shikulu, nge fyo twaesha ukupela Icebo ku bantu, lekeni tube abaputwamo no kupelwa amaka no kwesha imiku ibili. Shikulu, nge fyo imiku ibili iya ciputulwa ca Mupashi cilewila pali ino ncende, lekeni Mupashi wa Mushilo . . .

⁸⁸ Nge fyo cali mu bushiku ubwa kushisha kwe tempile, ilyo Solomoni apepele; Umupashi wa Mushilo, mu musango wa Ntumba ya M̄ulilo ne Kumbi, fyaishile pa mwinshi wa pa ntanshi, fyaishile enda ukushinguluka ba kelubi, no kuya kulya ku ncende ya Mushilo kibili kulya casendele incende ya ciko iya kutushishamo. Mwe Lesa! Solomoni atile, “Nga bantu Bandi bali mubwafya ukuli konse no kulolekesha kuli ino Incende iya Mushilo, no kupepa, lyena mukomfwe ukufuma ku Mulu.”

⁸⁹ Shikulu, lekeni Mupashi wa Mushilo, muno lucelo, ese mu mutima onse, umweo onse uwasangululwa uuli muno. Kibili Baibele itila, ukuti, “Ubukata bwakwa Lesa bwalikulise nganshi mpaka ba kapyunga balifililwe no kupyunga, pa mulandu wa Bukata bwakwa Lesa.” Mwe Shikulu Lesa, lekeni cibwekeshepo nakibili ilyo tuleipela fwebene kuli Imwe, pamo no lukuta, mu kushisha ukwa mulimo. Kibili nge fyo calembwa, “Lombeni, kibili mukapokelela.”

⁹⁰ Kibili tuleipela fwebene, no musangulo wesu uwa lukuta, muno lucelo, kuli Imwe, ku mulimo, pa ma Lubuuto aya bushiku bwelelo, pa ma Lubuuto aya nshita ya cungulo bushiku; pa kutila twingaleta icisansamushi ne citetekelo ku bantu abo abalelolola Ukwisa kwakwa Shibwinga, ku kufwika Nabwinga mu Mbila nsumma yakwa Kristu, kuli Shikulu Yesu ku kupokelela. Ici twashisha, ine wine, Munyina Neville, no lukuta, ku mulimo wakwa Lesa, mwi Shina lyakwa Yesu Kristu. Ameni.

Kuti mwaikala.

⁹¹ Dabidi atile, “Nali nensansa ilyo batile kuli ine, ‘Natuleya mu nga’nda yakwa Shikulu.’” Kibili lekeni lyonse cileba na ifwe, ukutila, ilyo cikalumbulwa, twakulaba ne nsansa ukulongana mu nga’nda yakwa Shikulu. [Ulukuta lwatila, “Ameni.”—Ka.] Ameni.

⁹² Nomba, panuma ya mulimo uwa kushisha unono, ninkwata ora imo nomba.

⁹³ Kibili, nomba, ibukisheni fye nomba ico twashishiwako; ku katina, umushilo, umutalalilwa ku cinso cakwa Shikulu, ukushinshimuna ku cinso cakwa Shikulu. Kibili ukuba fye uwakatina nge fyo mwingaba, mu ng’anda yakwa Shikulu. Kibili, nomba, kibili ilyo ukulongana kwasalanganishiwa,

lilya line ilyo panuma ukulongana kwasalanganishiwa, fumeni mucikulwa. Mwamona? Kibili cilya cilapela kalinda inshita ukwisa muno no kumuwamya ku nshita ileisa, no kuiteyanya. Kibili elyo te cimfulunganya mu nga'nda yakwa Shikulu. Kibili...?...Ndetontonkanya imwe... incende ili no kuwamishiwa mu ma miniti nalimo ikumi limo na fisano panuma kulongana kwasalanganishiwa. Beni abashininkisha ukuba aba kutemwa. Poshanyeni mu maboko no muntu onse, no kweba cila muntu ukubwela nakabili.

⁹⁴ Kibili—kibili tulesubila ukukwata, uyu mulungu uuleisa, kumo ukulongana ukwa bukata nganshi uko kwatalile ukucitwa mwi hema. Tulelolekesha ku ntanshi kuli cilya. Nomba, ine—ine...tacaishile pali ine mpake cintu cimo... mpaka itali, ukukokola, ama ora ayengi inshita ya bushiku mailo, mu mapepo, natendeke ukumona icintu cimo. E ico, ndesubila iyi ili no kuba inshita ikalamba, ico ndecetekela ili no kuba, nga Shikulu ali no kutwafwilisha. Nomba, nomba, ilyo nasosa, “inshita ikalamba,” nomba, ndi no kulanda pa cintu cimo palwa cilya, muno lucelo. Namwishiba, ifyo muntu eta “ifikalamba” inshita shimo tafyaba ifikalamba. Lelo ifyo Lesa eta “ifikalamba,” umuntu alafita ifyabuwelewele; kibili ifyo Lesa eta ifya “buwelewele,” umuntu alafita ifikalamba. E ico lekeni tubike ici mu mitima, lingeni Icebo conse.

⁹⁵ Nomba, ukulongana kuli ukwatantalila. Kuli no kulembwa, pantu kwena kulongana ukwa kosa, ukusambilisha ukwingi, ukusangululwa. Kibili ndi fye...

⁹⁶ Icifulo uko ndeikala, abantu besha fye, balefwaya ukundisha ifili fyonse, lelo ine...Batile, “Cisuma, naondelako nganshi, Munyina Branham, ifintu fyonse.” Lelo ine Lyonse naba mu mulimo. Ningile ukufumako kuno pa Mulungu uleisa ubushiku, ukuya fika kuli umbi, bwangu bwangu fye, mu Mexico. E ico, cena cili fye icintu icakosa. E ico, lelo ndeesha fye ukuleka ukulisha sana, kibili—kibili ukuilenga ne mwine ukuiteyanya.

⁹⁷ Kibili ndi uwansansa, muno lucelo, ukumona Munyina Junior Jackson, kibili—kibili Munyina Ruddell, kibili—kibili bakapyunga abapusana pusana, kibili na bambipo, ukushinguluka. Lesa amupale imwe bonse.

⁹⁸ Nomba ine—ndefwaya uku—ukulanda kuli imwe muno lucelo pe sambililo ilyo nkweste ifyalembwa. Kibili ndefwaya intanshi ukubelenga ukufuma mwi Buku lyakwa Esaya, icipandwa ca 53. Nomba, ilyo mulepilibula kuli lyena, ndefwaya nkuate ica kubilisha, atemwa fibili.

⁹⁹ Ukutila, mu bushiku, ndefwaya ukulanda pali *ili* Buku, ukusuntinkanya Lyena pakati ka lukuta ulwa kulekelesha ku kwisula kwa Cikakatikilo. Nomba, kuliko umupaka ukalamba mulya.

¹⁰⁰ Kibili, lintu, ilyo napwisheshe pa nshita sha lukuta, ine nakabili nalilandile nakabili palya palwa milungu amakumi cinelubali yakwa Daniele, lilya line ukulikonka, pantu lyaishile ingilamo. Kibili natile, “Nomba, nga nkatala ukusenda Ifikakatikilo Cinelubali, ningile ukufumyapo iyi milungu iyakwa Daniele amakumi cinelubali, pakutila ningaletamo Ifikakatikilo.” Ukushako icintu cimo ukwisulwa, kibili cilya cali icipandwa ca 5, ice Buku ilya Kakatikwa ne Fikakatikilo Cinelubali. Kibili twalabula cilya mu bushiku.

¹⁰¹ Tulefwaya ukwesha ukutendeka bwangu mu bushiku. Nga palwa ine...Imwe na mucilumbula kale, namucicita, ukutampa bwangu? [Munyina Neville atila, “Ee.”—Ka.] Inga palwa cilya, bushe cila umo kuti aba muno nalimo seven koloko? [Ulukuta Iwatila, “Ameni.”] Cili fye bwino. Lekeni tutampe ukulongana ukwa lyonse pa six sate, ukulongana kwa kwimba, kibili nalaba kuno pa seven. Kibili elyo mu mulungu onse tuli no kulatendeka bwangu. Kibili—kibili ifwe, nomba, tuleisa...

¹⁰² Takwabako nangu umo uwatemwa ukwimba nge fyo Abenakristu bacita. Twalitemwa ukwimba. Twalitemwa ifyo fintu.

¹⁰³ Lelo nomba ifwe tuli—ifwe tuli mucintu cimbi nomba. Ifwe tuli—ifwe tuli mu Cebo, mwamona, e ico lekeni—lekeni twikale fye na Cilya nomba. Twalacita. Ifwe tuli—ifwe tuli mukusambilisha. Kibili kuti mwaishiba ifyo caba ukutitikisha ukukalamba ukuli pali ine, mwamona, pantu, nga nasambilisha icintu icili conse icalubana, ndi nokwisa asukilapo pali cena. Mwamona? Kibili nshilingile ukusenda ifyo muntu umo alesosa. Ningile...Cilingile ukuputwamo. Kibili ndecetekela ukutila ba Malaika Cinelubali, Abo abaikatilila ifi Fibulumo Cinelubali, bali no kucipela. Mwamona?

¹⁰⁴ Kibili nomba muli Esaya, icipandwa ca 53 icakwa Esaya, vesi iya 1, atemwa iya cibili. Ndefwaya ukwipusha ili lipusho.

¹⁰⁵ Nomba, ici tacikumine ku Fikakatikilo Cinelubali, nakalya. Iyi ni Mbila fye. Pantu, nalishibe nali nokukwata ukushisha, kibili nshaciba no kuya muli Cilya pantu tekuti nkuate inshita. Lelo nacitontonkanya, pa mulimo unono uwa kushisha, ukulongana ukwa kwibukisha ukunono ukwa luno lukuta, atemwa umulimo unono uwa kushisha, ntile, lyena bena—bena...tekuti cibe inshita lyena kuya muli ifyo ndefwaya ukusosa, mwamona, pa kwisula kwa ili Buku, e ico nalacita mu bushiku. Kibili nomba uku kulongana fye ukunono, ukutila, kwena—kuli no kusuntinkana pamo na Cena, ntile.

¹⁰⁶ E ico, nomba, kutikeni ku Cebo conse. Pokeleleni Cena. Kibili—kibili nga muleambula Cena pa matepu, atemwa

icintu icili conse, kansi ikaleni fye na kulyo Kusambilisha ukwa pali tepu. Mwikesha ukusosa icintu cimbi kano ico ilya tepu ilesosa. Soseni fye filya fine fye ifyo tepu ilesosa. Mwamona? Nomba, pa mulandu, wa filya fimo ifintu, tuli nokwiluka ifingi nganshi palwa ici nomba, umulandu Cena tabacumfwikisha. Mwamona? Kibili mube abashininkisha, mulesosa fye ifyo tepu ilesosa. Mwilasosa icintu cimbi. Mwamona? Pantu, nshisosa Cilya palwandi. Caba ni Wene uyo usosa Cena, mulemona. Kibili inshita ishingi nganshi, icimfulunganya, abantu balema no kusosa, “*Cisuma, Kampanda-na-kampanda atile Capilibwile ifi-ne-fi.*” Fye—Cilekeni fye umusango Cabelamo.

¹⁰⁷ Mwamona, ulya e musango tulefwailamo Baibele. Umusango fye Baibele isoselamo Cena, ulya e musango tulefwailamo Cena, fye—filya fine Fye. Mwilabikako ubwilulo bwenu kuli Cena. Cena caliilulwa kale, mulemona. Nomba:

*Nani uwasosa ati ca cishinka ico twaumfwa? ni kuli
ani uko ukuboko kwa kwa Shikulu kwa sokololwa?*

¹⁰⁸ Lekeni ndibelenge nakabili nomba, nganshi.

*Nani uwasosa ati ca cishinka? (Ilipusho!) Kibili ni
kuli ani ukuboko kwa kwa Shikulu ico twaumfwa?*

¹⁰⁹ Mu mashiwi yambi, “Nga mwalicetekela ilyashi lyesu, lyena ukuboko kwa kwa Shikulu na kusokololwa.” Mwamona?

*Nani uwasosa ati ca cishinka ico twaumfwa? ni kuli
ani uko ukuboko kwa kwa Shikulu kwa sokololwa?*

¹¹⁰ Nomba ndefwaya ukubelenga na mwi Buku lya Mbila nsuma yakwa Mateo Washila, icipandwa ca 11 icakwa Mateo Washila. Kibili, nomba, mukalete amapepala yenu ne fintu, pantu Lyonse Lyonse twaba... Nga tamwakwata icilimba, imwe—imwe mukalete i... amapepala yenu pakutila twingga cikwata. Icipandwa ca 11 icakwa Mateo Washila, ama vesi iya 25 na 26, 11:26 na 27. Cili fye bwino, Yesu alelanda, mwipepo. Ndefwaya ukutendeka panono kunuma ya ilya. Lekeni tutampe pa vesi ya 25 na 26. Ndecetekela palya epo na cibilisha, ntile, pantu na cishila muno muli Baibele yandi.

*Pa nshita ilya ine Yesu asosele ati, Nde mutotela,
Mwe Tata, Shikulu wa mu mulu na panshi, pa kuti
mwfawishile ifintu ifi ku ba mano na ba mucetekanya,
no kufisokolola kutunya.*

*Eya, Tata, Tata: pakuti efyo cabe ica kutemuna ku
cinsو cenu.*

¹¹¹ Umfwikisheni kuli yalya Amalembo yabili. “Nani uwasosa ati cacishinka ico twaumfwa? Kibili ni kuli ani ukuboko kwa kwa Shikulu kwasokololwa?” “Nalilya line Yesu atotele Lesa ukutila Ena alifishile inkama ukufuma ku bamano na bamucetekanya, kibili ali no kushisokolwela kutunya, nga uto

utwingasambilila, pantu ico camoneke icisuma kuli Lesa ukucita cilya." Nomba, ukufuma kuli ili sambililo, atemwa ko-...

¹¹² Ukufuma ku kubelenga kwa aya Malembo, ndeleta ili sambililo: *Lesa Ukuifisa Umwine Mukuicefy, Elyo Ukuisokolola Umwine Muli Cimo Cine.* Nomba, pa mulandu wa matepu ndetwalilila ukubwekeshapo, pa mulandu wa tepu, mulemona, pantu bena bale—bena beleambula Cena. Mwamona? *Lesa Ukuifisa Umwine Mukuicefy, Elyo Ukuisokolola Umwine Muli Cimo Cine.*

¹¹³ Bushe cena ceni ukutontonkanya ifyo kutila Lesa alacita icintu ica musango filya. Lesa ali no kuifisa Umwine mu cintu cimo icaanguka nganshi ico cili no kulenga aba mano ukucilufya ba mailoshi million; kabilo elyo kubwelela ukushinguluka nakabili, muli cilya, cimo ica cintu icaanguka mukuicefy mu nshila Yakwe iya kubombelamo, no kuisokolola Umwine filya fine nakabili. Nacitontonkanya ca cipanga i—isambililo, ukutila twingesoma ili ilyo tatulaya mu—mu—mu kusambilila ukukalamba ukwa Fikakatililo Cinelubali. Abengi bala Mulufya ku musango Aisokolwelamo Umwine.

¹¹⁴ Nomba, abantu balikwata amano yabo abene pafyo Lesa alingile ukuba kabilo ifyo Lesa ali no kwisa cita. Kibili nge fyo nanda insoselo yakale inshita ishingi, ukutila, umuntu nalyo line aba muntu. Umuntu lyonse alapela ukutotela kuli Lesa pafyo Ena acitile, kabilo Lyonse alolekesha kuntanshi kufyo Ena akacita, no kusulako ifyo Ena alecita. Mwamona? Mwamona? Ulya e musango bacilufishamo. Bena balolekesha kunuma no kumona icintu icikalamba ico Ena acitile, lelo balafilwa ukulolekesha icintu icaanguka ico Ena abomfyeshe, ku kubombelako. Mwamona? Kibili elyo balalolekesha ku ntanshi no kumona icintu icikalamba icileisa, ico cili no kwisa citika, kabilo, imiku pabula ukufuma mwi kumi, cena cilecitika kale pakati fye kabu. Kibili cabe caanguka nganshi icakutila tabacishiba. Mwamona?

¹¹⁵ Ubushiku bumo, u—umwaume kuno lubali ku Utica.... Kibili nga bambo aba bantu bakwe bali muno, nshilesosa ici pa cili conse—pa kusebana ukuli konse pa mwaume. Ena ali ni—nkangalume uwa Nkondo ya Bekala calo. Kibili ndecetekela ena ali...Nshaishiba lubali nshi aliko, lelo ndecetekela ali ni Cisanguka. Lelo, ena—ena ali umusenshi, kabilo acetekele ukutila takwali icintu icapala ifi nga Lesa. Aleikala mu Utica. Ishina lyakwe lyali ni Jim Dorsey. Mwebengi imwe mwe bantu limbi mwalimwishibe.

¹¹⁶ Alimpela ine ifitanga menshi ifingi, ilyo nali umulumendo umunono. Alelima ifitanga menshi kulya ku mumana, mu i—mululamba kulya. Kibili ali umunabo umwine mwine kuli

ba tata. Kibili atile, ubushiku bumo, ifintu fimo ifya pulishamo ifyo fyatalile ukulandwa kuli ena, mukupusana. Nomba, nali fye umulumendo umunono muli shilye nshiku, lelo, mukupusana ku citetekelo cakwe, cilya camulengele ukwenda ukutalukako no kukontamika umutwe wakwe no kulila. Kibili ndeumfwa ukutila, kuli ici, umwaume alipilibwilwe bwino nganshi kuli Kristu pa cimo ica kufyalwa nalimo amakumi cinekonse konse na fisano.

¹¹⁷ Alipwishe umukashana umunono, ubushiku bumo, ayo walefuma ku Sunday school, cinshi ena aposele nshita yakwe mukucite cintu ica musango filya? Atile, ni pa mulandu acetekelo ukutila kwali ba Lesa. Kibili Mr. Dorsey asosele ukutila, atile, “We mwana, uli mucilubo nganshi, ukucetekela mu cintu ica musango nga filya.”

¹¹⁸ Kibili asosele ukutila umukashana umunono ainamine pansi no kunukula a—akaliluba akanono ukufuma mu...ukufuma mu mushili, akatintile ukufuma mu tu mabula twakako, kibili atile, “Mr. Dorsey, bushe kuti mwanjeba ifyo aka kaba no bumi?”

¹¹⁹ Cilya icali palya. Ilyo atendeke ukufwailisha kununa, ena ngalisosele ku mwana, “Cisuma, lyena limena mu mushili.” Elyo kibili amepusho kuti yabwelelamo, “Nikwisa uko umushili wa fumine? Musangonshi ilye mbuto yaishile apa? Musangonshi cacitike?” Ukutwalilila, no kutwalilila, no kutwalilila, no kulikonka kunuma mpaka alimwene. Mwamona?

¹²⁰ Te fintu ifya ifikalamba ifyaembesha ifyo tutontonkanyapo, lelo fyabe fintu ifya anguka ifyo Lesa abamo umutuntulu nganshi, ukuicefy. E ico, cilasekesha Lesa ukuisokolola Umwine, kibili elyo ukuifisa Umwine; elyo ukuifisa Umwine, no kuisokolola Umwine, mu fya aanguka, ifintu ifinono. Cena cibikwa pa mulu wa mutwe wa muntu.

Pantu, nga kuti mwasosa, “Cinshi Lesa umulungami enga citila cilya?”

¹²¹ Ni pa mulandu umuntu alilengelwe, mukutendeka, ukukana itungulula umwine. Umuntu alengelwe ukushintilila umupwilapo pali Lesa. Ulya e mulandu wine twapashaniwa ku bana ba mpaanga, atemwa impaanga. Impaanga te kuti itungulule ine; ilingile ukukwata katungulula. Kibili Mupashi wa Mushilo alingile ukututungulula. E ico umuntu alengwa muli ulyo musango.

¹²² Kibili Lesa alengele imilimo yakwe yonse ukuba iyaanguka nganshi, pa kutila abaicefy bengeluka yena. Kibili Lesa ailenga Umwine uwaicefy, pamo na baicefy, pa kutila engelukwa ku baicefy. Mu mashiwi yambi, Atile, muli Esaya 35, ndecetekela. Atile, “Kibili abatumpa, tabakendemo.” Cabe caanguka nganshi!

¹²³ Kibili twalishiba ukutila Lesa aba umukalamba nganshi, mpaka tulecisubila ukuba icintu cimo icikalamba, kibili tulalufya icintu icaanguka. Tulaipunuma pa caanguka. Ulya e musango tulufishamo Lesa, ni pakuipununa pa caanguka. Lesa aliba uwaicefyा nganshi mpaka bakasambilila bashino nshiku, kibili inshiku shonse, bala Mulufya ba mailoshi million. Pantu, mu matontonkanyo yabo, balishiba ukutila takwaba nangu cimo icapala Wene, icikalamba nganshi; lelo, mu busokololo Bwakwe, ena alacilenga ukuba icanguka nganshi balaya pa mulu wa cena no kucilufya.

¹²⁴ Nomba, someni Cilya. Cisomeni Cena conse. Kibili imwe mwe bantu mwebaletandala kuno, ilyo mwaya mu fipinda fyenu mu motel, buleni filya fintu no kutontonkanya pali fyena. Ta tukwete inshita iya kulondolola Cena nge fyo Cilingile ukulondololwa, lelo ndefwaya imwe ukucicita ilyo mwaya ku motel, atemwa hotel, atemwa konseuko muleikala, atemwa ku nga'nda. Filonganikeni capamo no kusoma pali Cena.

¹²⁵ Bala Mulufya mu musango uo Ena aisokolola Umwine; pantu Ena abo umukalamba nganshi, nomba, alaifisa Umwine mukuicefyा, ku kuilenga Umwine ukwishibwa ku bacepesha. Mwamona? Mwilaesha ukusenda icikalamba, pantu Ena alaya pa mulu wa cena. Lelo umfweni ku kuicefyा kwa kwa Lesa, elyo kibili muli no kusanga Lesa umu mwine mu musango uwa icefyा.

¹²⁶ Ayapulishamo, amano aye sonde, amasambililo, lyonse yala mulufya Wene. Nomba, nshili pano... Kibili ninjishiba muliko bakafundisha ba kusukulu, bibili atemwa batatu, abo naishiba, abekele muno. Kibili nshili muno ukupililikila amasukulu na masambililo, no kwesha ukusuminisha ubututu. Nshili muno pali cilya. Lelo, ifyo cena cili, abantu balibika nganshi pali cilya mpaka bena baba, nangula mu ma seminarial kibili na fimbipo, balelufya icintu cine ico Lesa abika ku ntanshi yabo.

¹²⁷ Ulya e mulandu wine nshisushisha ba munyina abo abali mu filonganino, lelo ndasusha imibombele ya filonganino, pa mulandu ileesha ukuisansabika ine, kibili—kibili—kibili ukusambilisha bakapyunga ukuya ukupimwa kuli ba shinga'nga abapima ubongo bongo mu cifulo ica musango *ifine-fi*, mpaka, nga tabakwete ukusambilishiwa ukwalinga na masambililo, bena balabatamfyा. Kibili—kibili balingile, kibili na fimbipo. Nshatala ukutontonkanya cali bufwayo bwakwa Lesa ukupima kapyunga kukupima kwa bongo, lelo ukumupima ne Cebo. Mwamona? Cena—cena—cena kuti cabe nshila yakwa Lesa iya kupiminamo umuntu Wakwe uo Ena atumine, ukukwata Icebo.

¹²⁸ "Shimikila Icebo!" Nomba, ilelo tulashimikila ukwishibya ifikomo, tulashimikila icisumino no bwinafilonganino, kibili

ne fintu ifingi, kibili no kusha Icebo, pantu basoso kutila Cena teti cilukwe. Cena teti cilukwe. Ena alilaya ukucicita. Nomba tulelomba Wene ukucicita.

¹²⁹ Nomba twalasenda abantu bambo abanono pano pa ma miniti ayanono.

¹³⁰ Lekeni tumone mu nshiku shakwa Noah. Mu nshiku shakwa Noah, Lesa ali mwene amano aye sonde ukulumbanishiwa nganshi no kupelwo mu cinshi, Atumine Imbila iyaangu ku muntu uwaicefy, ukubalanga bena ubukalamba Bwakwe.

¹³¹ Nomba, twalishiba ukutila mu bushiku bwakwa—bwakwa—bwakwa Noah, basoso kutila ubuyantanshi bwali ubwapulishamo nganshi, lilya, mpaka ifwe tatulafika pali cilye cifulo na nomba, mu buyantanshi bwesu ubupya. Kibili ndecetekela ukutila bwena mukulekelesha bukafikapo, pantu Shikulwifwe atile, “Nge fyo cali mu nshiku shakwa Noah, efyo cikaba na pa Kwisa kwa Mwana wa muntu.” Alipele ubulondoloshi bumo.

¹³² Kibili bali kulile piramid ne cimpashanya kulya mu Egupit, kibili balikulile ifintu ifikalamba sana ifyo tatwakwata amaka, ilelo, ukukulilako ifya musango ulya. Balikwete i—icakusungilako icitumbi, ica kutila bena kuti basunga umubili, ku kuulenga ukumoneka utuntulu nganshi mpaka na lelo epo ucili. Ifwe teti tukange icitumbi ilelo. Tatwakwata ifintu ifya kucitilako cilya. Balikwete amalangi ayo—ayo yekata bwangu nganshi, pali yane atemwa pa myaka amakana yasano ayapitapo, yena ilatwalilila ukuba ilangi limo line ifyo lyali. Mwamona? Ifwe tatwakwata ica musango filya ilelo.

¹³³ Kibili ne fintu ifingi ifikalamba ifya bulyo buyantanshi filanda ukwshibisha ukwa buko ukwapulamo pa buyantanshi bwesu ubupya. Kibili e ico imwe kuti mwaelenganya ifyo amasambililo na science, ifishibilo ifikalamba ifya musango filya ifyo twasha, ukutila kwali ubuyantanshi ubwa musango filya. Ifyo i—ifyo bwalingile ukuba ubuyantanshi ubukalamba, cisuma, ifi fibukisho, ifyo kuti science kibili—kibili ubuyantanshi ubupya na masambililo fyali—fyali i—icifwaikwa ku bantu. “Bena balingile ukuba. Cena cali no kuba.” Takwaliko nangu umo, ndemonia, ubututu nangu bumo pakati kaboo, nakalya.

¹³⁴ Kibili e ico, Lesa, ukufwailisha muli bulya ubwikashi ubukalamba pali bulya bushiku, mu mibombele yabo, tekuti, nalimo, asange umuntu uwalinga, mpaka Ena asangile umututu, nalimo, umulimi uwe shina lyakwa Noah, kacema wa mpaanga. Kibili Ena amupele imbila Yakwe ku kushimikila ku bantu, abo abali abaicefy, nganshi, ku yabo—ku masambililo yabo aya bulya bushiku, mpaka abantu

baipunwine pa kuicefy a ukwa mbila. Kibili, nomba, imfila yali, mu cins o ca science, "Ubuwelewele! Musango nshi kwingaba imfula mu lwelele, ilyo takwali imfula ku mulu kulya?" Mwamona? Kibili imfila iyaanguka iya—iya ku kula icibwato, ukukula icintu cimo ica kwingilamo, ukutila takwali amenshi nangu yamo ayakucikalikapo. Cinshi, aishileba uwafulungana. Kibili aishileba i—i—i—i... ifyo twingeta, nga kuti mwaelelako insoselo ya lelo, i— "icakusekesha."

¹³⁵ Kibili mupepi bonse abantu bakwa Lesa baba "icakusekesha," mwamona. Bena efyo baba. Ndi uwansansa ukuba umo uwa bena. E ico, namwishiba, bena—bena balipusana ukufuma ku—ku micitile ya buyantansi ubupya, e ico besa mukuba icakusekesha, iceni. Atile abantu Bakwe bali "Abantu abaibela, icakusekesha, iceni; lelo bushimapepo bwa muli bumupashi, uluko lwa bufumu, ukupela amalambo aya bumupashi kuli Lesa, ifisabo ifya milomo yabo, ukupela ukutotela kwi Shina Lyakwe." Ifyo ba—ifyo baba abantu! Ena ali bakwata.

¹³⁶ Kibili moneni, nomba, ifyo cilye cintu cali icikalamba muli bulya bushiku, ku wafulungana umo ukwisa ku lukuta; uwafulungana, no kushimikila imfila nsuma iyo yamoneke kunse ka cishilwa, mu musango wabo uwa kucetekela. Kibili aba science, "Cinshi, cena—cena cali fye ukupena." Ifyo bena bengashininkisha mu fya science takwali imfula kulya!

¹³⁷ Lelo uyu kacema wa mpaanga uwa icefya alicetekelo, "Nga Lesa asosele ukutila ikaloka, kuti yaloka. Mwamona?"

¹³⁸ Kibili e ico pashanyeni fye cilya ne lelo, palwa umo muntu nga undapwa. Basoso kutila, "Cena fyakumfwa umfwa fye. Ine kuti nashininkisha ku fya science kuli iwe kutila impwalonda, atemwa icintu icituntulu, atemwa—atemwa—atemwa icintu cicili palya." Lelo, ku wacetekela uwaicefya, cena na ciya. Mwamona? Pantu, ena taleolekesh a pa cintu cituntulu, ena alekesha ku bulayo, nga filya fine Noah acitile.

¹³⁹ E ico bushe ta mulemona, "Nge fyo cali mu nshiku shakwa Noah, efyo cikaba mu Kwisa kwa Mwana wa muntu?"

¹⁴⁰ Mu fya science, takuli nangu umo... Doctor kuti asosa, "Lolekesha kuno, cimumena cobe cicili palya. Impwalonda yobe epo icili. Ukuboko kobe kuli fye ukwa lemana nge fyo kwatala ukuba. Iwe naupena."

¹⁴¹ Kibili, ibukisheni, ulya ni ulya wine umupashi ukufuma mu nshiku shakwa Noah, ulya uwasosele, "Takuli imfula ku mulu kulya, kuti twalasa umweshi ne fibombelo, kibili takuli imfula kulya." Lelo nga Lesa alisosa ukutila ku kaba imfula kulya!

¹⁴² "Pantu icitetekelo lishintililo lya fintu ifituntulu tulelolela, ni nte iya fintu ifishimonwa." Kibili icitetekelo cawkata

ukutusha kwa ciko ukwa kulekelesha pa Cebo icakwa Lesa. Palya epo cisanga incende yakutushishako ya ciko. Muleumfwa? [Ulukuta, "Ameni."—Ka.] Incende ya ciko ya kutushishako yaba pa Cebo cakwa Lesa.

¹⁴³ Palya epo Noah atushishe cena, "Lesa efyo asosa." Cilya calicipwisheshe. Nomba nga muli no kumona nakabili, kanshi, Noah, nomba, mukucetekela ica musango filya, ali uwafulungana.

¹⁴⁴ Kibili abantu belelo abacetekela mulubatisho ulwa Mupashi wa Mushilo. Nomba, ulukuta lusosa, "Aba bantu balifulungana. Bena tababa nangu cimo lelo libumba ilya bombelwapo, abafyakumfwa umfwa, abantu abaisulamo umwenso." Lelo tabaishiba nangu panono ukutila Icebo cakwa Lesa cilasambilisha cilya. Cena bulayo.

¹⁴⁵ Kibili, kuli Noah, te mulandu ubwingi ifyo basosele, "Umuntu umukote tali mu mano yakwe ayatuntulu; ukutila ena ali uwaluba mu fya science; kibili—kibili—kibili, mu mano, ali mucilubo." Lelo, kuli Noah, cali Icebo cakwa Shikulu, kibili Noah aikele na cena. Kibili aba mano na ba mucetekanya baipunwine palwa kuicefy a ukwa cena, kibili balufishe ubuntu bwabo. Ifyo u—u—ukwebaula nomba, efyo kuli, kuli ilya nkulo!

¹⁴⁶ Abantu abengi batila, "Nga nalikele kunuma kulya!" Iyo, imwe nga mwalisendele imicitile imo ine. Pantu, ilelo, mucintu cimo cine icilebwekeshiapo ilelo nakabili, kano fye mu musango umbi, balaipununa pali Cena ilelo nga filya bacitile lilya.

¹⁴⁷ Te ca kutwishika, muli shilye nshiku, balikwete bakashimikila abengi, lelo Noah ali uwaputwamo na Lesa. Kibili Noah kuti alolekessa kunse no kumona cilya icali mupepi no kucitika, kibili ukwishiha ukutila inkulo iya bucende kibili iya bipa, nga ilya, ukutila Lesa te kuti ailekelele ukubapo. E ico ni finshi twinga cita, ilelo, lelo ukumona icintu cimo cine! Umupya Sodoma na Gomora, mwamona, aba bipa, abantu abacende, abaishibisha mu fya masambililo icakutila balaipununa pa kuicefy a ukwa kumonekela kwa kwa Lesa ukwa Buntu Bwakwe kibili ne Cebo Cakwe, ukulangisha Icebo Cakwe.

¹⁴⁸ Takwaba umuntu mwi sonde, Rosella, uyo... atemwa, kibili—kibili uwingasosa ukutila—ukutila tatumona pamo na ifwe Icebo cine icakwa Lesa ukulengwa ukumoneka. Ubulayo bwine ubwa nshiku shakulekelesha, Inyali shine isha nshita ya cungulo bushiku isho shali no kubalika, tuli abantu abashuka ukumona cilya. Kibili, uko, isonde lyashibisha, califiswa kuli bena. Yesu asosele kuli Lesa, Wishi, Atile, "Cali musekeshe Imwe ukucifisa kuli bena. Eya, Tata, Imwe na mucifisa." Balekeni, na mano yabo.

¹⁴⁹ Mulemona, cali amano ayo yatendeke umupila uku kunkuluka mu fiko fya lubembu, pa kutendeka; pantu Efa alefwaya amano ilyo akumenye Satana, na Satana aliyapele kuli ena, mwamona. Kibili amano yaba ayapusana ku Cebo. Tatwaipushiwa ukukwata amano. Twalipushiwa ukukwata icitetekelo muli cilya icalandwa kale. E ico, mwamona? Nomba, ilelo, bakasambilila bala Ciwaminisha mu musango uwakutila, no kubika Cena kulya lubali, ukubikako ubwilulo bwabo abene kuli Cena, lyonse balacita. Balecita icintu cimo cine ilelo; cena caba mu mulingo umo wine. Nomba, abantu, lelo i . . .

¹⁵⁰ Atemwa, abantu lilya balicilufishe, nge fyo balecilufya no kucita ilelo. Icintu cimo cine. Bena balecita icintu cimo cine. Pantu, bena . . . Pantu umulandu bacilufishe, pantu bena bali abacenjela nganshi ku kucicetekela. Mwamona? Nomba, imfila yali iyaanguka nganshi, icakutila abacenjela bali abacenjela nganshi ukucetekela ukuicefy a ukwa mbila. Owe, mwe! Lesa ailengele ukuba iyaanguka nganshi, mu Cine, icakutila abacenjela na ba masambililo balilufishe ukucimona, pantu cali icaanguka nganshi. Cisuma, cilya e cilenga ubukalamba bwakwa Lesa ukuba umukalamba nganshi; pantu, pa kuba uwapulishamo, kuti ailenga Umwine uwaicefy a.

¹⁵¹ Abaume ilelo, ukulangisha ukutila tabali abakwa Lesa, bena bakalamba kibili besha ukuba abakalamba nganshi, no kuilangisha abene abakalamba nganshi, kibili, "Umukalamba Bishop, Doctor Holy Pope," e fintu fyonse, ukuilenga abene icintu ico tababa nakalya. Kibili Lesa, pa kuba umukalamba nganshi, alaileta Umwine panshi ukuicefy a. Ukuicefy a e bukalamba.

¹⁵² Ifwe kuti twapanga indeke iya jeti, kuti twatumma rocket kui . . . ku . . . atemwa ukubika i—i—icipolopolo icikalamba mulwelele. Kibili ifwe kuti twacita fyonsse ifi fintu, lelo nomba, lelo te kuti tupange akalibula kamo akacani. Uh-huh. Ameni. Nga palwa cilya? Lelo mucifulo icakwesha ukubwela no kumona cilye cipanga cilye cani, no kusumina Lesa wine uyo uwalengele icani, tuleesha ukupanga icipolopolo icikalamba ico cili no kuya kulya mu lubilo ukucila umuntu umo uwinka pang a cimo. Mwamona?

¹⁵³ Tuli abacenjela nganshi kibili abasambilila, mu ma chalichi yesu, mpaka kuti twakula icikulwa ica ma dollar million, atemwa icikulwa ca ma dollar ama million ikumi, lelo, nomba, no kwesha ukukula cimo icawamisha ukucila ica ba Methodist, atemwa ba Baptist ukukula cimo ica wamisha ukucila icaba Prebysterian, kibili ba Pentecostal baishile ingila muli kulyo kucimfyanya kwa ba koswe. Lelo icintu ica cena cili, ni ci; ifwe twaba, nalyo line, twaliba abacenjela nganshi kibili abaibika mu nshila shesu fwebene mpaka tulafilwa ukuicefy a fwebene ukwiluka Lesa uuli muli ka

minshoni akanono pa cifutu. Mwamona? Cilya cishinka. Cisuma, cilya ni ci, tulaipunuma mukuicefy. Bena lyonse balicicita.

¹⁵⁴ Nomba, bena, bena bali—bena bali abacenjela nganshi ku kucetekela imfila iyaanguka iya musango ifi. Yena tayali iyawamishiwa nganshi kuli ba kafwailisha babo aba science abo bakwete. Yena tayali—yena tayali iya mano nganshi, imfila tayali iyalinga, ku mitantikile yabo iya masambililo iyo bakwete muli bulya bushiku. Mwamona? Bena balisomene ukwishiwa ukutila kwaliko Lesa, kibili bena balisomene ukwishiwa ukutila Ena ali umukalamba, kibili balyeseshes ukuisansabika abene pa mulu abakalamba pamo Nankwe. Ilyo, inshila iya kuilako pa mulu lyonse yaba pa nshi.

¹⁵⁵ Nomba, nani uwaishiba nga cakutila Incende ya ku Kapinda ka ku Kulyo e ku Kapinda ka ku Kulyo, atemwa Incende ya ku Kapinda ka ku Kuso e ku Kapinda ka ku Kulyo; atemwa Incende ya ku Kapinda ka ku Kulyo e ku Kapinda ka ku Kuso, Incende ya ku Kapinda ka ku Kuso e Kukapinda ka Kulyo? Ni kwisa ukwaba pa mulu kibili ni kwisa ukwaba pansi? Twalilebelia mulwelele. Tulasosa, “Incende ya kaku Kapinda ka Kulyo yaba pa mulu.” Mwaishiba shani? Incende ya ku Kapinda ka ku Kuso limbi kuti yaba Akapinda kaku Kulyo. Mwamona, imwe ta mwaishiba. E ico lekeni twibukishe, kibili ici Cebo...

¹⁵⁶ Atile, “Lyena musangonshi twinga sosa, Munyina Branham, ukutila, ‘Pa mulu e pansi?’”

¹⁵⁷ Pa mulingo wa Cebo cakwa Yesu Kristu! Atile, “Uyo uipetamika umwine akasansabikwa, lelo uyo uisansabika akacendwa, ukuletwa pansi.” E ico kanshi, mucine, pa nshi ni pa mulu, kibili pansi e pa mulu.

¹⁵⁸ Nge fyo uwa mushilo umukote asosele mu Chicago, ukutila...Umwaume, kapyunga umo ukufuma ku kabungwe kamo, alimine kuli ba Pentecostal bambo. Ena alikwete ifintu fyakwe na mano capamo. Alile kulya no kubomfyia amashiwi ayo ba Pentecostal tabaishibepo nangu cimo, kibili alile kulya, kibili alimwene tafyaleendelana capamo na bantu bantu ba Pentecostal. E ico aile kulya, ne cifuba cakwe kunse, kibili ena ali “uwa Mushilo Doctor *Kampanda-na-kampanda*,” namwishiwa, ukufuma kwi sukulu ilikalamba ilya *ifi-ne-fi* kulya mu Chicago. Kibili arolekeshe mu mbali, kibili balya ba Pentecostal balelolekesha nya umo no mubiye. Bena tabaishibe ne fyo alelandapo; ali uwasambilila nganshi, uwacenjela nganshi, uwa mano sana. Bena tabaishibe.

¹⁵⁹ Cali icintu cimo nga cilolo umo, atemwa umuntu umo uyo uwaiile ili line mukusalwa pali bukateka kibili alicimfishiwe. Tuck Coots alinjebele. Ilyo naleshimikila pacililo cakwa Mama Ford, kibili nalelanda palwa kubuka, icishininkisho ica

kubuka, “Nga filya fine mucine akasuba kalatula, efyo naine nkema. Nga filya fine fye mucine nge fyo icani cilafwa mu Mpepo, kabili amabula yalapona ukufuma ku cimuti, yalabwela nakabili. Ilyo isonde lyailungamika iline mu mushilwa, yena yalingile ukubuka nakabili.”

¹⁶⁰ Tuck atile, “Nalitashishe iye Mbila, Billy.” Munyina Neville na ine twalikele capamo muli motoka. Kabili natile, “Tuck . . .” Atile, “Ndetasha pa Mbila shobe.”

Natile, “Tuck, nshakwata amasambililo nangu yamo,” efyo nasosele.

Atile, “Cilya e ciputulwa icawama palwa cena.” Mwamona?

¹⁶¹ Kabili, nomba, atile aile mukumona . . . Cisuma, ndemonia umwaume ali no kumbelelo luse, nshilepilila . . . Adlai Stevenson, namwishiba. Kabili atile ali mumfwile ama miniti ikumi limo na fisano. Kabili Mr. Stevenson alibo waishibisha mukulanda, alingile ukuba, namwishiba, mpaka Tuck atile. . . Ndemonia alikwata amasambililo aya ku koleji. Atile alikele palya no kuponena mutulo. Kabili atile aponene mutulo, ukumfwala kuli ena, mu ma miniti ikumi limo na fisano. Lelo atile, “Na masambililo aya ku koleji, nshailwiike kano fye amashiwi ayanono sana ayo asosele; yena yali aya wamisha nganshi.” Atile, “Iwe tawatala ukumona ine ukulala mukulongana kobe kumo, bushe walitala, Munyina Branham?”

¹⁶² E ico, mwamona, cena caba ukuicefy a ukwa Cena, ukuicefy fye, palya epo Lesa ekala.

¹⁶³ Nomba, bena bali—ben a bali abacenjela nganshi, muli bulya bushiku, ku kumfwa ubupilibulo ubwa nshila yakwa Lesa iyaanguka iya kucitilamo ifintu. Tayali iyawamishiwa kuli bena. Ilingile ukuba iyawamishiwa, Yena ilingile ukuba iya pulishamo nganshi, nga te ifyo balailufya. Nomba, lelo, Yehoba mukalamba Aliifishile mu Cebo Cakwe. Kabili Ailengele Umwine ukwshibikwa ku bantu abo abacetekele mu Cebo Cakwe, pa kubapususha, no kwisa fikilisha imbila iya aanguka. Imbila iyaanguka iyakwa Noah, Lesa aishile ifikilisha. Nomba moneni cilya.

¹⁶⁴ Nomba, elyo, nakabili mu nshiku shakwa Mose, moneni inshita naimbi iya kupokololwa.

¹⁶⁵ Ilyo Lesa ali fye mupepi ku kucite cintu cimo ku kupokolola abantu Bakwe, Lesa alatuma Imbila ku bantu. Kabili, Cena caliba icaanguka nganshi, nge fyo tuli no kwisa umfwa mukwisula ukwa ifi Fikakatikilo. Lilya elyali ipange lyandi iya kuleta ici intanshi. Ukutila, tulesanga ukutila ukwisula kwa filye Fikakatikilo kwabo kwa aanguka nganshi, aba—aba—abacenjela balacilufya Cena, ba mailoshi million. Mwamona? Ndesubila ukutila Lesa ali no kunsuba ine palwa

Cena. Mwamona? Mwamona? Cena ciya fye pa mulu. Kibili ulya e mulandu wine nacitontonkanya iyi Mbila, muno lucelo, kuti yaba iyalinga, ukutantika umufula, palwa kuicefya kwa kwa Lesa, mwamona, ifyo Lesa aifisa Umwine mukuicefya.

¹⁶⁶ Tontonkanyeni fye, bena kuti bapatula utu ma atom no kucita fyonse ifyashala; lelo ilyo caisa ku kumya ku bumi, bena te kuti balande noko bwafuma. Akalibula akaanguka akacani, kibili Lesa alifisama muli kena. Bena kuti batuma rocket ku mweshi, no—no kutuma icakutungulwilako kulya lubali, atemwa na fimbi ifya bako, kibili nalyo line te kuti balondolole ubumi mukalibula ka cani. Cilya cishinka. Mwamona? Ni pa mulandu kena te kuti kalondololwe. Kena kaliba akaanguka nganshi, tabamona cilya.

¹⁶⁷ Nomba moneni Mose, mu bushiku ubo Lesa ali no kupokolola abana ba Israele, ukulingana ne Cebo Cakwe. Ena, ni cinshi ico Ena acitile? Ena asalile ulupwa ulwa icefya. Tatwakwata ilyashi ilyalembwa ilya bena. Mwamona, alifye “umwana wakwa Lebi,” efyonse fye twaishiba. Mwamona? Kibili e ico ifwe...kibili umukashi wakwe. Ngabali bonse, nalimo ka—ka kanda wa matipa, nge fyo isonde lingatontonkanya, kunse kulya ukupangila umulwani injelwa. Ali fye umusha nga bonse abashala mu Israele, lelo Lesa asalile lulyo lupwa ku kuleta kapokolola; ulupwa fye ulwa ci Yuda nga bashala. Ena tatalile ukuya no kusenda uwa cindama no walumbukwa, atemwa icintu cimo, atemwa nangu ukubula shimapopo umo. Ena abulile ulwa mu bekala calo, ulupwa nga bashala. Mwamona? Ukuicefya! Moneni ifyo Ena acitile, lilya, Aishile leta umwana, umuntunse uwaicefya. Ena tatala...

¹⁶⁸ Ena ngali—Ena ngalisonte akasuba, nga Ena alefwaya ukucita, ukubapokolola. Ena galisonte umwela ukubapokolola. Ena ngalisonte Malaika ku kubapokolola. Owe, aleluya! Lesa kuti acita icili conse ico Ena alefwaya ukucita.

“Cisuma, waishiba shani cilya, Munyina Branham?”

¹⁶⁹ Lesa takashe ubutantiko Bwakwe. Ulya e mulandu wine twaishiba ukutila, buno bushiku, Cena cilingile ukuba icaanguka. Mwamona? Nomba, Ena lyonse abomba mukuicefya. Lelo Lesa, mukutendeka, cilya nga calengele akasuba ukushimikila Imbila nsuma, atemwa ifipupu ukushimikila Imbila nsuma, atemwa Malaika ukushimikila Imbila nsuma, lelo Ena asonte abame kuli lilye pange, kibili Ena tatala ukulipilibula. Ena tatalile ukusonta mu... Ena tatalile ukusonta ifilonganino. Ena tatalile ukusonta amabumba ya bantu. Ena asonte abame ukushimikila Imbila nsuma; te ba mashini, te fibombelo fya mashini, atemwa Icibumbwa icili conse ica bu Malaika. Cena cali muntu!

¹⁷⁰ Kibili ilyo Ena aletele ukupokolola ku bantu kulya lubali, Atumine umuntunse uwaicefyा, uwafyalwa mu lupwa ulwaicefyा mwi bumba lya basha. Owe, mwe! Ifyo Ena aba Lesa, ukuifimbula Umwine mukuicefyा!

¹⁷¹ Nomba moneni. Kibili Ena amulengele wene ukusambilishiwa mu mano aye sonde, pakutila enga filwa, no kulangisha ukutila tacaba amano ayo ayakatala ukupolelwako. Cena caba ku citetekelo uko tupokolwelwa. Ena ali mulekele ukuyamo no kuyawkata masambililo nganshi mpaka ena kuti asambilisha abena Egupit amano; ena ali uwacenjela nganshi. Lesa ali na lulyo lupwa ulwa icefyा ulwinga, nalimo, nalimo ukufilwa uku lemba amashina yabo. Kibili Mose ali twelwe mwi sukulu ilya pa mulu nganshi, na masambililo ayakalamba aya musango filya, mpaka kuti asambilisha amano kuli bakafundisha. Ena kuti asambilisha bakalapashi. Ee. Kibili Lesa ali mulekele ukuya muli ilya nshila pa kutila Ena enga ilangisha Umwine mukupetama, ukulangisha ukutila amano tayakwatapo icakucitapo na cena. Kibili Mose alifililwe ububi nganshi muli bukalapashi bwakwe. Ena amulekele ukuya muli ulya musango kwí pange Lyakwe, pakutila ena enga filwa. Kibili ena alifililwe, kibili ena aliwile.

¹⁷² E ico, ukulangisha, “Te ku maka, atemwa kubulumba,” lelo te kumano aya Egupti, te ku mano aya masukulu yesu, te kumaka aya masenary yesu, lelo te kubwingi ubwa kabungwe kesu, te kumaka ayakusambilisha kwesu ukwa ku sukulu, “lelo ku Mupashi Wandi, efyo asosa Lesa.” Amano yakwe yalipwile kibili yaishileba ku mpela yayako, ilyo akumenye Lesa mucimpusa icalepya kulya. Alifulileko indyato shakwe no kuipetamika umwine mukuicefyा, no kulabako fyonse palwa mano yakwe.

¹⁷³ Lesa, ukuleta ukupokolola, alimusambilishe mu mano, ukuleka ena awe, ukulangisha ukutila te kuti ushintilile pa kuboko kwa kwiluka kobe we mwine, atemwa pa kwiluka ukwa muntu umbi uwashala. Ali mulekele ukuwa, ku kulangisha ukuboko Kwakwe. Bushe mulemona ici? [Ulukuta, “Ameni.”—Ka.] Ipange lyakwa Lesa mukucita cilya, cali ukuilangisha Umwine mukupetama. Kibili Ena alekele Mose ukuba uwapulishamo, mpaka ena kuti—ena kuti aisaba Farao ukakonkapo. Ena ali ni cilolo impalume. Ukulingana ne lyashi lya kale, alicimfishe, Mose umwine ifyalo ifyashingulwike. Kibili elyo ilyo apilibukila ku mulimo uwakwa Shikulu, ne talanta lyakwe lyonse, Lesa amulengele ukupona ukutangisha umutwe, pa kutila ena enga mubika mulya mu matololo no kupumaula fyonse filya ukufumya muli ena; kibili elyo ukumonekela kuli ena, mukupetama, kibili no kumutuma ne nkoto mukuboko kwakwe, ku kupokolola abantu.

¹⁷⁴ Ilyo, ena tekuti acicite ku kusambilishiwa kwa fya bushiliika, ku masambililo, aya fya science. Kibili ku maka aya

fya bushiliaka ena te kuti acicite. Kabili Ena ali mupele inkonto iyakale iyaongama ukufuma mu matololo, kabili Ena alicicitile pamo na wene. Lesa mukuipetamika, ukuicefya! Lesa ali mu nkonto kabili muli Mose. Kabili ilyo lyonse Mose ali ne nkonto lyena Lesa aliikwete, pantu Lesa ali muli Mose. Mucine.

¹⁷⁵ Moneni, “Tekumaka, atemwa ku—ku bulumba, lelo ku Mupashi Wandi.” Lelo kucitetekelo icaanguka!

¹⁷⁶ Mose alikwete ukwiluka ukutila ena ali no kuba kapokolola, ukufuma mukusambilishiwa ukwa banyina. Kabili aliisambilishe umwine mu maka aya bushiliaka, ku kucita cilya, lelo califilwe. Mwamona? Ena alikwete ukwiluka, ena alikwete amasambililo, lelo cilya tacabombele. E ico ena alilabileko fyonse filya, no kwisa ku cintu icaanguka ica kusenda Lesa pa Cebo Cakwe, elyo kabili alipokolwele abantu. Ee, mukwai.

¹⁷⁷ Lesa apokolola ku (cinshi?) ku citetekelo mu Cebo Cakwe. Lyonse efyo caba. Ifwe kuti twawkwata ukumona nga twacikwata inshita. Natukwata nalimo ama miniti amakumi yabili na fimo nomba. Twalikwete . . .

¹⁷⁸ Ifwe kuti twasenda u—ukulolekesha pali Kaini na Abele, ifyo kutila—ukutila Kaini aeseshe ukusekesha Lesa ku fyaemba fimo.

¹⁷⁹ Inshila imbi, abantu batontonkanya, “Ku—kushikalamba, inkuta ishafwala bwino, kuli shimapopo na—na . . . bakapyunga abafwala imingila, na ba kwaya abafwala imingila kabili fyonse fya—fya fyakufwala, cilya cilatemuna Lesa.” Bushe ta mulemona uko cafuma. Kaini aeseshe icintu cimo cine. Kabili amukulile icipailo cimo cine, tatwishike ukutila alicipangile ukuba icaemba.

¹⁸⁰ Kabili umwaume ali uwabufumacumi. Alipepele. Atontonkenye, “Cikulu fye ndi fye uwa bufumacumi, tacipanga ubupusana ubuli bonse.” Cilapanga ubupusano. Kuti waba uwabufumacumi mu cilubo.

¹⁸¹ Moneni, ena—ena akulile ici icipailo kabili ena, icapala kwati, abikilepo amaluba no ku ciwaminisha, kabili abikilepo ifisabo ifisuma, kabili atontonkenye, “Mucine, umukalamba, uwa mushilo, uwa busaka, Lesa uwaemba ali no kupokelela lilye lambo.” Lelo, mwamona, ena acicitile na mano yakwe umwine. Ena acicitile ku matontonkanyo yakwe umwine.

¹⁸² Kabili filya e fyo caba ilelo. Ena—ena . . . Balacicita ku mano yabo abene, ku masukulu yabo, ku masambililo yabo ne ntambi isho basambilila.

¹⁸³ “Lelo Abele, ku busokololo, ku citetekelo, apele kuli Lesa ilambo ilyawamisha.” Takwali ica busaka palwa ena, ukulingana nge fyo yalemoneka, ukulanda mu buntu. Akantu akanono, kabili ukukekata pa mukoshi no kukapomba

umwangashi ukukashingulusha, nga *filya*, kibili akatintile palya pali ici cipailo. Takwaliko nangu cimo icaembesha palwa cena. Ukuibika palya pa cipailo, no kucekaula umukolomino waiko unono ne libwe i—ilyatwa, mpaka umulopa waiko walemusabukila monse, kibili yena ukulalila, ukulafwa. Cali cikope icakutinya, mwamona, ukucimona. Cali icaanguka, ntile.

¹⁸⁴ Mukuicefyा, alishibe ukutila alifyelwe ku mulopa waba nyina na ba wishi, ukufyalwa mu mulopa wa ba nyina, ku mulopa wa ba wishi; kibili cali mulopa uwalengele ukuwa, e ico cali mulopa uyo uwali no kucibwekeshapo. “E ico apele kuli Lesa ilambo ilya wamisha, pantu calisokolwelwe kuli ena.”

¹⁸⁵ Kibili bamo ba munyina, ilelo, abo abatontonkanya ukutila balile imiapele atemwa ama pear! Kibili nalimwene icintu ica buwelewele nganshi ubushiku bumbi, mwi pepala lye lyashi. Batile, “Nomba balishininkisha ukutila tacali umuapele Efa alile.” Ukutila, ine—ndetontonkanya batila, “Cali ni aprikot.” E ico, owe, mwamona uko ulya umupashi wafuma!

¹⁸⁶ Kibili batile, ukuti, “Mose tatalile ukwabuka mucine Bemba uwa Kashika. Cilya, califye u—umwina uwa matete kulya lubali, bemba uwa matete. Kibili aletele abana ba Israele ukupita muli bemba wa matete. Kulya ku mpela ya—ya bemba, kwalibako umwina ukalamba uwa matete kulya lubali. Kibili Mose alyabwike bemba, lelo ali ni bemba uwa matete uo abwike; namwisha, icani, icitali, ifyapala nga mabamba ne fintu, ifyo aabwike ukupita mulya.” Ifyo cabo kusenteka!

¹⁸⁷ Ilyo, “Amenshi,” Baibele yatila, “yapatwike ku kwa kulyo no kwa kuso, kibili Lesa alengele i—icipupu icikali ica kukabanga ku kupatula.” Mwamona? Mwamona?

¹⁸⁸ Bena, bafwaya ukucelenganya mu nshila yabo abene beka. Kibili ulya e musango bena lyonse bafililwa, kibili bali no kutwalilila ukufilwa. Namwisha, fyonse ifi fintu!

¹⁸⁹ Kibili Kaini ali icipasho cine ica muntu uwa mano ya buntu nse ilelo, uyo uwakwata imimonekele ya bukapepa kunse. Ena alefwaya ukucite cintu cimo ica kunse, lelo ena i... Ena alaya ku chalichi, kibili—kibili ali no kucite fintu ifingi palwa—palwa cikulwa.

Kwaba fye Ulukuta lumo, kibili imwe ta muilunda kuli Lulya.

¹⁹⁰ Aya ya kusendamamo. Mwamona? Mulailunda umwakulala mwaba Methodist, umwakulala mwaba Baptist, umwakulala mwaba Prebystrian, umwakulala mwaba Pentecostal.

Lelo imwe mulafyalwa mukati ka Lukuta. Ee, mukwai. Mwamona?

¹⁹¹ Fyena fyonse mwakulala. Yena te ma chalichi. Yena mwakulala. Kibili takwaba icintu ica musango ifi ngo “lukuta,” ulwa Methodist atemwa “ulukuta” ulwa ba Pentecostal. Iyo, takwaba icintu ica musango filya. Iyo, conse cilya cilubo. Mwamona? Bena bali... Cilya cishinka. Yena, yena fya kusendamamo ifyo abantu bailundamo.

¹⁹² Lelo imwe mulafyalwa mu Lukuta ulwa kwa Lesa uwa mweo, kabili ulya Mubili uwakupapusha uwakwa Yesu Kristu ulepangwa.

¹⁹³ Nomba, lelo, casekeshe Lesa ukusokolola inkama Yakwe kuli Abele, ku citetekelo icaanguka mu mulopa uwasumishiwe. Owe, ndekabila nga nalikwete inshita ukwikala pali cilya inshita italiko. Mwamona?

¹⁹⁴ Nomba, kabili Kaini, na mano yakwe yonse, umuntu uwacenjela! “Owe,” mwatila, “nomba, Munyina Branham, wacisosa ukuti ena... Iwe uleesha ukumulenga ena ukuba uwaishibisha mu masambililo?” Ena efyo ali. Ena ali uwacenjela? Konkeni iyakwe—konkeni icitoto cakwe. Lolekesheni ku bana bakwe. Cila umo bali aba science, na ba doctor, no muntu uwa cenjela, cila umo.

¹⁹⁵ Lelo, mukakonke inkulo iyakwa Sete, bena bali abapetama, abekala calo, kabili abalimi, kabili na fimbipo, mpaka fye ku nshita ya konaulwa.

¹⁹⁶ Lelo abana bakwa Kaini bali abacenjela, ibumba lya basambilila. Bena nakabili, batila, balefula umukuba, kabili balepanga ifyela; na bakakula. Kabili bena bali abantu abacenjela.

¹⁹⁷ Ilyo—ilyo, aba bantu bambi baikele fye mu ma hema, no kucema impaanga shabo, no kutushisha pa mabulayo yakwa Lesa. Mwamona? Mwamona? Mwamona ifyo cena cali? Nomba konkeni fye ifitoto ukuya pa ntanshi, no kumona cilya nga tacalungama. Mwamona? Bena batushishe pa bulayo bwakwa Lesa.

¹⁹⁸ Ulya e musango Noah asalilwemo, ukufuma ku bantu ba musango filya. Ulya e musango Paulo asendelwe ukufuma mu mukunyu wakwe. Mwamona? Ulya e musango, John Weslye, Martin Luther, kabili nabambipo. Ulya e musango mwisa mukuba ilelo, mwamona, icintu cimo cine, ukuicefy, ukucetekela ubulayo ubwaanguka ubwakwa Lesa.

¹⁹⁹ Nomba, moneni, casekeshe Lesa uku—ukulangisha. Nomba, Lesa lyonse ali no kushininkisha nga cakutila cena Cishinka atemwa iyo. Mwamona? Nomba, abantu abengi besha ukubomba palwabo mu cintu cimo ico Lesa atalukako ba mailoshi million. Cilya cishinka. Lelo ilyo mwamona Lesa ukubwela nakabili, ukusosa Cena cili... ukucisuminisha Cena, ukusosa, “Cilya cishinka, Cilya cishinka, Cilya cishinka,” lyena muleshiba Cilya cishinka.

²⁰⁰ Nomba, ilyo ifya musangulo fyali pa cipailo, Lesa alikene itontonkanyo lyakwe ilya buntunse ilyakwa Lesa. Lelo ilyo Ena amwene Abele, ku citetekelo icaanguka ukucetekela ukutila tacali amaaapele atemwa ifisabo fya mwibala, lelo cali mulopa; kucitetekelo alicicetekele, ku busokololo ukufuma kuli Lesa. Lesa alishininkishe Adamu pa kupokelela ilambo lyakwe. Mwamona?

²⁰¹ Filya e fyo tutontonkanya palwa kupepela abalwele, icintu icili conse. Yesu atile, “Nga mwaikala muli Ine, ne Cebo Candi muli imwe, lombeni fye ico mulefwaya kabili cika mucitilwa.”

²⁰² Nomba ilyo tuleya pantanshi, mukwangufyanya nomba, natukwata ama miniti ama kumi yabili na yambi.

²⁰³ Moneni, ubushiku bwakwa Eliya, Lesa asalile ukuifisa Umwine mu muntu uwaicefy. Nomba tontonkanyeni fye pali cena. Lesa alisalile. Kulya kwali kusala Kwakwe. Ibukisheni, balikwete barabi, bashimapepo. Balikwete abantu abakalamba muli shilye nshiku. Nangula Imfumu Ahab, umwine, ali umuYuda. Alikwete abantu abakalamba mu mpanga, muli bulya bushiku. Lelo Lesa aliiifishile Umwine mu muntu uwaicefy; te kasambilila; iyo, te muntu uwalumbukwa uwe sonde, umo umushilika umukalamba kalapashi atemwa icintu cimo; iyo, tali ishina ilikalamba. Tatwaishiba nakwishiba abali ba wishi na ba nyina. Tatwaishibapo nangu cimo palwa citoto cakwe. Kano fye umulimi umukote umubusu kucifilo cimo, uyo wakushiwe kwi pangé lya kuba kasesema. Lesa amulengèle ukwikala eka mumatololo. Icintu fye cimo ico twaishiba, ena aishile ukufuma ukushaishibikwa, alyendele ukwisamo no kwebaula imibombele yonse iya bukapela. Mwe!

²⁰⁴ Kibili mwalishiba ifyo batontonkenye palwa ena? “Lisukulu nshi ilyo afumineko?” Mwamona? “Cilonganino nshi aliko? Bushe aba na maFariseo, baSeduuke,” atemwa fyonse ifyo bakwete? Ena tali kuli bamo muli bena, lelo aebawile icintu conse. Mwamona? Lesa asalile ukucita cilya.

²⁰⁵ Lelo, umuntu uwa icefy, ukwabula amasambililo. Tatwakwata icifulo uko atalile ukuya ku sukulu. Tatwakwatapo nangu cimo palwa ena. Umuntu fye uwaicefy, lelo Lesa aliuwasekeshiwa ukufisama muli ulyo muntu uwaicefy. Lesa, kunuma kulya, no uyu muntu uwaicefy, ukufisa mu muntunse. Bushe kuti mwacumfwa? [Ulukuta lwatila, “Ameni,”—Ka.]

²⁰⁶ Lesa ukufisama mu “mututu uwafulungana,” kwi sonde. Pantu, namwishiba, bena—balimupele umulandu pa fintu fyonse, nangula ukoba “umuloshi,” Eliya. Bakasesema bonse balapelwa umulandu, ukutila, mwamona.

²⁰⁷ E ico, Yesu alipelwe umulandu uwa kuba umo, mulemona, “Belesebuli; ukubo wafulungana.” Batile, “Cinshi, Iwe walipena. Ee, twalishiba Iwe walikwata iciwa. Iwe uli—Iwe walifulungana mu mutwe Obe.” Mwamona?

²⁰⁸ Filya efyo Ena abebele, “Ilyo Caishile mu nshiku sha kulekelesha, ukutila bena ba-… ukutila cikabo kupontela, ku kucita filya.” Ali babelele uluse, lelo tacakabelelwo luse muli ishi nshiku shakulekelesha. Cikesa lipililwapo, no kupatulwa ukwa Muyayaya, “Ukwabulo kubelelwo luse, muli ili sonde atemwa mwi sonde ilileisa.”

²⁰⁹ Lelo Eliya ba mumwene ukuba umuntu uwa fulungana. Bushe kuti mwaelenganya ukwiminina ku… Aba—abanakashi bonse balebeya imishishi yabo nge nshiku shipya, ndemonia, no kupenta kwati ni Yesabele, na mayo uwakubalilapo uwa ntanshi uwa mu mpanga. Kibili—kibili bakashimikila bonse baile mu fye sonde na mu fintu fyonse. Kibili lyena ni cinshi icacitike? Elyo yuu alishile Eliya umukote, mukwebaula icintu conse, ukufuma fye kuli Yesabela ukuya pansi.

²¹⁰ “Cinshi,” atontonkenye, “tatulingile ukumfwa kuli iwe! Natukwata bakacema.”

²¹¹ Mucine, bena tabalingile ukucita, lelo ena ali ni kacema wabo nangu cibe fyo. Ena ali ni kacema wakwa Yesabele. Ena talecifwaya. Ena limbi alikwete uwa musango umbi. Lelo, lelo, uwatumwa na Lesa, efyo ali. Mwamona? Ali ni kacema uwatumwa na Lesa kuli ena. Ena ali mupatile, lelo wene ali ni kacema filya fine. Moneni.

²¹² Kibili Eliya aliipetamike umwine no kwikala na filya Lesa asosele, mu musango uwakutila, ukutila calisekeshe Lesa ukusenda ulya Umupashi umo wine ukufuma kuli Eliya no kulaaya ukuubika Wene imiku itatu mukati ka bulendo ukufuma kulya. Mwamona? Amen. Kibili Ena alicicitile. Amen. Mucine, Ena alicicitile. Mucine. Ena ali Ulaya, kibili Wene wali no kwisa. Kibili Wene waishile pali Elisha, impyani yakwe; elyo waishile pali Yohane Kabatisha; kibili, ukulingana na Malaki 4, Wene ulingile ukuba muno nakabili mu bushiku bwa kulekelesha. Mwamona?

²¹³ Lesa atememwe ulyo Mupashi uwali pali ulya uwaicefy, ushasambilila umuntu wa mu mpaanga ukufuma kunuma kulya mu mitengo ku cifulo cimo. Kibili, e ico, Wene wali uwanakila nganshi ku Cebo Cakwe, icakutila Ena kuti asosa, “Eliya, cita *ici*,” kibili Eliya kuti acicita. Kibili Lesa aliifishile Umwine mulya, mu kuicefy ukwa musango filya!

²¹⁴ Bonse balimwebele, “Lilye shilu ilikote, mwikakwata ica kucitapo na wene,” kibili na fimbipo.

²¹⁵ Lelo ubushiku bumo, ilyo ena—ena aishilekota, kibili umutwe wakwe ne pala, kibili iyakwe—imyefu yakwe ukulepa nganshi, ne mfwii, kibili ne mishishi ishinono isho akwete ukufika pa ma beya yakwe; amaboko ayanono ayakote ayaonda, kibili ne nkanda ukulebela kuli ena nga filya; aishile aleenda muli ulyo musebo uwa kuya ku Samaria, kibili yalya menso ukulolekesha mu mulu ukutonta mulwelele, ne nkoto

iyaongama mukuboko kwakwe. Ena tali nangu cimo icakulolekeshapo, lelo ena akwete “EFYO ASOSA SHIKULU” kuli bulya bushiku. Ena tabulubwise na Cena. Ena alandile fye bwino. Ena tasosele, “Nomba, Ahab *mukalamba*.” Ena alile kulya no kusosa, “Nangula umume tawakapone ukufuma ku mulu mpaka nkawite.” Aleluya! Mwamona? Lesa alicindike ukuicefyा kwakwe.

²¹⁶ Nomba, mulemona, ilyo cali munshila iyaanguka, kabiili cila muntu—cila muntu ukumususha, cila muntu ali pa mukolomino wakwe. Konse akabungwe kaba kapyunga, na fyonse ifyashala, fyalii pa mukolomino wakwe, cilya cishinka, ukwesha ukumufumyapo, ifintu fyonse ifyashala. Lelo, muli kulyo kuicefyा, nangula tabakwete ukwampana ne misonkanoo yakwe kabili na fyonse ifyo akwete. Cila muntu atontonkenye ukutila ali fulungana. Lesa aliiishile Umwine.

²¹⁷ Lelo ilyo yaishile nshita kuli ilye mbuto ukupishiwa, iyo yabyelwe, Lesa ailangishe Umwine pa kutuma Umulilo ukufuma mu Mulu no koca ilambo. Lesa ukufisama mukuicefyा, kabiili elyo ukuisokolola Umwine nakabili. Mwamona? Mucine. Calisekeshe Lesa ukucita cilya. Ena lyonse alicicita muli ulyo musango. Ee, mukwai. Nomba, tulesanga ukutila Ena—Ena alilaya ifi fintu.

²¹⁸ Ubwafya bwaba, ilelo, naifwe fwe bantu abengi, tulefwaya ukuba sana, namwishiiba, aba seminary sana-, kabiili abacilonganino-, abamano aya masambililo, icakutila Lesa tekuti atubomfye. Lesa kuti apela umuntu apa kutampila ukucita icintu cimo, no kumupela bukapyunga; icintu ica ntanshi na mwishiiba, ali no kutendeka ukukonkelesha ifyo bambi balesosa, kabiili, icintu cakubalilapo namwishiiba, ena akaba fye uwapombwa mu mwina ukalamba uwa fintu. Elyo kabiili Lesa alafumyapo fye amaboko Yakwe pali wene, no kumuleka eka. Mwamona? Mwamona?

²¹⁹ Elyo Ena akesha ukuisangila Wene umuntu naumbi, umuntu umo uli no kucicita. Mwamona? Ena alingile ukusanga icintu cimo ico cili—cili no kusenda Icebo Cakwe, ico no kusenda ubusokololo bwa Bulesa kabiili takasele kuli Wene, akekala palya pene pali cilye Cebo. Ulya e musango Ena—Ena acicitilamo. Ena lyonse alicicita muli ulyo musango.

²²⁰ E ico ilyo muntu asambilila sana no kucenjela, cilya, aleesha ukubika ubwilulo bwakwe umwine. Cisuma, nge fyo basosa, “Ulubatisho lwa Mupashi wa Mushilo,” bali no kusosa, “owe, cilya cali ica bushiku bumbi.” Lelo, nga tabalecita, cisuma, “Tacali ica bushiku bumbi, lelo, nalamweba, Cena tacileisa fye ngefyo Cacitile pa Bushiku bwa Pentecosti. Tupokelela Mupashi wa Mushilo ilyo twacetekela.” Kabiili—kabiili ifintu ifya musango onse nga filya, mulemona. Kabiili landeni palwa lubatisho mwi Shina

lyakwa Yesu Kristu, bena...uko Baibele icisambilisha muli ulyo musango; cisuma, mwatila, "Cisuma, lelo, seminary itila! Kibili *Kampanda-na-kampanda* asosa!" Kulya kulanshanya. Mwamona? Lesa tekuti abomfyе umuntu uwa musango filya. Mwamona?

²²¹ Ena kuti asuminisha umuntu ukumwa ukuciluka mu calo monse nga filya, kibili umuntu ukutamfiwa no kusekwa, no kusentekwa, na fyonse ifyashala nga filya. Lelo ilyo icilangisho icine cine caisa, Lesa aleminina no kuishininkisha Umwine mulya mwine muli kulya kwine ukuicefyा.

²²² Ukwima pa mulu, nge luba. Imbuto, imoneka kwati na cipwa kuli ena, ilafwa no kuponena mu mushili. Mukembe imbuto inono, kibili yena intu yabola, kibili imoneka kwati kusafya. Lelo ukufuma mulya mulafumina ubumi ku kuleta iluba limbi nakabili.

²²³ Lesa mukuicefyा. Alacita icintu cimo cine. Inshila iya kuilapo ku mulu yaba pansi, lyonse. Ipetamikeni mwebene. Mwilaesha ukusosa, "Cisuma, ninkwata *ici na cilya*." Imwe tamukwete nangu cimo. Ibukisheni fye—fye, nga na mukwata inkumbu shakwa Lesa, beni fye aba kutotela pali cena, kibili beni aba petama pali cena. Mwamona. Twalilileni ukuipetamika mwebene.

²²⁴ Nomba ningile ukwangufyanya, pantu inkoloko...nshilefwaya ukumisunga inshita itali sana, pantu nshilefwaya ukuminasha, mwamona. Natukwata inshita itali nomba umulungu onse uno.

²²⁵ Nomba, kibili nomba tulesanga ukutila abantu balacenjela sana no kusambilila.

²²⁶ Nomba ndefwaya ukumilangisha bambi. Ba—bambi balaya ukutaluka nganshi ku lubali lumbi, besa mukuba abafulungana, ukwesha ukuba bakapepa. Nomba, twalishiba twalikwata lilye bumba. Mwamona? Bena baya kulubali lumbi.

²²⁷ Palya epo mpusana ne bumba lya ba munyina abo abafumine muno te kale sana ukufuma mu—munshila ya Lubuuto. Bena, bena balifililwe fye ukumona ica kupapusha ukucitwa kano fye baipangila abene akalibumba, e ico baliklongene mulya mu Canada, kibili—kibili bapangile ibumba lya bantu ilyo bali no kutuma kunse no kupanga abatumwa na kasesema kuli umo no mubiye, ne fintu. Kibili cawilile mulya mwine fye. Mwamona? Kibili cena lyonse cakulacita. Mwamona? Besa mukuba...Bena bomfwa ukutila pantu bena baba...ukutila bena tabafwaya...Bena balebaula nganshi ifintu fimbì, kibili—kibili ifintu, mpaka balaya ukufika kulubali lumbi. Mwamona?

²²⁸ Kwalibako ulubali lumo ulwakwatisha amano aya masambililo, ulwatalala kibili ulushasakamana, balakana

ifintu fyonse kulya. Kibili bambi bay a kulubali lumbi, kulubali lumbi ne bumba ilyasendwa ne fya kumfwa umfwa, kibili no kukana Icebo.

²²⁹ Lelo Ulukuta ulwa cine ulutuntulu lulekala palya pene pakati ka musebo. Nomba, nga mwalolesha, lwena lwaba—lwena—lwena lwalikwata ukwishiwa kwa Baibele pafyo Lesa asosa, kibili lwena lwa—lwena lwa bumupash nganshi ukubo lwakaba mu mutima wa luko, kibili lwena musebo fye. Esaya asosele ukutila cikaba muli ulya musango. Atile, “Kukaba inshila iyapabuka...”

²³⁰ Kibili abapalwa, aba mushilo, abanensu abasuma aba lukuta lwa Nazarine, ukusela ukunono ukwa pulamo uko Lesa atendeke, lelo ni cinski ico baishilekwata? Ilyo Lesa atendeke ukulandila mu ndimi mu lukuta, bema bali aba bukapepa nganshi kibili abakwata imimonekele nganshi, icakutila baishilecita “Iciwa.” Kibili mulemona ico cacitike kuli bema? Mwamona? Mwamona? Bema, bema, “Aba mushilo ukucila iwe.” Kibili—kibili e ico tulesanga ukutila filya ifintu filaya ku mbuto no kufwa iya ine nshita. Mwamona? Kibili kulubali lumbi.

²³¹ Nomba, ulubali lumbi lwisa mukuba ulwafulungana. Ulubali lumbi lwisa mukuba ulwatalala kibili ulwa mimonekele.

Nomba, Esaya atile, “Kukaba inshila iyapabuka...”

²³² Kibili ba Nazarine, kibili abengi abantu abakale aba mushilo, batemenwe ukusosa, “Inshila iyapalwa iya kale iyapabuka! Ubukata kuli Lesa! Ifwe tuleenda mu musebo uwa pabuka!” Lelo, muleibukisha, cilya te filya fine asosele.

²³³ Atile, “Kukaba inshila iyapabuka, kibili,” *kibili* cakusuntinkanishishako, “*kibili nshila*.” Kibili yena tayaketwe inshila iya pabuka iya mushilo, lelo, “Inshila iya mushilo.”

²³⁴ Nomba, inshila iya pabuka iya mushilo, abantu besha ukuilenga abene aba mushilo. Kibili ilyo mwacita, cili kwati nge fyo nasosa kale, caba kwati i... Cili kwati lukoshi ukwesha ukubikako amasako ya nkunda mu lwine, ku kupanga inkunda ku kufuma muli cena, ilyo icifyalilwa caiko cili ulukoshi. Mwamona? Ena, efyo ali... Cili kwati ni mwankole ukwesha ukubikamo a—amasako aya cipele, atemwa peacock, no kusosa, “mwamona, ndi cuni icaemba.” Mwamona, cena cintu cimo icakupanga fye.

²³⁵ Lelo peacock talingile ukusakamana nga cakutila ali no kukwata amasako aya peacock atemwa iyo. Inkunda tailingile ukusakamana ngaili no kukwata amasako ya nkunda atemwa iyo. Cikulu fye icifyalilwa ca iko ni nkunda, yena ili no kukwata amasako ya nkuda.

²³⁶ Kibili, mwamona, abantu aba mushilo batendeka ukusosa, “Abanakashi balingile ukukwata imishishi itali na malaya ayamaboko ayatali, kibili—kibili fyonse ifi fintu, na mashiketi ayatali, kibili tekufwala indamunwe iya cupo atemwa umwala uli onse.” Mwamona, caishileba ubulungami ubwa mushilo ubwa kuijela. Mwamona? Mwamona? Cilya—caba—cilya caba ubulungami ubwa kupanga. Lelo Ulukuta ulwa cine ulwa kwa Lesa wa mweo lwaba... Kibili lolekesheni kucacitika kucilonganino. Nomba bena bonse balikwata imishishi iya beyewa, nga ba Pentecostal, kibili—kibili na fimbipo. Kibili—kibili bena bonse, mupepi, balafwala indamunwe na fimbipo. Lolekesheni kuli ba Pentecostal, imyaka iyapitapo, ifyo bakalipe pali cilya, mwamona, kibili, “Ifwe, ulukuta! Ifwe, ulukuta!”

²³⁷ Ulukuta lwaba Mubili wakwa Kristu. Cena caba umuntu umo, mukati ka bantu bambi, uyo ufyalwa mu Bufumu bwakwa Lesa. Cilya cifumina mukati ukwisa kunse. Cena cilacitika icine ceka.

²³⁸ Imwe tamwipusha impaanga ukumena amasako... atemwa, ukupanga amasako, ndepilibula. Impaanga tailingile ukupanga amasako. Yena ukusosa, “Nomba, ba shikulu balefwaya ine ukukwata amasako uno mwaka. Ningile ukubombesha.” Iyo, icintu fye cimo ico ilingile ukucita caba fye kuba fye mpaanga. Cilya cishinka. Amasako yali ayene yeka... Yali no kucita. Yali no kucita. Yena ili no kuyamesha pantu...

²³⁹ Kibili ifwe tatwaikushiwa ukupange fisabo. Ifwe tulingile ukumesha icisabo, mwamona, ukutwale fisabo. Mwamona? Ifwe tulingile ukutwale ifisabo. Kibili ilyo lyonse muli icisabo ca cimuti cakwa Lesa, ne Cebo cakwa Lesa, Icebo cakwa Lesa cikaishininkisha icine. Cikamesha icisabo ilyo lyonse Icebo cili mulya. Yesu atile, “Nga mwaikala muli Ine, kibili ne Cebo Candi muli imwe, lombeni ico mulefwaya kibili cikacitwa.” Mwamona? Imwe ta mucipanga. Imwe tamuibombela mwebene kuli cena. Cena caba fye mucine mulya, kibili cilatwalilila no kutwalilila.

²⁴⁰ Nomba lekeni tutwalilile, ukwangufyanya fye nomba, na ma miniti fye ayasheleko, elo twalaisala.

²⁴¹ Nomba, nomba, bambi mukuba abafulungana. Nomba, bena baya kulubali lumbi. Kibili bena batontonkanya, pa mulandu fye uwakutila kuti batoloka toloka, atemwa ukukwata cimo icapanga nge myumfwile atemwa ifya kumfwa umfwa, ukulandila mu ndimi, atemwa—atemwa—atemwa ukupela ubusesemo cilya icacitika ukuba icalungama, atemwa icintu cimo icapala nga filya, bena batontonkanya cilya Eco, ukuti—ukuti bena na ba Cikwata. Lelo, te fyo cili.

²⁴² Yesu atile, “Abengi bakesa kuli Ine muli bulya bushiku, no kusosa, ‘Shikulu, bushe nshaseseme mwi Shina Lyenu? Mwi Shina Lyenu nalicitile imilimo ingi, no kutamfyia ifiwa?’” Atile, “Kabiye, nshakwishibe.” Mwamona? Cilya te co. Cilya teco, we munandi.

²⁴³ Ulya e mulandu... Kibili, indimi, icishininkisho? Nalicetekela mukulandila mu ndimi, lelo nshicisenda fye ukuba icishininkisho ica Mupashi wa Mushilo. Iyo, mukwai. Icisabo ca Mupashi e cishininkisho. Mwamona? Ee. Nomba, mulemona, ulya e mulandu wine napusanina no kusela ukwa ba munyina aba Pentecosti, muli ulya musango, uo bena basosa, “Ngo muntu alandila mu ndimi, ena nakwata Mupashi wa Mushilo.” Ndakana. Cilya te cishibilo ukutila ena alikwata Mupashi wa Mushilo. Mwamona?

²⁴⁴ Nalyumfwa ifiwa ukulandila mu ndimi mu lubilo fye nganshi nge fyo finga cita, ukunwa umulopa ukufuma mukapanga ka muntu, no kwita pali Ciwa.

²⁴⁵ Nalimona ba Nsamyu ukusenda insoka no kushipomba pali bena, mu ma—mu ma—mu masha aya mfula kunse kulya mu Arizona; ukwimya amaboko yabo nga *filya*, no kubutuka ukushinguluka. Shinga’nga aisafuma, ukuicekaula umwine. No kubika pensulo pansi, kibili yena ukulemba mu lulimi ulushaishibikwa, no kupela ubwilulo kuli cena. Mwamona?

E ico, mwiesha, mwiesha ukunjeba cilya. Ndi mukalamba pali cilya. Mwamona?

²⁴⁶ E ico i—icisabo ca Mupashi cena ni... Yesu atile, “Ku fisabo fyabo,” te ndimi atemwa ifya kumfwa umfwa, “lelo ku cisabo cabu mukabeshibila.” Mwamona? E ico cilya e cisabo ica Mupashi. Cena ni Lesa ukuifungulula Umwine mukupetama, ubusuma, kibili cila bushiku cimo cine. Caba icintu cimo palwa cena, umuntu uyo wikala filya fine ne Cebo. Cila nshita ilyo amona Cebo, alacisuminisha Cena na “ameni,” te mulandu ifyo abantu bambi balesosa. Ukutila, ena ali Cicetekela, mulemona. Cisuma. Mwamona?

²⁴⁷ Lelo tulaya apatali nganshi, lyena, ukushintilila pa cafulungana, kibili Satana alesa pakati ka bantu. Ulya mulimo wakwa Satana. Kibili ena ni shimagwebo musuma. Kibili ena alesa pakati ka bantu, no kubalenga ukutontonkanya ukutila bena na ba Cikwata pa mulandu fye uwa kutila kuti batoloka toloka. Elyo kibili no kupata umwina mupalamano? Iyo. Mwamona?... Uku—ukusosa ifintu, no kulandila mu ndimi bwino nganshi, kibili ne fintu nga filya.

²⁴⁸ Kibili, ibukisheni, imwe kuti mwalandila mu lulimi ulwa cine ulwa Mupashi wa Mushilo kibili nalyo line ukwabula ukukwata Mupashi wa Mushilo. Baibele efyo yasosa. “Nangula nandile mu ndimi isha bantu na ba Malaika, kibili ukwabula ukukwata ukutemwa, nshili cintu. Naba icasafwali

icilelila, na pamo ama limba ya nyenjele.” Abena Korinti Wantanshi 13. Mwamona? E ico imwe ta mu... Cilya tacicita, mwamona.

²⁴⁹ Ba Methodist batile, “Ilyo twabilikishe, ifwe twali Ukwete,” lelo tabakwete. Ba Nazarine batile, “Ilyo baikele aba mushilo, bena bali Ukwete,” lelo tabakwete. Ba Pentecostal batile, “Tulalandila mu ndimi; ifwe na tu Ukwata,” lelo taba ukwete. Mwamona? Mwamona?

²⁵⁰ Lesa, ukuifungulula Umwine, te mufya kumfwa umfwa. Iyo, ukuti... Ifya kumfwa umfwa, nomba, fyaba pamo na Cena. Mulemona icifulo? Cilacilenga fye Cena ukuba icapetama nganshi mpaka uuli onse kuti Acimona, nga imwe—nga imwe tamuleesha ukubika, ukubikamo amano yenu mwebene kuli Cena, mwamona, kibili na matontonkanyo yenu mwebene. Cena ni Lesa.

²⁵¹ Nomba, elyo kibili besa mukuba ibumba ilya bafulungana. Elyo, *aba* aba mimonekele iyatalala ku lubali ulu; *aba* abafulungana ku lubali lumbi; kibili *uyu* aleya Nabwinga pakati fye ukupita muli fyonse, ukwita ukufuma kumbali shonse. Cilya cishinka. Lesa ukushininkisha Cena ilyo Ena aleya, ne Cebo Cakwe.

²⁵² Nomba, owe, ningile ukutolokela fimo ifya ici pantu ni nkwata ifingi nganshi pano. Kibili ine—ninkwata... Inshita yandi naipwa. Nalaungufyanya fye bwangu bwangu nge fyo ningacita nomba.

²⁵³ Ukufuma ku Edeni, ukufuma ku Edeni calisa, cali—calisesemwe ukutila ku kesaisa Mesaya; ukufuma fye kulya ku Edeni.

²⁵⁴ Nomba nalatolokela fye ayanono Amalembo yandi ayo nembele pano, ne fya kulemba, ukupwisha fye Imbila, mu nshita, nga kuti na cita. Lesa ukuifisa mukupetama. Nomba, nalalandia ulubilo, lelo, nomba, ine—ndefwaya imwe ukumfwa ici. Mwamona?

²⁵⁵ Ukutula Edeni, cena calisesemwe ukutila kukesaisa Mesaya. Calilandilwe kabela umusango wa muntu ifyo Ena akaba. Ifwe kuti twaikala inshita itali. Twalishiba Baibele, ifyo Ena akaba, muntu wa musango shani Ena akaba. Mose atile, “Shikulu Lesa wenu akemya kasesema, uwapala Ine.” Bena balishibe ukutila ulya Mesaya akaba kasesema, umusango wa bukapyunga Ena akakwata pamo Nankwe. Bonse bakasesema balandile pafyo Ena akacita. Bena balandile pali cena mufilangililo. Kibili cacific pa mulu wa mitwe yabo, kibili ukucila mwisamba lya bonse abashala. Mwamona? Mwamona? Caile ukupita pali umo, kibili ukuciluka na pali umbi. Mwamona?

²⁵⁶ Pa nshita ilyo Ena afikile pa fyalecitika ifya nshita, abantu abo Ena atuminweko balikwete ubwilulo bwabo pafyo ukutila Ena akesaba, mu bwilulo bwabo abene ubwa kwelenganya.

²⁵⁷ Baibele tayatalile ukupilibuka. Baibele lyonse yaba cimo cine. Ulya e mulandu wine nsosela, “Amalembo yatila, kibili njikala pamo na Cilya, ‘Baibele teya kwilula kumbali.’”

²⁵⁸ E ico, ba Methodist, Baptist, Petencostal, mwilaesha ukubikako ubwilulo bwenu kuli Cena, ukusosa, “Cena tacipilibula Cilya. Cena cipilibula *ici*.”

²⁵⁹ Cena cipilibula fye ifyo cena Casosa, filya fine fye. Umo muntu atile, “Kuti caba shani cena?” Nshaishiba umusango. Cilya te ine ukusosa cilya. Cili kuli Lesa ukusakamana cilya. Ena ni Ulya Umo uwasosele cilya, te ine, mwamona, kibili Ena akasakamana Ifyakwe Fine.

²⁶⁰ Lelo nomba, lelo, uyu Mesaya alisesemwe. Bakasesema balandile fye ifyo Ena akesa, ifyo Ena akesa cita ilyo Ena akesa. Lelo, ubwilulo bwabo abene ubwa kumbali ubwa cena, pakati ka bantu! Kibili ilyo Aishile, Ena ali munshila iyaanguka, mukuicefy, mpaka ibumba lyonse ilya lukuta lyaliipunwine pali cena. Bushe co cishinka? [Ulukuta lwatila, “Ameni.”—Ka.] Kulya, balya bantu abasambilishiwe . . .

²⁶¹ Umuntu tekuti abe kasambilisha, shimapopo, mpaka alifyelwe mu citoto cimo, ukukonka Lebi. Kibili, tontonkanyeni fye, icikolwe ca-cikolwe ca—cikolwe ca-cikolwe-ca-cikolwe ca-cikolwe bashikulu bakwe bali ni bashimapopo, ukuba fye mukati fye ka cilye Cebo, mwi tempile, akasuba no bushiku.

²⁶² Nga shimapopo waku Katolika atemwa kapyunga uyo uwaba ni—ni kapyunga uwapelwa, ukufuma ku nkulo, ku ma chalichi yamo, kibili na fimbipo, “Icikolwe—icikolwe—icikolwe bashikulu bandi bali ni ba bishop ba Methodist. Bashikulu bandi bali ni ba bishop, kibili na fimbipo.” Mwamona?

²⁶³ Fyonse filya, baikele mulya mwine mu Cebo, lelo balipangile inshila yabo abene iya cena. Kibili abana babo bali cisumine mu musango ulya uo bashibo bacisambilishemo. Mpaka, bashibo balicisambilishe ukucitalusha ukufuma mu nshila iya cine, kibili bena balipangile icilonganino ica musango filya ica cena, mpaka, ilyo Mupashi wa eseshe ukupela Icine, bena balifililwe ukucipokelela.

²⁶⁴ Kibili cilya e cintu cimo cine ne lelo. Nshilepilibula ukucita ifikansa, lelo cena cishinka. Cena cintu cimo cine ilelo. Bena balacipanga ukuba—ukuba icakosa nganshi, kibili—kibili mu musango umbi. Bena balasambilisha ababo . . . Nga filya fine calandwa, “Lesa takwata abeshikulu nangu bambo.” Imwe mwalishiba cilya? Lesa alikwata abana

baume, kibili Ena alikwata abana banakashi, lelo takwata abeshikulu abaume na beshikulu abanakashi. Cila muntu alingile ukulipila umutengo umo wine no kwisa mu nshila imo ine. Nge fyo bashinwe bacitile, na imwe ifyo fine.

²⁶⁵ Nomba, e ico, Ena ali uwaicefyा nganshi. Ilyo uyu Mesaya...Pa myaka amakana yane, kasesema uuli onse alandile pali Wene; Dabidi aimbile palwa Wene, kibili ukupita monse fye. Kibili ilyo Ena aishile, abantu balikwete amatontonkanyo yabo abene aya pangwa, ifyo Ena akesa cita, umusango Ena ali no kucita. Ifyo cena conse calondolwelwe, ukulengwa pa fya kulengelako ne fintu fyonse, mpaka, ilyo Aishile muli ilye nshila iya cine iyaanguka, cena fye—cena caonawile fye amasambililo yabo aya fya bulesa. Mwamona, bena tabacishibe.

²⁶⁶ Ena aishile ukulingana ne Cebo. Nomba, bushe mulecetekela ukutila Lesa alandile ukupitila muli bakasesema, ukutila ulya Mesaya ali no kwisa mu musango umo? Cintu cabipa nganshi tatukwete nalimo ora naimbi iyo twingaya ukupita mulya no kulondolola ifyo cena cali. Mwamona? Ifwe bonse twalishiba ifyo cali, nangula, fwebengi ifwe. Ifyo Lesa asosele Ena akesa, kibili ifyo kutila, "Iwe, Betelehemu wa Yudea, bushe tawaba uwacepesha pakati..." Kibili ukupita monse ukupita mulya, kibili ifyo Ena akesacita, kibili ifyo Ena akacita. Mwamona?

²⁶⁷ Kibili, nomba, Ena ali uwaicefyा nganshi! Mpaka, balya bakasambilila bakalamba balicikwete icasankanishiwa nganshi, mpaka balicilufishe cena. Lelo, namwishiba Yesu taishile ukupusana ne Cebo. Ena aishile ukulingana ne Cebo, lelo ukupusana no bwilulo bwabo. Mwamona? Ena asambilishe ifintu ifyo fyasushishe ukusambilisha kwabo kwa fya bukapepa palwa kwa Wene.

²⁶⁸ Nomba, batile, nomba, tutile, "Ilyo Mesaya akesa, mucine, Ena akesa kwi tempile no kusosa, 'Kefa,' atemwa uyo onse uuli shimapopo mukalamba, 'Ine ni mfika.' Ena akesa no kuposha ukwa ba Malaika ba million. Lesa akesasosa, 'Cisuma, mwe bantu, pansi apo, imwe mucine cine muli u—ulukuta ulwapulamo. Imwe muli bantu Bandi. Nalaisula icakushumbilako kuno no kuleka ama lukungu ya Mulu yeke. Ndetuma Mesaya kuli imwe, muno lucelo. Nalaleka fye cena cike umo mwine fye mulubansa, kibili na bantu bonse bapalame.' Ukusosa, 'Doctor Kampanda-na-kampanda, iwe na Doctor Kampanda-na-kampanda, imwe bonse kuti mwaiminina ku ntanshi ukuposha Wene intanshi, mulemona.'"

²⁶⁹ Nomba cilya cili kwati nalimo icintu cimo ico baletontonkanya ilelo. Nomba, nalishiba cena cinono... Cileumfwika icabuwelewle panono. Lelo nshilecita... ndeesha ukuleta icishinka.

²⁷⁰ “Kabili—kabili, kulya, ulya e musango cikabelamo. Kabili nga tacileisa muli ulyo musango, cena tacili icalungama; cena ni munkanyakristu. Mwamona? Nga cena tacileisa fye muli ulya musango, cena ni munkanyakristu, mulemona e ico cena teti cibe. Kabili e ico, kanshi, kukaba i... Elyo, icintu cimbi icileika, cikaba nalimo ukuposha kwa ba Malaika ba million ikumi, ne filimba fyabo. Kabili bena bali no kwika mulya mulubansa, palya epo Solomoni akulile itempile, kabili, owe, pa mulu na pansi ponse ukupita muno, iyi ncende ya mushilo uko aba mushilo ne fikolwe bafwilile, kabili nafimbipo!”

²⁷¹ “Ee,” Yesu atile, “mwe ba bumbimunda! Imwe mwe bana bakwa Kasebanya!” Atile, “Mulashingula impemba inshinshi shaba kasesema, kabili bashinwe ebababikile mulya.” Cilya cishinka. Cilya cishinka. Mwamona? “Nibanga abantu abalungami na bakasesema abatuminwe kuli imwe, kabili nalyo line mwalipeye cila umo uwa bena!” Mwamona? Lelo ni cinshi ico Ena engeta “icalungama” lyena? Ifyo bena baitile, “amashilu kabili abafulungana.” Ee.

Kulya, bena batontonkenye cali no kwisa muli ulya musango.

²⁷² Lelo, ilyo, Ena aishile mu malimba, afyelwe muli—muli nacisungu, nakalipenta fye uwaseka nga wishi uwa kusangamo, kabili u—umunono, umukashana ushaihibikwa. Mwamona, te mwana mwakanashi wakwa shimapepo mukalamba, atemwa ukucilapo. Ena—Ena aishile nga... ukufuma ku mukashana umunono uyo waikale mulya mu i—mucinono, icalo icabipa ica kale icaliteitwa Nazareti. Kabili mukamfwilwa fye umwikala calo; umukashi wakwe alifwile. Alikwete abana bambo; Yosefe. Kabili—kabili ena alikobekelwe. Elyo kabili Ena aishile isa ne shina ilyabipa, icakwambilapo. Batile Ena alifyelwe mu bucende. Owe, mwe!

²⁷³ Cilya capumine ukwisha kwabo ububi nganshi. Mwamona? Amafunde yabo ya masambililo tekuti yapokelele cilya. Ukwilula kwabo ukwa Malembo takwaishibepo nangu cimo palwa cilya, lelo nomba cena cali EFYO ASOSA SHIKULU. Owe, mwe!

²⁷⁴ Cilantutumya, ukucitonkanya, kabili ukumona icintu cimo cine cilecitika nakabili. Lesa tekuti apilibuke.

²⁷⁵ Naikumana kale twelufu. Bushe mwalacita fye... Bushe ndeke, atemwa fye... [Ulukuta lwatila, “Iyo. Twalilileni.”—Ka.] Natotela. Ikaleni fye shilili pakashita fye akanono, mwamona. [“Twalilileni fye ukulaya.”] Nomba, ici ni ci, ndeshintilishisha icintu cimo pano pa Mbila ileisa, mwamona. Kabili nalaesha ukumifumya bwangu bwangu, nalimo ama miniti ikumi ayalekonkapo atemwa ikumi limo na fisano, nga kuti twacita. Lesa amupale.

²⁷⁶ Moneni, nomba, caba icaanguka nganshi, ukutila cena—cena—cena capushilefyen fye icishilwa, kuli bena. Lelo califikile pa

cishilwa cakwa Lesa. Mwamona, cafikile pa Cebo. Ena aishile filya fine fye umusango Asoselemo. Lelo, bena, ubwilulo bwabo ubwa cena bwali ubwalubana. Ubwilulo ubwa kwa kapokolola mu nshita yakwa Mose bwali ubwalubana. Ubwilulo mu nshita yakwa Noah bwali ubwalubana, mwamona, lelo Lesa esa ukulingana ne Cebo Cakwe.

²⁷⁷ Kibili elyo Yesu alishile, kibili Ena—kibili Ena asambilishe ifintu ifyo fyali ifyapusana. “Nga Niwe Mesaya, cita *ici-ne-ci*,” mulemona. “Nga Niwe, ika pa lupanda no kucilangisha kuli ifwe nomba.” Mwamona? Lelo Lesa tapapata ku bantu. Lesa acita fye ifintu ifyo fyaba ifya kutemuna kibili ifyalungama.

²⁷⁸ Bena batontonkenye Uwa musango filya mucine kuti aisa ne bumba ilikalamba ilya ba Malaika. Lelo ena aishile mu malimba. Kibili, ku yabo abene ayapulishamo, cali icabuwelewele umuntunse umwikala calo ukutila Lesa Impalume, Yehoba umukalamba Impalume, Uyo uwali umwine we sonde no kulenga conse cintu, te kuti ateyanye incende iya Mwana Wakwe Wine ukufyalilwamo, ukucila icinka ilya ngo’dbe pa mulu wa mwina wa mufundo. Inga kuti kwaba shani kulya . . . Mwamona?

²⁷⁹ Cali ni cinshi? Lesa mukuicefy. Cilya e calengele Wene ukuba umukalamba nganshi. Mwamona, amafunde aya masambililo te kuti ya icefye ayene nga filya; mwamona, yena te kuti yaciminine. Lelo Lesa mukalamba nganshi icakutila Ena ailetelle Umwine pansi kuli cilya, ukwabula nangu ifyakufwala ifyakufwika Umwana Wakwe Umwine. Tontonkanyeni pali cena! Kibili isonde . . . Takwali icipinda mu nga’nda. Kibili Aile mwicinka lya ngo’dbe, ninga inono—inono, u—ulucengo ulunono, icapala, kunuma mumbali ya kalupili. Kibili palya pa mulu wa busanshi ubwa mpimbili palishile Umwana wakwa Lesa. Owe, cilya cali ubupusano ubukalamba ukufuma mukulongan kulya lubali . . .

²⁸⁰ Kibili Banyina bali no kuba nacifyashi. Bena basangilwe ukuba nacifyashi, owe, imyeshi lintu bena tabalati ukukobekelwa ku kupana . . . atemwa nangu ukupana. Mwamona? Ena ali no kuba nacifyashi. Kibili abantu balicimwene, kibili bena balishibe ukutila cali muli uyu musango. Kibili, Maria, mu mutima wakwe umwine, alishibe calecitika.

²⁸¹ Kibili Yosefe tailwike. Lelo Malaika wakwa Shikulu aishile kuli ena ubushiku, no kusosa, “Yosefe, iwe uli mwana wa kwa Dabidi. Witina ukusenda Maria umukashi obe, pantu cilya tacili icabipa, lelo cilya cakuli Mupashi wa Mushilo.” Cilya cali cipwishishe. Umuntu, Yosefe, no kwampana kwa musango filya na Lesa, mpaka Lesa kuti alanda kuli ena.

²⁸² Lelo ilelo tulasenda amakoti yesu aya fya bukapepa no kuifimbilikisha fwebene mpaka takuli nangu cimo icingalandi kuli ifwe, kunse ke bumba ilya bukapepa ilyo twabako. Shilefwaya ukukalipa atemwa uwafinkansa, e ico nalasha cilia ceka palya pene. Moneni. Lelo muleiluka ico ndepilibula. Moneni.

²⁸³ Icinka lyali ilya buwelewele, kuli bena, aba abaihibisha. Ifwe tatwakwata nangu ilyashi ilya lembwa uko Ena atalile ukusangwako ubushiku bumo ku sukulu; lelo nomba, pa ciimo ca kufyalwa ikumi limo na fibili, umulumendo uwaicefyapapwishes bashimapepo mwi tempile, no kusambilisha Kwakwe. Owe, mwe! Cali ni cinshi? Lesa ukuifisa Umwine...?... Ndeumfwa bukapepa sana ino ine nshita. Lesa ukuifisa Umwine mwi cinka. Lesa ukuifisa Umwine mu Mwana umunono. Mwamona. Moneni, cili no kulangisha, panuma ya kashita, nangula, mwamona? Ena alingile ukucita.

²⁸⁴ Ilyo Ena aile mu misebo, abafyashi, ukwabula ukutwishika, kuti balanda no kutila, "Mwilaaangala na ulyo Mwana. Mwilakwatapo ica kucita na Wene. Banyina tababa nangu cimo lelo cilende uwaseka, mwamona. Kibili, wishi na nyina, Akanya kali fyelwe... Ilyo bena mucine tabalaupana, ena ali no kuba nacifyashi. Mwilakwatapo ica kucitapo na ena."

²⁸⁵ Ifyo Maria atotonkenye! Lelo, pali fyonse, te mulandu ifyo abakunse batontonkenye, alisungile fyonse ifi fintu. Balififishile mu mitima yabo. Balishibe. Bena te kuti basose nangu cimo ica bipa ukususha cena.

²⁸⁶ Lesa alanda ku muntu Wakwe, inshita shimo, ukusosa, "Ikala tondolo. Wisosapo nangu cimo palwa cena."

²⁸⁷ Nalikwete abantu mukulongana kwandi abalesosa, "Cisuma, ngoli mubomfi wakwa Kristu, nawishiba *ici cilecitika kulya.*"

²⁸⁸ Mucine, nalishibe calecitika. Lelo lyena cinshi ico uli no kucita ilyo Ena asosa, "Ikala tondolo. Wisosapo nangu cimo palwa cena"?

²⁸⁹ Nalisendele abaume bambo ubushiku bumbi, no kubalangisha, pe buku. "Icintu cimo calilandile, imyaka yapitapo," natile.

Atile, "Cisuma, nalifililwe ukuciluka."

²⁹⁰ Natile, "Mulemona kulya?" Ici cali apa, kunuma kuno, nalilembele ubushiku na fyonse fye, ilyo cacitike kunuma kulya. Abantu bengi balicimwene pe buku palya. Natile, "Cikesa fikilishiwa ukutila ici cikacita muli *uyu* musango na *ulya* musango."

²⁹¹ Atile, "Cisuma, cinshi ico tawasosele icintu cimo palwa cena?" Cena kuti cale-...Cena calingile ukuba muli ulyo musango. Mwamona?

²⁹² Kibili Yosefe alishibe ubupusano. Alishibe ulya Uwali umwine wa Kanya. Maria alishibe Uwali Umwine. Yesu alishibe Uyo Uwali Wishi. Ni cinshi ico Ena asosele? “Ningile ukuba pa mulimo wakwa Tata.” Te kupala imbaio no—no kupanga icibi; lelo pa mulimo uwakwa Wishi. Ameni. Filya efyo asosele kuli ba Nyina, “Bushe teti mwiluke cilya, Ine, ni nshita Yandi ine ukuba pa mulimo wakwa Tata?”

²⁹³ Nomba, batontonkenye, “Uyu munono Umwana uwatumpa...” Uuli onse umwana uwa mucani aba ngo waibela, icintu iceni, ifyo fine. Kibili mwacimone co, mwamona, lelo, Lesa ukuifisa Umwine. Umfweni. Lesa ukuifisa Umwine muli ico catontonkanishiwe, kwi sonde, nge, “Fiko, ukubola, ica mucani.”

²⁹⁴ Lolekesheni, Lesa alaifisa Umwine mukubola kwa mbuto iya fwa, ku kuleta ubumi. Mwamona? Bushe mulecumfwa? [Ulukuta lwatila, “Ameni.”]

²⁹⁵ Lesa alaifisa Umwine muwaicefyा, umwanakashi umunono uwasha. Atemwa umwaume umwikala calo ne cakulya cakwe ica cungulo mu kuboko kwakwe, ukufyompa umukashi wakwe na bana bakwe shalenipo, no kuya kunse kulya, kibili nalimo ukuifisa Umwine muli ulya umuntu ukucita icintu cimo archbishop tekuti eshibepo nangu cimo. Mwamona? Imwe tamumumfwa Wene ukulisha amauta no kucitura. Ena, Lesa, apokelela fye ubukata, epela fye. Abaicefyा balacumfwa kibili balasangalala, mwamona.

²⁹⁶ Nomba, Lesa aleifisa Umwine mukuicefyा ukwa Kanya, ukuifisa Umwine mukuicefyा ukwa u—ulupwa ulwaseeka. Lesa! Kibili bakapepa, na bantu abakalamba, amano, bakalapashi, kibili—kibili bonse fye, na bena Herod, kibili na bambipo, aba bulya bushiku, kibili naba Nero, kibili bena bonse tabacimwene. Lesa ukuifisa mukuicefyा.

²⁹⁷ Nomba, mukwangufyanya. Yohane Kabatisha, muli Esaya 40. Kuti twamonapo nga mulefwaya ukucita. Malaki 3. Bonse, ee, imwe tuyalembe nga mulefwaya ukucita. Esaya 40, bonse, mwalishiba, ukulanda umutende ku i...nge fyo cili. Nalimo ine...Cena kuti caba icisuma ukutila ine—ine—ningile ukucibelenga pano pene fye, nga na mukwata—na mukwata inshita ikulu filya. [Ulukuta lwatila, “Ameni.”—Ka.] Lekeni tucicite, pali miniti fye. Twalapilibula muno mwi Buku lyakwa Esaya, mu cipandwa ca 40, kibili—kibili ukubelenga umu no kumona fye ifyo alesosa palwa ici nomba. Lolekesheni apa, “Sasamusheni, sasamusheni abantu bandi.” Nomba, ibukisheni, ici cali imyaka imyanda cinelubali ne kumi limo na fibili. Lolekesheni pa mutwe we lyashi palya, mwamona. Imyaka imyanda cinelubali ne kumi limo na fibili ilyo talafyalwa, yu apa kasesema alelanda palwa wene.

Sasamusheni, sasamusheni abantu bandi, asosa SHIKULU.

Landeni fyebo ifya kusasamusha kuli Yerusalem, no kubila kuli wene, ukuti naipwa inshita ya bulwi bwakwe, ukuti nayalekelelwa ama mpulu yakwe: pantu napokelela . . . ku kuboko kwa kwa YEBOBA iciyene ica miku ibili pa membu shakwe shonse.

Ishiwi lya uyo . . . ulebila mumatalolo, Kungwileni YEHOBA inshila tambalikileni Lesa wesu, cinkwete mu ciswebebe.

Kabili umukonko onse ulundumikwe, ulupili lonse na kapili fibatamikwe: apasumbuka pabe apatambalala, apalundumana . . . pakalengwa apabatama.

²⁹⁸ Owe, mwe, mwe! Ifyo ulya umuntu ali no kuba! Mwamona? Nomba pilibukileni kuli Malaki, pamo na ine, Ibusu ilya kulekelesha ilya . . . abakulekelesha pali bakasesema mu Cipingo ica Kale. Nomba, muli Malaki, umfweni pano. Malaki alecileta, pa nshita fye iya kumpela, e ico beni abashininkisha ukutila tamulecilabako. Malaki, icipandwa ca 3.

Moneni, nkatumma inkombe yandi, ku kungula inshila ku ntanshi yandi: kabili Shikulu, untu mufwaya, akesa no kupumikisha kwi tempile lyakwe, inkombe ya cipingo, intuu imwe mubekelwa: moneni, ileisa, efyo Yehoba wamilalo asosa.

²⁹⁹ Acili alelanda pali Yohane, “Nkatuma inkombe Yandi ku ntanshi Yandi, ku kungule nshila.” Yesu alilandile palwa cena, muli Mateo 11:10, atile:

Nga kuti mwacipokelela, ulya e walembelwe ukuti, mona, nde kutangishisha inkombe yandi, . . .

³⁰⁰ Mwamona? Cilya cishinka. Nomba, ifyo bonse aba balandile! Ilyo, cali imyaka imyanda cinelubali, kwali no kuba uwa kutangilila ukwisa ilyo Mesaya talati. Lelo ilyo aishilemonekela, mukuicefy a kwa musango filya, bena bali mulufishe. Bena bali mulufishe.

³⁰¹ Ibukisheni, ali umwana wakwa shimapopo. Cisuma, lolekesheni fye ifyo cali ica buwelewele cilya cali kuli ena pa kukana konka iofeshi lya ba wishi, ukubwekela ku seminary. Lelo umulimo wakwe wali ukankala nganshi. Pa myaka ya kufyalwa pabula, aile mu matololo. Kabili aishileissa, aleshimikila. Bena balicilufishe. Ena ali uwaicefy a nganshi, uwaicefy a sana, ku masambililo yabo aya pa mulu aya pulamo ukucetekela uwa musango filya. Batontonkenye, ilyo uyu muntu akesa . . .

³⁰² Inga pwalwa, “Shonse incende ishasansama shikatambalikwa, shonse incende ishatambalikwa

shikasansabikwa, shonse incende ishalundumana shikalengwa ishabatama”? Dabidi alicimwene, kibili atile, “I—impili shacelebensele nga ba sukusuku, kibili amabula yaombelle indipi yayako.” [Munyina Branham atote ndipi shakwe capamo imiku ingi—Ka.]

³⁰³ Cinshi? Bushe calicitike? Umuntu umukote uwa myefu nga filya, ukwabula amasambililo nakalya, ne ciputulwa ica mpapa ya mpaanga ukupombwa pali ena, aishile aletalantanta ukufuma mu matololo ya Yudea, alesosa, “Lapileni, pantu Ubufumu bwa mu Mulu na bupalama. Kibili imwe mwe bumba lya nsoka, mwilatontonkanya ukusosa, ‘Naba kukabungwe kamo.’ Lesa ali uwalinga kuli aya mabwe ukwimya abana kuli Abraham.” Mwe!

“Cisuma, ulya teo. Twalishiba ulya te wene.”

³⁰⁴ Lelo cali ni wene! Mwamona, ena alewamya inshila. Mwamona? Lilya e lintu incende ishalundumana shabatamikwe. Lilya e lintu incende ishasansama shatambalikwe. “Mwilatontonkanya ukutila mwalikwata Abraham nga shinwe. Mwilatendeka ukunjeba ifintu fya musango ulya, pantu Lesa ali na maka aya kubushisha Abraham abana mu mabwe aya.” Incende ishasansama shali tambalikwe. Owe. Mwe! Cilya eco. Ee. Mwamona ubupusano? Atile cilya ecali no kucitika.

³⁰⁵ Kibili ilyo baishile, bena batontonkenye, owe, mwe, bali fye abaiteyanya ku kumupokelela, ngalishile ku kabungwe kabo abene. Lelo pantu... Ena aishile nga filya, mu musango uwaanguka nganshi. Lelo nomba, mukwilula Amalembo, incende ishasansama shalitambalikwe. Bena tabalefwaya ukucisumina, lelo efyo baishileba.

³⁰⁶ Mune, alibacitile ububi. Afundile inkanda ukuifuumya pali bena. Atile, “Mwe bumba lya mafwafwa! Mwe nsoka mucani! Ndemweba, akasembe nakabikwa ku mushila wa muti. Kibili umuti onse uyo ushitwala ifisabo, ulaputulwa no kuposwa mu mulilo. Ine mucine ndemubatisha na menshi, lelo kuleisa Umo ulenkonka, Uyo uwacila ine; Ena akamubatisha na Mupashi wa Mushilo no Mulilo. Kibili ulupe Lwakwe luli mu minwe Yakwe. Ena akawamya bwino bwino icipulilo. Kibili ena aka-...ukoca imisungu; no kusenda ingano mu butala.” Ameni.

³⁰⁷ Lilya e lintu incende ishalundumana shatambalikwe, mwamona, lelo abantu tabacumfwile. Lelo caba fye filya fine ne Cebo, filya fine fye umusango Icebo casoselemo cena. Icaanguka nganshi, icakutila balicilufishe. Bena balilufishe ukucimona.

³⁰⁸ Mwiba abapofula filya. Mwamona? Mwiba abapofula filya. E ico, umfweni, nomba.

³⁰⁹ Balicilufishe. Ena ali uwaicefyanganshi, ku fisumino fyabo ifyaseka pa muntu wa musango filya, icakutilena ali cilufishe. Nakabili, cali ni cinshi? Lesa, uyo waba Icebo, ukuifisa mukuicefyat; te shimapopo ne nteneshi yakwe iyapilibulwa, uwali uwa cenjela, amasambililo.

³¹⁰ Yesu alibepwishe icintu cimo cine. Atile, "Cinshi ico mwaile mukumona?" Ilyo abatumwa bakwa Yohane baishileko. Atile, "Cinshi ico mwaile mukumona? Bushe mwaile mukumona umuntu uwafwele umwingila uwa bushimapopo, namwisha, kabilififa kufwala ifya kumbilik," Atile, "ulya—ulya—ulya—ulya kashimikila wa musango ulya?" Atile, "Bushe mwaile ukumona ulya?"

³¹¹ Atile, "Iyo. Abamusango filya bafyompa utunya, kabilinamwisha, no kushika abafwa. Bena, benatabaishibapo nangu cimo palwa lupanga ulwkatwa na maboko yabili ku ntansiya bulwi. Bali kunse kulya ne milandile imo iya masambililo, akabungwe ka Kiwanis atemwa icintu cimo, namwisha. Bena balifye bwino kulya. Lelo ilyo caisa kulya ku bulwi, ukucilwisha, benata beshibapo nangu cimo palwa cena. Bena—bena, benababa mu misumba ya shamfumu. Balatumpinkana ne bumba ilya musango filya."

³¹² Lelo atile, "Kanshi ni cinshi ico mwaile mukumona? Bushe mwaile mukumona itete ilitenshiwa ku mwela? Umuntu uyo wingasosa... Umuntu umo ukusosa, 'Namwisha, imwe mwaba ku i—imwe mwaba kuli ba Oneness; lelo nga muli no kwisa kuno kuli ba Assemblies, ndi no kumweba ifyo muli no kucita, tuli—tuli no kucipanga...' 'Ndecetekela ndi no kucita cilya.' Huh! Itete, ilyatenshiwa? Te Yohane. Iyo, iyo. Iyo, iyo. 'Nga muli no kwisa, no kuba umu Seduke kabilite kuba umu Fariseo, atemwa icintu cimo, lyena?' Imwe tamwamwene umuntu umo ukutenshiwa no mwela; te Yohane." Iyo, mukwai, munyina; te ena.

³¹³ Atile, "Elyo ni cinshi ico mwaile mukumona? Kasesema?" Kuti casenda kasesema ukucita cilya, mwamona. Atile... Nomba, cilya cali icishininkisho icakwa kasesema, mwamona, Icebo cakwa Lesa pamo nankwe. Icebo cisa kuli kasesema. Mwamona? Atile, "Cinshi ico mwaile mukumona. Kasesema?" Atile, "Ee, cilya cishinka. Lelo, ndetila kuli imwe, no kucila kasesema, pantu efyo ali."

³¹⁴ Cinshi ico abelele ukucila kasesema? Ena ali ni nkcombe iya Cipangano, mucine efyo ali, ku kusuntinkanya inshila pakati ka malango no kusenamina. Ena ali ilibwe ilikankala, mulya, uwalandilwepo.

³¹⁵ Atile, "Nga kuti mwacipokelela, uyu ni ulya uo kasesema alandilepo, 'Moneni,' muli Malaki 3, 'Nkatuma nkcombe Yandi, ku ntansi Yandi, mwamona, kabilienakanteyanishisha inshila ku ntansi Yandi.'" Mwamona? Owe, ena ali uwaicefyanganshi. Lesa nakabili ukufisama mu kuicefyat.

³¹⁶ Elyo lolekesheni ico acitile. Ena ashimikile Kristu uwa musango ifi uwapulamo uwaleisa, “Ena nakwata ulupe Lwakwe mu minwe Yakwe. Ena aka... Ena aleulula inshila Yakwe. Mune, ndepilibula, Ena Akelulula icipumino Cakwe. Akasenda ifisoso, no kufipyangila kulya no kufyoca, na fyo. Cilya cishinka. Akalonganya ingano no kushitwala mubutala.” Mwamona, ena ali uwaputwamo.

³¹⁷ Lelo ilyo Yesu aishile, bena balefwaya u... Kabili bonse fye abatumwa, namwishiba, balelolela ku cintu cimo icikalamba ukwisa. “Mwe, mwe! Owe, Ena aleisa. Cilya e ciliko fye kuli cena. Mune, Akaba uwapulamo. Akabapantaula balya abena Roma ukubafumya pe sonde. Mwe! Akabalenga balya aba Hela, ukuya *uku* lubali, na bena Roma ukuya *kulya*, ilyo Akesa.”

³¹⁸ Ilyo Aishile, umuntu uwapetama umunono uwalasunkwa ukufuma kulubali lumbi ukuya kulubiye. Cali ni cinshi? Lesa ukuiifisa Umwine mukuicefy. Owe, mwe!

³¹⁹ Elyo Aishileminine pa mpela ya Mbila Yakwe, no kusosa, “Nani uwinga Njebaula pa lubembu? Fyonse ifyo Baibebe yasosa ukuti nkacita... Nga nshilecita imilimo yakwa Tata, lyena mwinjebaula. Lelo cinshi ico Amalembo yasosele ukuti nkacita, ico nshicitile?” Ulubembu kukana cetekela, namwishiba. “Nani uwinga Njebaula? Nga ndetamfy ifiwa ku minwe yakwa Lesa, lyena Nangeni ico mulecitolako.” Ukuicefy!

³²⁰ No kuipele aliipele Umwine kumfwa! Lelo, owe, pali lulyo lucelo lwa Easter, aleluya, kulya eko Akelulula icipumino. Alipyangile ifisoso, cisuma, munyina. Ee, mucine. Kabili ingano shalikakatikwe mu butala. Ukulala mulya mu mushili no Mweo wa Muyayaya ukutusha muli wene, ukulolela pali bulya Bushiku bukalamba ubo twalalandapo, Ukwisa kwakwa Shikulu, ilyo bulyo bumi bukesa ku Mweo; kabili tukesaima muli kulyo kubuka, ukwikatwa pamo Nankwe mulwelele, no kulonganikwa mu Butala. Kabili ifisoso fikocewa kulya; ifipapa ifyapombwako, no kwesha ukutinta Cena *ulu* lubali atemwa *lulya* lubali, fikocewa no mulilo ushingashimishiwa. Amen. Owe, bushe Ena tawama! [Ulukuta Iwatila, “Ameni.”—Ka.]

³²¹ Bali Mulufishe, Lesa mukuicefy. Cinshi? Cinshi? Ena tatalile no kushimikila insoselo sha bukapepa. Ena tatalile. Ena tatalile ukushimikila nga kashimikila. Mwamona? Ena ashimikile kwati i... Abomfeshe insoselo isha kuicefy kwa kwa Lesa, insoselo nga “akasembe nakabikwa,” insoselo isha “icimuti,” insoselo isha “insoka.” Te umo kafundisha wa kuseminary, nga muli bukapepa bwa buno bushiku, kwati ni Doctor wa fya Bulesa, Doctor Kampanda-na-kampanda. Ena tacitile cilya. Ena ashimikile ngo muntu wa mumpanga kulya

kunse ku cifulo cimo. Alandile palwa tusembe, ne fimuti, ne nsoka, ne fintu nga filya, ne ngano, na mabutala, na fyonse fye nga filya. Ena kuti atontonkanishiwa, ilelo, ndemonia, kashimikila wa cibokoshi ca sopo. Ndetontonkanya Aleitwa “kashimikila wa cishiki” muli bulya bushiku, ukwiminina pa cishiki kulya lubali lwa Yordani. Nali-... Lesa mukuicefyा, ukufisama ukufuma ku mano aye sonde.

³²² Nomba lekeni tusange. Yesu atile, “Nde Mutotela, Tata, Imwe mwafifisa ifi fintu ukufuma ku bamano abe sonde, kabili muli no kufisokolwela kutunya uto tuli no kusambilila.” Mwamona? Lesa ukufisa mukuicefyा, muli Kristu. Lesa ukufisa mukuicefyा, muli Yohane. Mwamona? Fye... Mwamona, Ena—Ena ali... Tontonkanyeni fye pali cena, Lesa mukuicefyा, ukufisa Umwine ukufuma ku mano aye sonde.

³²³ Nomba twalaisala, muli miniti fye, atemwa yabili, pantu nshilefwaya ukumikatilila nakabili.

³²⁴ Lolekesheni, tuleke fye pali miniti, icintu cimo palwandi. Tontonkanyeni pa bushiku ubo tuleikalamo, ukwisaika mu inono iya kale incende iyapetama iyo twikalamo, ukundapa abalwele. Kabili abakankala, kabili aba matakì, na masambililo sana, “Inshiku sha fipeshamano shalipita. Takwaba icintu ica musango ifi ngo Kundapa kwa Bulesa.

³²⁵ Muleibukisha Imbila nashimikile ukufuma fye kuli cino cine iciputulwa ica mushili kuno, ulucelo ilyo naile, palwakwa Dabidi na Goriat?

³²⁶ Atile, “Musango nshi uli no kukumanya isonde ilyasambilila kunse kulya, Munyina Branham, na fyonse ifi?”

³²⁷ Natile, “Te kuti ngafwilishe ifyo nkakumanya. Lesa atile, ‘Kabiye.’” Mwamona? Epela fye, mwamona. Cena Cebo Cakwe. Ena ali Cilaya. Ora ili pano.

³²⁸ Ilyo ulya Malaika, uo mumona muli cilye cikope kulya lubali, aishileika pa mu mana kulya lubali bulya bushiku, imyaka iyapitapo amakumi ya tatu uyu June uleisa, atemwa imyaka yipitapo amakumi yatatu na fitatu, ntile, uyu June uleisa; kabili atile, “Nge fyo Yohane Kabatisha atuminwe,” intanshi ya bantu amakana yasano atemwa ukucilapo, “ora naisa ilyo Imbila yobe ikashinguluka isonde.”

³²⁹ Muleibukisha ukwebaula, nga umo muli imwe uko. Ndemonia, Roy Slaughter, atemwa bamo muli bena abekele muno, limbi kuti mwaibukisha ubushiku; atemwa bamo, Mrs Specier, atemwa—atemwa bamo abali bonse abali abantu abakote muno abo abenga—abengeshiba, mwamona; George Wright, atemwa bamo muli bena, mwamona, abaishiba cilya, ifyo cali. Lelo bushe Cena tacicita? [Ulukuta, “Ameni.”—Ka.] Calicicitile.

³³⁰ Elyo kibili mukati, ilyo bakene, no kusosa, “Kwena kundapwa fye ukwa mubongo.” Kibili Lesa apilibwike fye ukwisa kunuma no kutuma umukote, inama iitwa opossum ishilanda mulya, kibili yaundepwe ku Maka yakwa Lesa.

³³¹ Lyle Wood na Banks, ilyo twaikele kulya lubali, no kwishiba Icine ica shininkishiwa na Lesa. Ilyo, ilinono, ilyafwa ilya kale intemba, isabi, yali pa menshi. Kibili Mupashi wa Mushilo alilandile, akasuba kunuma, Ena ali no kubalangisha Ubukata Bwakwe no kucitapo icintu cimo palwa cena. Kibili lulyo lucelo, ukwiminina kulya, kibili Umupashi wa Mushilo walikile muli bulyo bwato, kibili naishileima no kulanda kuli lilye sabi. Kibili lyena ukwelela pa menshi, ilyafwa, pali citika wa ora; amalikoliko ya yena na mala fyafumine ku kanwa ka lyena. Yaishile kubumi, no kowa ukuya mu busuma fye nge sabi ili li lyonse. Cena ni cinshi? Lesa ukuifisa Umwine mukuicefy.

³³² Lesa ali na maka ukubushisha Abraham abana ku mabwe aya. Lesa ali na maka ku kundapa inama iitwa opossum, atemwa isabi, atemwa icintu icili conse. Nga Ena ali no kuleta Imbila Yakwe, kibili abantu te kuti bacetekele Yena, Lesa kuti abusha opossum ukuicetekela Yena. Aleluya! Lesa kuti abusha isabi ilyafwa. Ena kuti abusha opossum uwafwa. Ena kuti acita. Ena kuti acita icili conse Alefwaya ukucita.

³³³ Ifyo kuli ukwebaula kuli ino nkulo! Ilyo baipununa pali Yena, no katalikisha pali Yena, kibili, “Imwe tamwacitile *ici* no kucita *cilya*.” Kibili Lesa atumine inama iya icefya. Mwamona? Ifyo kwaba ukwebaula! Cali ni cinshi? Lesa mukuicefy, mwamona, ukuilangisha Umwine ukuba umukalamba, owe, mwe, ukwebaula aba bantu aba ino nkulo, palwa kukana cetekela kwabo.

³³⁴ Nomba, bena batontonkanya nomba nge fyo lyonse balecita, cilingile ukucitwa mu nshila yabo abene. “Nomba, nga kwalibako icintu ica musango ifi ngo kundapwa kwa Bulesa...” Kwati, umuntu uwa ku Katolika anjebele ici. Umuntu, ubushiku bumbi, anjebele palwa cilya. Namwishiba palwa cena. Atile...Uyu Ayers, uo naile mukumona pa mulumendo wakwe kulya ku Houston, atile—atile, “Cisuma, nomba, nga—nga cilya ca bupe cakwa Lesa, cilingile ukufumina mulukuta lwa Katolika.” Mulemona? Mwamona? Ee, ba Methodist batontonkenye Cena kuti cafumina mu lukuta lwabo. Kibili ba Pentecostal batontonkenye Cena kuti cafumina mu lukuta lwabo. Lelo Cena tacafumine muli cila bambo aba lwena.

³³⁵ Cena caishile mu Maka ayakubuka kwa kwa Yesu Kristu ukuilangisha Umwine. Cilya cishinka. Mucine, Alacita. Ee. Lolekesheni fye Cena. Mwileka Cena ci mucilile. Cisungeni Cena pesamba lya mutima wenu—wenu, kibili ibukisheni Cena. Tontonkanyeni Cena mulya.

³³⁶ Cilingile ukwihila mu nshila yabo abene, pantu kulya, ukufuma kucilonganino cabu abene. "Kabili kano fye cacita cilya, Cena tacili Wene, mwamona. Cena caba fye ukwihiba imitontonkanishishe, atemwa cena ni Ciwa. Cena ni—cena ni...Cena te Lesa. Pantu, nga cali ni Lesa, Ena alingile ukwisa," mu musango wabo abene, mulemona, "umusango twakwatila Cena ukwilulwa."

³³⁷ Ulya e musango uo Yesu aishilemo ku ba Fariseo. Cali no kuba muli ulyo musango. Mwamona? Nga iyabo...Nga Lesa ali no ku—ukutuma Me—Mesaya, balicikwete conse icailulwa umusango fye uo Ena alingile ukuba. Kabili pantu aishile mu musango uwapusana, lyena, "Tali ni Mesaya. Ena ali uwa mucani icintu cimo. Ena ali ni Belesebuli." Lelo cali ni Lesa ukuifisa mukuicefy.

³³⁸ Katangilila alingile ukuba umuntu umo uwasambilila ukutila uwabo...Cisuma, umo, ukwabula ukutwishi...Cila bushiku, cila mwaka ilyo bena, ee, basontele bakapyunga wabo no kubatumba nga ba mishoni, ukuya apatali no kuletamo; cila umo atontonkenye, "Uyu akaba ulya katangilila uuli nokwisa." Lelo Lesa ali mufumishe mu matololo uko kushali seminary nakalya, mwamona, ne fintu nga filya. Mwamona? Lesa ukuifisa Umwine mukupetama kabili mukuicefy.

³³⁹ Lelo nomba loleleleni. Mukwisala, tulesosa ifi. Lelo ukukana Imbila yakwa Lesa iyaicefy; uku—uku—ukukana Yena, inshila iyaanguka iyakwa Lesa, cabu konaulwa Umuyayaya. Nomba, filya e fingi...Tulalandi ifyo Cena caba icaanguka, kabili abantu batontonkanya, cisuma, bena kuti baciseka Cena no kunyanta pali Cena, no kubomfyा cena umusango uuli onse uo balefwailamo, lelo cena caba ukupatulwa ukwa Muyayaya ukufuma kuli Lesa.

³⁴⁰ Balya abafwile mu nshiku shakwa Noah, kabili tabaumfwile ku Mbila yakwe, balyonaike. Kabili Yesu aile no kushimikila kuli bena mu minyololo ya mfifi, mu mfwa Yakwe, ilyo Ena talabuka. Kabili Aile kumbo, no kushimikila ku mipashi iyali mucifungo, iyo ishalapile mukutekanya kwa nshiku shakwa Noah; lintu Imbila iaanguka iyakwa Lesa, ku muntu uwa icefy, yaleshimikilwa. Alile. Atile, "Noah ashimikile ukutila nkaba kuno, kabili ine ndi pano." Cilya cishinka. Mwamona?

³⁴¹ Balya abafililwe ukumfwa ku mbila yakwa ulya kasesema, Mose kunse kulya mu matololo, ukutila alipokelele ukufuma kuli Lesa, ukushininkishiwa bwino bwino ku Ntumba ya Mulilo, kabili atungulwile mulya mu matololo. Elyo kabili ukwesha ukwima no kupanga akabungwe kuli cena, kabili balyonaike no kufwila mu matololo, cila umo muli bena; kano abaume babili, Yoshua na Kalebu.

³⁴² Kibili kulya lubali, aba—aba Fariseo bali abapofula nganshi ica kutila balifililwe ukumona cilya, e ico balolekeshe kunuma no kusosa, “Bashifwe balile mana, balile mana mu matololo.”

³⁴³ Kibili Yesu atile, “Kibili bena baba, cila umo, balifwa.” Balimwene Ubukata bwakwa Lesa. Balyendele mu Lubuuto ulwa i... Balyendele mu Lubuuto. Balyendele mu Lubuuto ulwa Ntumba ya Mulilo. Balyendele mu Mulola uwa maka Yaiko. Balyendele ukupita mu ncende isho Mupashi wa Mushilo abapangile ukwendamo. Balile mana iyo yawile ukufuma ku Mulu, iyo Lesa apele. Kibili, balilubile, no kuya kumbo. “Bena baba, cila umo, *balifwa*.” Nga mwabula lilye shiwi, lyaba “Ukupatulwa ukwa Muyayaya” ukufuma mu Cinso cakwa Lesa. “Bena baba, cila umo, balifwa.” Mwamona?

³⁴⁴ Cila umo uyo wakene Yesu alyonaike. Mwamona ico ndepilibula? Ukukana kulya ukuicefy a kwa kwa Lesa! Cena tacaba fye icintu cimo... Mwatila, “Cisuma, mwalipanga icilubo.” Imwe ta mucicita muli ulyo musango. Lesa tacipokelela muli ulyo musango. Mulonaika, Umuyayaya. Ifwe tulingile ukulatontonkanya palwa cintu cimo. Nomba, cena cilingile ukulangishiwa bwino bwino na Lesa, mwamona, elyo kibili, nge fyo cili, cena Cebo Cakwe. Mwamona? Owe! Nga balya abakene Mose, abakene Eliya, abakene Yohane, abakene Yesu, mu nshiku shabo.

³⁴⁵ Pano, lekeni mwebe icintu cimo icinono nganshi. Kibili, elyo, ndesubila nshilelenge sha ukumfwisha ububi nganshi. Lelo, lolekesheni. Ubushiku bumbi balinjitiile ku Hauston, Texas, ukwesha ukuya lomba ubwelelo. Pakulonganika abantu bambo capamo, ukushimikila Imbila, no kusenda abantu kulya ukulomba ubwelelo ubwa—ubwa uyu mulumendo umunono no mukashana umunono. Mwalishiba bali muli bulyo bwafya. Ndesubila mwalibelenga pali cena mwipepala. Kibili ulya ali umwana wa kusangamo wakwa Mr Ayers.

³⁴⁶ Kibili Mr. Ayers eulya uwakopele icikope icakwa Malaika wakwa Shikulu, ico mu mona palya pene. Ni Roman Catholic; kibili umukashi wakwe mu Yuda. Kibili ena aupile uyu mukashana umu Yuda. Bena balefilwa ukulanda pali bukapepa kuli umo no mubiye, kibili na fimbipo, nga filya. Kibili Teddy Kipperman, uyo wali nao pamo nankwe mu makwebo, akwete Douglas Studios.

³⁴⁷ Kibili ilyo aishile kulya lubali, uko Mr. Best, Dr. Best, ulukuta lwa Baptist, afungile ikofi pe samba lyamona wakwa Munyina Boswoth, nokulisunkanya, kibili atile, “Nomba nkopa icikope candi, ukucita cilya.” Atile, “Nalafumyako inkanda ya ulyo muntu umukote no kuikobeka mu cipinda candi icakusomenamo, nge cibukisho ica kundapwa kwa Bulesa.”

³⁴⁸ Kabili ilyo talaya ku Houston, Texas, Shikulu Lesa alinjebele ukuya kulya. Kabili nali kulya mwi Shina lya kwa Shikulu. Kabili imwe bonse mwali shiba ukulanshanya ne fintu fyonse ifyaishilecitika. Mwalifibelenja mu ma buku, kabili nafimbipo. Kabili cilya cali palya. Kabili ilya nshita ya bushiku... Naleesha fye ukwenda uwapetama.

³⁴⁹ “Cinshi,” batile, “bena li bumba ilya batutu.” Dr. Best atile, “Bena tababa nangu cimo lelo li bumba lya batutu.” Atile, “Takwaba abantu aba musango ulya abacetekela mu kundapwa kwa Bulesa, ifintu nga filya. Lilya libumba ilishawama.” Bena tabaishibe ukutila cali ni Lesa mukuicefy. “Cinshi,” atile, “umwaume takwata amasambililo aya kusukuku aya kubelenga.”

³⁵⁰ Ena ali uwaishibisha pa masambililo yonse aya ma degree ayo enga kwata, mpaka ena atontonkenye kuti alengeshe nsoni Munyina Bosworth, ifyo fine. Lelo ilyo caisa ku Cebo, ena tali uwafikapo nangula iciputulwa ice kumi kuli ena. Mwamona? Kabili Munyina Boswoth alishibe apo aiminine. Abengi abantu bakwe, bekele muno mwine, eko bali ku kulanshanya. Kabili cilya cali palya.

³⁵¹ Elyo alefiposela fye pali ifwe, ukusosa ifwe tuli bumba lya batutu. Atile, “Abantu abatontonkanya bwino tabacacetekela nakalya.”

³⁵² Munyina Bosworth atile, “Pakashita fye.” Atile, “Nibanga abantu muli uno musumba,” nalimo bali amakana amakumi yata tu ilya nshita ya bushiku, abaikele mukati kesu nga filya, “Ni bangga abantu aba umo musumba muno, abaya kuli aya akulu, ama chalichi aya ba Baptist ayasuma, abengashininkisha ku nkalata yakwa Doctor ukutila balyundapwa ku maka yakwa Lesa ukutila ilyo Munyina Branham aba mu musumba. Iminineni.” Kabili imyanda itatu baliminine. “Nga palwa cilya?” Cilya cali palya. Lesa alifiseme mukuicefy. Elyo atile, “Munyina...”

³⁵³ Atile, “Leteni kondapa uwa Bulesa. Lekeni imone ukusendamika umuntu umo, elyo lekeni ine ndolokeshe pali bena umwaka ukufuma ilelo.” Kabili Ted Kip-...

³⁵⁴ Kabili Ayers kulya, ulya wine uwakopele icikope, atile, “Mr. Branham tabafye nangu cimo kano kasendamika. Nalimwene umwanakashi, uwakwete icibukulo pa mukolomino wakwe, nga filya, kabili,” atile, “asendamike ulya umwanakashi. Ubushiku bumbi nalandile kuli ena, kabili ena takwete icibukulo.” Atile, “Umwaume alimusendamike.” Kabili, owe, ena anjebawile fye ine. Atile ningile ukutamfishiwa mu musumba, kabili ena alingile ukuba umo uwa kucicita, mwamona, kabili na fyonse nga filya. Ifishilwa ifikalamba mwi bula ilya ntanshi ilya *Houston Chronicle*.

³⁵⁵ Nshatalile ukusosa ishiwi. Nali palya ukucibomba umulimo wakwa Tata, kibili cilya e fyonse; mukwikala na cilya Cebo. Ena alintumine kulya, kibili wene mulimo Wakwe.

³⁵⁶ Ilya nshita ya bushiku ilyo naendele ukuya palya, natile, "Ine—ine—ine—nshili kondapa uwa Bulesa. Nshaba. Nga uuli onse alesosa cilya," natile, "bena bali mucilubo." Kibili natile, "Nshilefwaya ukwitwa kondapa uwa Bulesa." Natile, "nga Mr. Best pano alashimikila ipusukilo, lyena ena tekuti afwaye ukwitwa Kapususha wa Bulesa." Kibili natile, "Kanshi, ndashimikila ukundapwa kwa Bulesa, nshilefwaya ukwitwa kondapa uwa Bulesa. Lelo ena alesosa taba Kapususha uwa Bulesa." Kibili natile, "Kanshi, ndeshimikila ukundapwa kwa Bulesa, nshile fwaya ukwitwa kondapa uwa Bulesa. Lelo ena alesosa ukuti te Kapususha wa Bulesa; mucine, ena taba. Nangula nine nshili kondapa wa Bulesa. Lelo, 'Mu filaso Fyakwe twalyundepwe,' ndesontelela kuli Cilya." Mwamona?

Kibili e ico, ena, "Ubuwelewele!" Namwishiba, alifuminepo.

³⁵⁷ Kibili natile, "Lelo ngo Mulola kibili ne ci cabupe cakwa Lesa, uyu Malaika wakwa Shikulu, nga Cilya cili mukwipushiwa, Cilya kuti cashininkishiwa." Napali ilya nshita, uyu alishile, ukulaika panshi. Atile, "Takuli umulandu uwakulanda nomba. Ena nanandilako kale." Kibili nalifuminepo.

³⁵⁸ Kibili naile mu Houston, ulyo musumba ukalamba, umo pa misumba iyawamisha iyabako mucalo, ukuli konse. Ilyo naile mulya, ubushiku bumbi, cali ica musebanya ukulolekesha pali ulyo musumba. Imisebo yali iyafiko. Umwa kushitishisha umwa ilye ncende, mulya mwine fye mu Musebo uwitwa Texas; kibili naile mu Rice Hotel, umo bakangala babunkolanya baleikala, kibili nalile mulya muli cilye cikulwa, ilya kafitelya, kibili umutenge wa mukati ulepona panshi, kibili ifya mashilwe fyali panshi, kibili ukukowela ne fiko. Kibili icimfulunganya pakati ka bakashimikila nge fyo nshatalabapo atemwa ukumfwapo mubumi bwandi.

³⁵⁹ Cinshi? Ukukana Ulubuuto cabo kwenda mu mfifi. Palya balikala abana babo mu cishilwa ca mfwia. Cisuma. Lesa alikile. Ilyo kuicefy a kwalangishiwe mukukana, lyena Lesa aliilangishe umwine mukuicefy.

³⁶⁰ Kibili kulya basendele cilye cikope ico casalangana mwi sonde lyonse. Nangula ba science batile Cena Cibumbwa fye ceka ica kupapusha icatalile ukukopwa mwi lyashi lyonse ilye sonde; kibili cakobekwa mu Washington, D.C., mucikulwa ca fikope ifya bukapepa. Cilya cili kulya, ukuicefy a ukulangishiwa, lyena. Mwamona? Mwamona? Lesa ukuifisa Umwine mukuicefy, elyo ukumoneka Umwine. Mwamona?

³⁶¹ Nomba, Aliifishile Umwine mu mfwa yakwa Kristu, lelo amonekele Umwine mukubuka. Owe, mwe! Nafimbipo, kuti mwacita, ifwe fye... Ifwe kuti... Takuli impela kuli cena; ukutwalilila fye ukulanda. Lelo mwacimone co, mwamona.

³⁶² Urukana ukusosa ukutila kuli akasuba nakabalika, cili ukuya mucipinda no kwisala amenso yobe ukufuma kulubuto. Kibili cilya cishinka. Kibili, ibukisheni, inshila fye imo iyo mwingabelamo mu cilubo, caba intanshi ukukana icalungama. Mwamona? Kibili ukukana ukwisula ameso yenu, muli no kwikala mu mfifi. Mwamona? Nga mulekana fye ukulolekesha, musango nshi mwingamona? Mwamona? Lolekesheni ifintu ifyaanguka. Caba utuntu utunono uto musha ukwabula ukucita, te fintu ifikalamba ifyo muleesha ukucita—ukucita. Owe, mwe!

³⁶³ Kanshi, lolekesheni kuno, lekeni mwebe. Muli Mal... muli Mateo 11:10, Atile, “Nga kuti mwacipokelela, uyu ni ulya.” Mwamona? “Uyu ni ulya uwatuminwe ku ntanshi Yandi.” Cali ukuicefyा.

³⁶⁴ Balimwipwishe Ena ubushiku bumo, batile, “Cinshi ico bakalemba basosela lyena ukuti...”

³⁶⁵ Ena, Atile, “Umwana wa muntu ali no kuya ku Yerusalem. Ndi no kuya bikwa mu minwe ya ba bembu, kibili bali no kuyaipaya Umwana wa muntu. Kibili Ena ali no kuya fwa, kibili pa bushiku bwalenga butatu Ena akesabuka nakabili.” Atile, “Mwikeba nangu umo icimonwa, kulya lubali.”

³⁶⁶ Kibili abasambi, nomba tontonkanyeni pali cena, abasambi abo abaendele pamo na Yohane, balandile nankwe, balile nankwe, mu matololo, baikeli mu malulamba, elyo batile, “Cinshi bakasambilisha basosela ukuti Eliya akesa intanshi? Imwe mulesosa ukutila Muli no kuya mukutanikwa, kibili mukesa buka. Imwe muli Mesaya, buleni icipuna ca bufumu. Nomba cinshi ico bakalemba... Yonse Amalembo yesu yalesosa pano, Amalembo yalesosa palwalala, ukuti, ilyo Kristu talaisa, ukuti Eliya aleisa intanshi.” Ee. Mwamona?

³⁶⁷ Atile, “Ena alisa kale, kibili imwe tamwacishiba.” Nomba, balya bali ni bani? Abasambi.

³⁶⁸ Nalaumfwisha ububi pano, pakashita fye akanono nomba, lelo nshileplibula cena, mwamona; pa ma miniti ayanono ayalekonkapo, mwamona, pali miniti fye, atemwa yabili, lelo pa kutila mwingaba abashininkisha ku kwiluka. Bushe mulenyu'mfwa? [Ulukuta lwatila, “Ameni.”—Ka.]

³⁶⁹ Lolekesheni! “Cinshi?” Balya abaume abo abaendele na Kristu, “Cinshi Amalembo, intanshi, yasoso kutila Eliya ali no kubala ese?” Kibili bena bali abapilibulwa abakwa Yohane, kibili tabamwishibe nakalya. “Cinshi Amalembo yasosela,

bakasambilisha?" Mulemona ifyo ndepilibula? Mwamona? "Cinshi Amalembو yasosela ukutila Eliya ali no kubala ese, ilyo takulaba ifi fintu, no kubweseshapo ifintu fyonsе?" Alicitile, ku bantu nalimo citika we kumi limo na bibili, kabilis epela fye e caliko. Mwamona? Balya fye beka ebalingile ukucipokelela. Balya ebalis abasontwa ku kucimona.

³⁷⁰ Yesu atile, "Ena alisa kale, kabilis imwe tamwacishibe. Lelo Ena acitile fye ifyo Amalembо yasoso kutila akacita. Alibabweseshemo, imwe bonse mweba pokelele Ine no kucetekela pali Ine. Ena acitile fye filya fine fye ifyo Amalembо yasosele ukuti ena akacita. Kabilis balicitile kuli wene ifyo Amalembо yasosele ukutila yakacita. Ena alisa kale, kabilis imwe tamwacishibe."

³⁷¹ Bushe muli abaiteyanya? Ndefwaya ukumitenshako panono. Ukusendwa kukaba umusango umo wine. Kukaba ukwaanguka nganshi, ukwabula ukwitwishiaka kukaba ifyo fine, mpaka Ukusendwa kukesa bumo muli ishi nshiku kabilis takuli nangu umo ukeshibapo akantu nangu kamo palwa kwena. Nomba, mwiesha, mwiesha, mwiesha ukwima nomba, lelo someni fye pali miniti. Mucine nganshi ndeisala. Ukusendwa kukesa munshila iyaanguka nganshi mpaka ama bupingushi yakesawa, kabilis bakesa mona Umwana wa muntu, kabilis bena bakasosa, "Bushe tatwalingile ukucita *ifi-ne-fi?* Kabilis bushe takwalingile kuba Eliya ukutumwa kuli ifwe? Kabilis takwalingile ukubako Ukusendwa?"

³⁷² Yesu akasosa, "Kwena na kucitwa kale, kabilis tamwakwishi." Lesa mukuicefyा. Mwamona?

³⁷³ Nomba, uno mulungu tuli no kwingila muli kumo ukusambilisha ukwa shika sana...?...Nomba, moneni, Ukusendwa, bakaba abanono nganshi abakaya muli ulya Nabwinga! Tacakabe...

³⁷⁴ Nomba moneni ifyo bakasambilisha bacikwata? Balikwata ifyo balenga, kabilis balaya, ukulangisha abantu umwanda mushila ukwisa pa mulu apa; bonse ba Methodist, nga ni kashimikila wa Methodist; nga ni Pentecostal, bonse ba Pentecostal ukwisa. Cena tacakatale ukucikumyako.

³⁷⁵ Cikesaba, nalimo umo ukusha Jeffersonville, umuntu fye umo akesa luba. Bena bakasosa, "Cisuma, iwe tawakatale..." Abashala muli bena tabakeshibe. Kukaba umo ukusha Georgia. Mwamona? Kukaba umo ukufuma mu Africa. Kabilis lekeni tusose kuti kwaba abantu imyanda isano, aba mweo, abakaya mukwilulwa. Nomba, cilya tacili—cilya tacili ulukuta umubili. Uyu ni Nabwinga. Cilya tacili ulukuta. Uyu ni Nabwinga. Mwamona?

³⁷⁶ U—ulukuta lukesaisa ku makana, lelo cilya cikaba mukubuka kumbi. "Tabakabe no mweo pa myaka ikana." Mwamona?

³⁷⁷ Lelo, muli Nabwinga, nga bantu imyanda isano balishile isonde ino ine miniti, isonde talyakeshibepo nangu cimo palwa cena. Yesu asosele, “Kukaba umo mubusansi; kabilis nkasenda umo, ukusha umo.” Cilya ni mu nshita ya bushiku. “Bakaba bibili mwi bala,” Ulubali lumbi ulwe sonde, “Nkasenda umo no kusha umo. Kabilis nge fyo cali mu nshiku shakwa Noah, efyo cikaba na mukwisa kwa Mwana wa muntu.”

³⁷⁸ Tontonkanyeni! Ifintu fyonse fikasela fye ifya seka fye ngefyo fingaba. Imbila iya fulungana ikesapita, kabilis, icintu icakubalilapo namwishiba, icintu cimo, “Uyu kapyunga, ukuya ku cifulo cimo, ena takabwele nakabili. Ena nalimo aliya mu mitengo, mukulunga. Ena tabwelele fye nakabili. Kabilis *uyu* umuntu aile kucifulo cimo. Namwishiba icacitike? Ndecetekela, ulya umukashana umunono, ena—ena alingile nailulwa pa cifulo cimo, namwishiba, umo muntu nasenda ulya umukashana no kumucitaula, nalimo bali muposa mu mumana. Ena tali no muntu.” Citika uwa cena... impendwa amakumi pabula na pabula ukufuma kuli cila... Lekeni nsose umo ukufuma kuli cila million umwanda tabakatale ukwishesibapo icintu nangu cimo palwa cena; mwamona, epali umuntu umo uyo wamwishiba, asosa, “Umukashana naluba. Cinshi, teti njiluke. Ena taile fye muli ulya musango.” Iyo.

³⁷⁹ Kabilis ilyo basosa, “I—inshishi shikesuka.” Musango nshi nshishi shikesukilamo? Ilyo, ine-nshikwete nshita ukuya muli ici, ifyo nacilafwaya ukucita. Nalasenda ici, mwamona, ukumulangisha fye ukuikefya kwa kwa Lesa. Kabilis ulya calcium, potash, ne fintu fyonse, ilyo—ilyo... Ifintu fyonse ifyaba muli imwe, ifya kubomfy, fyaba fye ukwisula supuni. Cilya cishinka. Kabilis ifyo cilya cicita, cilonaikila ukubwekela mu mupashi no mweo. Lesa alanda fye, kabilis Ukusendwa kukesha. Tacakabe ukuya kunse kulya, kabilis ba Malaika ukwika no kwimbapo pa nshishi, no kufumya icitumbi icakale icafwa umu. Cena ni cinshi? Cafyalilwe mulubembu, icakubalilapo. Lelo, Umo uupya, uwapangwa mucipasho cauko, namwishiba. Mwamona? Nga natukwata *ici*, tukesafwa nakabili. Mwamona? Tapali nangu umo... Mwatila, “Inshishi shikesuka. Abafwa bakenda ukufuma.” Cilya kuti caba icishinka, lelo te kwisuka umusango mulesoselamo ukwisuka. Mwamona? Cilya cishinka. Mwamona? Tacakabe muli ulya musango.

³⁸⁰ Cikaba ninkama, pantu Ena asosele ukuti Akesa “ngo mupupu mu bushiku.” Ena alitweba kale ici, Ukusendwa.

³⁸¹ Elyo ama bupingushi yakapola; ulubembu, ifinkunka, amalwele, ne fintu fyonse. Kabilis abantu bakabilikisha imfwa ukubasenda, ilyo bupingushi. “Shikulu, mulandu nshi ubu bupingushi bwishile pali ifwe, ilyo Imwe mwasosele ukutila kukaba ukusendwa intanshi?”

³⁸² Akesasosa, “Kwena kwalisa kale, kibili imwe tamwacishibe.” Mwamona? Lesa ukuifisa Umwine mukuicefy. Owe, mwe! Cisuma. “Epela fye, cilya nacicitika kale, kibili imwe tamwacishibe.”

³⁸³ Cinshi abacetekela tabacetekela ifishibilo ifyaanguka ifya Kwisa Kwakwe?

³⁸⁴ Bena balesubila fyonse ifi fintu ifyalandwa na Malembo, kibili—kibili umweshi ukesa shima mukati... atemwa akasuba, pakati kakasuba, kibili kukesaba ifintu ifya misango yonse. Owe, nga twalikwete fye... Ninkwata ifilembelwe pano pali cena, mwamona, ukulangisha ifyo filya fintu fyaba. Kibili tuli no kwisa pali fyena pa kukakatula ifi Ifikakatikilo uno mulungu, nangu cibe fyo, mwamona. Mwamona? Cilya icili apa, palya epo cacitika fye kale, kibili imwe tamwacishibe. Moneni nge fyo cili, nga Malaika wakwa Shikulu ali no kukakatula filya Ifikakatikilo kuli cena. Ibukisheni, cena cali kakinikwa na filya ifyakupapusha Ifibulumo Cinelubali. Mwamona?

³⁸⁵ Nomba cinshi? Cinshi abantu te kuti bacetekele ukwanguka kwa kuicefy ukwe bumba lya bantu abapetama, mwamona, kibili i—Ishiwi ilya fishibilo fyakwa Lesa? Cinshi te kuti bacetekele? Nge fyo Lyonse ciba, Icebo icacine ica kwa Lesa ukulengwo kumonekela. Efyo caba, bena baba bacenjela nganshi kibili abasambilila nganshi ku kucetekela umusango uwaanguka uwa Cebo icalembwa. Bena bafwaya ukubikako ubwilulo bwabo abene kuli Cena. “Cena tacipilibula *ici*. Cena tacipilibula *cilya*.” Mwamona? Cena cipilibula Cilya.

³⁸⁶ Umfweni. Lekeni nsose ici, mukwangufyanya nomba. Nangula ifimonwa ifyo Lesa apela kuno ku ncende, fyaba ifya kukana iluka nganshi. Ulya e mulandu wine mungu’mfwila ine pa ma tepu, ukusosa, “Soseni ifyo ama tepu yasosa. Soseni fye ifyo ifimonwa fisosa.” Nomba, nga muli aba shibuka nganshi, muli no kumona icintu cimo. Mwamona? Ndesubila cilingile ukuciikatilila mu kuboko kwandi no kumilangisha. Mwamona? Mwamona? Mwamona? Imwe muli... Cena cili—cena cili pano. Ifwe tuli pa mpela. Mwamona? Ee, mukwai. Abacenjela abasambilila balacilufya. Ifimonwa ifyaanguka, ilyo fyasokololwa mukuicefy ukwa ifi, mpaka cilafimba fye pa mulu wa mitwe ya bantu. Mwamona?

³⁸⁷ Pantu nalimwene icimonwa, ukumweba imwe bonse palwa kuya pa mulu kulya ukulunga, kibili, namwishiba, cilya cipunwisha fye abantu. Kibili kulya Lesa acitumine kulya pe pange line, no kwisa bwela no kucilula filya fine, ukulangisha ukuya kwa ba mayo, ne fintu nga filya. Kibili elyo ukwisa bwela no kucilanda, ilyo tacilacitika. Kibili cena calicitike filya fine fye umusango Asosele ukuti cikacitika. Mwamona?

³⁸⁸ Kibili, nomba, Yohane aishile isa kulya no kulumbula. Atile, “Nshili Mesaya nakalya, lelo ndi shiwi lya ulya ulebila mu matololo.”

³⁸⁹ Kibili elyo balya bene abasambi batile, “Cinshi ba, bakalemba basosa Amale-...Amalembo yasambilisha ukutila Eliya abala ese ntanshi?” Mwamona? Ukuicefyा kwa kwa Lesa kulaya, kulashimpa fye palya pene pa mulu wa mitwe ya bantu.

³⁹⁰ Lekeni nsende ici, elyo kibili njisale. Ndi no kucita, ku bwafwilisho bwakwa Lesa. Mwamona? Lolekesheni. Nomba lekeni tusopolole ici. Kanshi, ine—munjeleleko ukutwalilila ukumweba bonse ukuti nalaya, elyo kibili...Lolekesheni. Munjeleleko ukumikalika. Lelo, ama ora fye ayanono, twalabwela.

Lolekesheni, lekeni tusende itoni ilyaanguka ilya inki.

³⁹¹ Icintu conse ca mulimo. Imwe na mulongana muno muno lucelo pa mulimo. Nacilya ku nga’nda yobe, Charlie; Nellie, wacinjipikila, pa mulimo umo. Ine...Icintu conse ca mulimo. Ino calichi yakulilwa pa mulimo umo. Takwaba icintu nangu cimo icabula umulimo no mulandu.

³⁹² Lekeni tusende itoni ilya cepesha ilya inki nomba. Bushe mulengu’mfwa? [Ulukuta lwatila, “Ameni.”—Ka.] Lekeni tusende itoni ilyaanguka ilya inki no kulolekesha pali ena. Cena ni cinshi? Itoni lya inki. Nikwisa uko lyafuma? Cisuma. Lekeni tusende ili toni lya inki nomba, lyena lili, kibili tusose lyena ni nki iya fita. Nomba, ilya nki yapa mulimo. Kuti yalemba ubwelelo bwandi mucile-...ukumfumya mucifungo. Kuti alemba ubwelelo bwandi ukufuma mukalyati kamfwa. Cilya cishinka? Kuti yalemba Yohane 3:16, no kupususha umweo wandi pa kucetekelela Cena. Bushe co cishinka? [“Ameni.”] Atemwa, kuti yalemba cikalata candi ca mfwa. Mwamona? Kuti yaisanjebaula pa Cipuna ca Bupingushi. Yena yapa mulimo umo. Bushe co cishinka? [“Ameni.”]

³⁹³ Cisuma, lekeni tulolekeshe pali ilya inki inono no kumona uko ilefumina. Nomba, yena ni nki. Yena yalibikwa capamo, ne miti kibili na fimbipo, mpaka yaishileba inki. Kibili intu ya fita. Mukaitoneshe pa fya kufwala fyenu, cikacikowesha.

³⁹⁴ Lelo twalipanga icintu icitwa bleach. Imwe mwe banakashu mulabomfyा Clorox bleach. Cisuma, nasenda lilye toni limo ilya inki no kuli tonesha mu cibesen ica—ica bleach, nomba ni cinshi ica citike kuli inki? Mwamona? Cinshi? Bleach yalipangwa, ukulengwa no kupanga imiti, capamo, cilya cili no konaula lilye langi ububi nganshi mpaka tekuti mulisange. Nomba, iciputulwa ca bleach caba menshi.

³⁹⁵ Amenshi ni H₂O, ico caba hydrogen na oxygen. Kibili fyonsé fibili hydrogen na oxygen, fyonsé fibili, fyaba

ifyabipisha ifipoleka. Kibili, kanshi, hydrogen na oxygen fyaba mucine imito. Filya efyo fyaba, cilya cishinka, imito fye iya miti. Nomba, nomba fibikeni capamo, kibili mulakwata amenshi. Lelo, fisopololeni, imwe mwakwata hydrogen na oxygen, kibili ukutwalilila fye ukuya kunuma.

³⁹⁶ Nomba, mukumfwa ici, lekeni tusende... Kibili te kuti ncite. Nomba kuti kwabako abapanga imiti abekele muno. Kibili nomba ndefwaya ukusose ci, pantu kulya—kulya kukaba abapange miti abakomfwa kuli cena, nshaishiba imisankanishishe. Lelo ndefwaya ukucilondolola fye mu nshila yandi ne mwine iyapetama, ukusubila ukutila Lesa ali no kuisokolola Umwine muli cena.

³⁹⁷ Lolekesheni, natonesha lilye toni lya inki mu—mu—muli bleach. Cinshi icicitika? Lilya line fye akakowela aka fita kalaya. Imwe te kuti mukasange nakabili nga mwali no kucita, kena kaya. Imwe tamwakatale ukukamona nakabili. Cinshi icacitike? Nomba, imwe ta mumonapo nangu cimo ukwisa ukufuma kuli kena. Tamucita. Cinshi ico ta mucitila? Pantu kena nakonaulwa.

³⁹⁸ Nomba, science kuti yasosa, “Kalibwelelemo ku myela yakako iya ntendekelo.”

³⁹⁹ Ni kwisa uko imyela yafumine? Mwamona? Cisuma, mwatila, “Yena yaishile ukufuma—ukufuma ku fintu fimo.” Cisuma. Tatile, nge fi, kwati, “Ifyushi fyapangile imyela.” Nikwisa uko ifyushi fyafumine? “Cisuma, fyena fyali, twalasosa, ifyushi fyapangilwe na ba molecules.” Nikwisa uko molecules yafuma? “Ukufuma ku ma atoms.” Nikwisa uko atoms yafuma? “Ukufuma ku fya malaiti.” Nikwisa uko fyafuma? “Ulubuto lwa Cosmic.” Mwamona, imwe muli kunuma kulya ukuciluka apo bapela, abapange miti, nomba. Kibili, nga cena icintu fye kibili cilengwa, cilingile ukwisa ukufuma kuli Kalenga.

⁴⁰⁰ E ico, ta mwikele muno kwishuko fye. Inshile mikalika mpaka twelufu sate, atemwa wanu koloko, kwishuko fye. “Intampulo shabalungami shitungulwa na Yehoba.” Mwamona? Paliko umulandu umo pali cena. Kuliko umulandu umo kuli imwe uku cicetekela. Kuliko umulandu umo kuli imwe ukukana cicetekela. Kwati fye na—na ilya nki.

⁴⁰¹ Nomba lekeni tusopolole cilya. Nomba, icintu ca ntanshi, tutile, panuma ilyo twabwekela ku... Twalacileta ukucibwesesa ukufika fye pali ba molecule. Nomba, twacisenda molecule, kuti nasosa, impendwa ya 1 ukufusha molecule 9, ukufusha molecule 12. Nomba, nga cali 11, cena kuti caisa fuma icakashika. Lelo cena—cena calingile ukuba 12, ukupange ca fita.

⁴⁰² Elyo twalasenda cilya ukuya kuli atom. Cali ni atom. Kibili ⁹⁶ ukufusha + ⁴³, fisa mukupanga atom 16¹¹. Nga cali 16¹², cena limbi nga cali icakashikila. Mwamona? Elyo mulatwalilila ukucisoplwela panshi.

⁴⁰³ Cilangisha ukutila kwali icintu cimo kunuma kulya, icakubalilapo. Yalya mano fye ayaseka. Cena cilengwa. Cena cilingile ukuba Kalenga. Kibili cafumine ukufuma kuli Kalenga, elyo kibili caishile citwa no kubikwa muli ifi, umusango umbi. Nomba, science tekuti isende atom B₁₆ ukufusha 12, ukufusha 14, ukufusha conse fye ifyo cili, nga filya, ukupanga cilya. Lesa alingile ukucita cilya.

⁴⁰⁴ Kibili elyo cilaletwa kucifulo mpaka uko cisa mu ma atoms, elyo science kuti yatendeka ukucikumya. Elyo cilesa mu ma molecules, lyena kuti batendeka ukucimona bwino panono. Elyo cilesa panshi, ukufuma kuli cilya, mu cintu cimbi. Elyo, icintu ca ntanshi, cilesa mukuba mu miti, kibili elyo besa mukubika ifi capamo.

⁴⁰⁵ Nomba, ilyo muntu, lintu tala bembuka. Ndeisala, lelo mwicilufya. Ilyo muntu abembwike, alipatwile umwine ukufuma kuli Lesa, no kuciluka icimukonko icikalamba, no kuibika umwine mu mfwa uku lubali. Alile. Takwali inshila ya kubwelelamo. Filya fine. Takwali inshila kuli wene ukubwelelamo. Lelo lyena ilyo acitile, Lesa asumine ica kupyaniشا, ico cali umwana wa mpaanga, atemwa imbusi, atemwa mpaanga, atemwa pa cintu cimo, pantu umulopa; uo Adam alandilepo, atemwa—atemwa Abele alandilepo, kulubali lumbi ulwa mukonko.

⁴⁰⁶ Kuli lulya ulubali, ena mwana wakwa Lesa. Ena wa bufyashi ukufuma kuli Lesa. Ena cabupyani ce sonde. Ena kuti atungulula ifya cifyalilwa. Ena kuti alanda cabapo. Cinshi, Ena ni kalenga, Umwine. Ena wabufyashi wakwa Lesa.

⁴⁰⁷ Lelo, ilyo acilwike, apatwile ubwana bwakwe. Ena mubembu, ku cifyalilwa. Ena ali mu maboko kibili no kutekwa kwa Satana.

⁴⁰⁸ Kibili Lesa asendele ilambo, umuti, uwa mulopa, lelo umulopa wa ngo'mbe shilume ne mbushi tafyafumishe ulubembu. Wafimbile fye ulubembu. Nga ninkwata itoni ilyakashika pa kuboko kwandi, no kulifimba ne cabuta, itoni ilya fita licili palya. Mwamona, lyena licili lili palya.

⁴⁰⁹ Lelo Lesa atumine panshi, ukufuma ku Mulu, bleach iya pa lubembu. Yena yali Umulopa uwa Mwana Wakwe Wine. Ukutila, ilyo ulubembu lwesu ulwa tumbulwa lwa ponena muli bleach wakwa Lesa, mukeshe ukulusanga nakabili? Ilangi ilya lubembu lilabwelelamo ukupita muli bakapapatila, kibili kuya ukupita mu nshita, mpaka lupuma kapela wa mulandu, Satana, no kwikala pali ena mpaka Ubushiku bwa Bupingushi.

⁴¹⁰ Cinshi icicitika ku mwana? Esa mukuba mwisenge ilya pwililika na Tata nakabili, ukwiminina ulubali lumbi ulwa mu konko, ukwabula icibukisho ica lubembu pali wene. Takuli nakabili, takuli nakabili icakowela ica bleach icingamonekela apali ponse. Ena muntungwa. Aleluya! Nga filya ilya Clorox,

atemwa inki tekuti itale ukuba inki nakabili, pantu nayonaulwa no kutumwa ukubwekelamo nakabili. Kibili ilyo lubembu Iwatumbulwa no kutumpikwa mu... Umwaume atemwa umwanakashi uyo watumpikwa mu Mulopa wakwa Yesu Kristu, cilepaya imimonekele yonse. Kibili cila molecule uwa lubembu alabwelelamo kuli Kasebanya, no kwikala pali wene mpaka pa Bushiku bwa Bupingushi, uko icifulo cakwe ica Muyayaya akaposwa muli Bemba wa Mulilo. Kibili umukonko palaba ubulalo, kibili takuba nakabili ukwisa mukwibukisha. Kibili umuntu aleminina uwa lungamikwa, ngo mwana wakwa Lesa. Ukuicefy!

⁴¹¹ Mose, pesamba ly a mulopa wa ngo'mbe shilume ne mbushi, no kulumbula kwakwe mu Cebo cakwa Lesa! Kibili Lesa kuti asenda ulyo muntu uwaicefya, no kubika Ifyebo Fyakwe mukanwa kakwe. Kibili ashininkishe ukutila ali mubomfi wakwa Yehoba, pantu ena kuti aenda kunse kulya na Yehoba alandile kuli wene ku cimonwa. Alile, atambalike amaboko yakwe ukulola kukabanga.

⁴¹² Kibili nomba, ibukisheni, Lesa alilandile kuli wene. Cena litontonkanyo lyakwa Lesa. Lesa abomfyia umuntu. Lesa alandile kuli wene. Cili fye bwino. Atile, "Kemye ilye nkoto, mukuboko kobe, ukutonta ku kabanga, no kusosa, 'Balunshi'!"

⁴¹³ Mose, mwisamba ly a mulopa wa ilye mbushi, impaanga, aendele kulya lubali ukusenda ilye nkoto, no kuisonta kukabanga. "EFYO ASOSA SHIKULU. Nakube ba lunshi!" Ukwabula ukumfwapo lunshi. Alyendele ukubwelelamo. Cena nacilandwa kale. Cena litontonkanyo, nomba nalilandwa, lyena lyalangishiwa. Cena Cebo cakwa Lesa lyena. Caisa mu milomo ya muntu, umuntu uwaicefya pesamba ly a mulopa wa ngo'mbe ilume, ingo'mbe ilume atemwa imbushi.

⁴¹⁴ Icintu icakubalilapo namwishiwa, lunshi uwa green atendeke ukupupuka ukushinguluka. Icintu cimbi na mwishiwa, bena bali amapound yasano yadi umo. Cali ni cinshi? Cali Icebo cakwa Lesa, ukulandwa ukupitila muli Mose, Kalenga. Pantu, pesamba ly a mulopa, ena aliminine mu Cinso cakwa Lesa, kibili Ifyebo fyakwe umwine tacali icebo cakwe.

⁴¹⁵ "Nga mwaikala muli Ine, ne Fyebo Fyandi fyaikala muli imwe, lyena lombeni ico mulefwaya, cikapelwa kuli imwe." Nipesa apo Ulukuta lwiminine?

⁴¹⁶ "Nakube bacula!" Kibili tamwali cula mu calo. Munshita ya ora umo, bena bali amafutu ikumi ukushika, mu ncende. Cali ni cinshi? Cali ni Lesa, Kalenga, Ukuifisa Umwine mu muntu uwaicefya.

⁴¹⁷ Nomba defwaya ukumipusha icintu cimo. Ngo mulopa wa ngo'mbe ilume atemwa imbushi kuti wa bomfiwa kuli bleach, uyo uwinka fimba fye, kuti wabika umuntu mucifulo ica

kulanda icilenga Icebo cakwa Lesa no kuleta ba lunshi mukumonekela, cinshi mwinka ipunwina pali bleach wa Mulopa wakwa Yesu Kristu Uyo uwingalanda akapale atemwa icintu cimo mukumonekela?

⁴¹⁸ Mwicicita, mwilaipununa pa kuicefy. Cetekeleni ukutila Ena acili aba ni Lesa. Owe, mwe! Ukulekelewa ulubembu! Owe, ifyo ndekabila kuti na...

⁴¹⁹ Kanshi, muli Marko 11:22, “Nga mwasosa kuli ulu lupili, ‘Sela,’ kabili tamutwishike mu mutima wenu, lelo ukucetekela ukutila ico mwasosa cili no kucitika, owe, imwe kuti mwakwata ico mwasosa.”

⁴²⁰ Mwe, ninkwata yatatu atemwa amabula yane. Tulingile twaleka fye cena. Na mutotela.

⁴²¹ Lesa ukuifisa Umwine mukuicefy. Bushe ta mulemona? Kuliko icintu cimo icalubana ku cifulo cimo. Kuliko icintu cimo icalubana ku cifulo cimo. Ilyo Lesa alande icebo, Ena tekuti abepe. Alipela ubulayo. Mwamona? Alaifisa mukuicefy. Cena calyanguka nganshi!

⁴²² Abasambilila na bakasambilila batila, “Iye, cena cili... Owe, cena caba ukulingulula amano atemwa icintu cimo. Namwishiba, cena cili i...”

⁴²³ Lesa kuti aitwala Umwine kunuma ukupita mu mishilwa ya nshita, no kumweba kunuma kulya filya fine fye ifyacitike, ukumweba filya fine ifyo mwaba ilelo, kabili ifyo mukaba kuntanshi. Cilya nalyo line ni kuli bleach wakwa Yesu Kristu, Uyo uwingasenda umubembu no kumusangulwila muli Kulya, kabili aleminina mu Cinso cakwa Lesa.

⁴²⁴ “Kabili nga mwaikala muli Ine, ne Fyebo Fyandi muli imwe; kuti mwalomba ico mulefwaya, kabili cikacitwa. Uyo wacetekela muli Ine, imilimo iyo ncita nao akacita.”

⁴²⁵ “Cinshi ico mule Njebawila? Owe, bushe amafunde yenu mwebene tayasosa ukutila balya abo Icebo cakwa Lesa caishileko, bakasesema, bushe tamwabetile ‘imilungu?’ Kabili lyena musango nshi mwinka Njebaula ilyo Nasosa ukuti Ndi Mwana wakwa Lesa?” Balafilwa ukucimona. Balafilwa ukucimona.

⁴²⁶ Nomba, Ulukuta, mu Mbila ishileisa, ukufuma ilelo ukuya pantanshi, mwifilwa ukucimona. Mwamona? Moneni ubushiku ubo tuleikalamo. Kabili, ibukisheni, Umulopa wakwa Yesu Kristu ulasenda ulubembu ukutali nganshi ukufuma kuli imwe, ilyo shena tashaba na mukwibukisha kwa kwa Lesa, nakabili. Ulafumyapo ukukowela konse.

Ulubembu lwalishile itoni ilya kashika,
Alilubutishe nge mfula ya buta.

Elyo ku ntanshi ya Cipuna,
Ninjiminina muli Wene uwawpwililika.

⁴²⁷ Owe, mwe, kuti naba shani uwapwililika? Kuti naba shani uwapwililika? Pantu Umulopa; te ine, lelo ulya Umulopa uleminina pakati ka kwa Lesa na ine. Nali Usumine. Kabili Ena aliubikile... Ndi mubembu, lelo Ena ni Lesa. Lelo umuti uleminina pakati ka ine, icipaya ulubembu, e ico Lesa alamona ine uwa buta fye nga a—amenshi ayali mu—ayali muli bleach. Ulubembu Iwandi Iwaliya. Lwena te kuti lufike na kuli Wene, pa mulandu paliba Ilambo ilyaba kulya.

⁴²⁸ Cili kwisa icitetekelo cesu ukucetekela Icebo icakwa Lesa icanguka? Filya fine fye ifyo Lesa asosele, sendeni Wene pa Cebo Cakwe. Lesa alaifisa Umwine nomba mukuicefy, mwi bumba ilinono ilya petama, lelo bummo muli ishi nshiku Akesa ilangisha Umwine nge fyo Ena lyonse acita mu nshiku isha pita. Bushe mwali Mutemwa? [Ulukuta Iwatila, "Ameni."—Ka.]

Nali Mutemwa, nali Mutemwa
Pantu Ali ntremenwe
No kushite ipusukilo lyandi
Pa Kalbale.

⁴²⁹ Bushe mwali Mutemwa? [Ulukuta Iwatila, "Ameni."—Ka.] Mwe, bushe Ena tawama? ["Ameni."] Ndesubila no kucetekela ukutila Imbila ili no kuleta ico Yena yali no kucita, ukutila Yena ili no kuleta ku cifulo ica kutila tamwakaleolekesha ku fintu ifya maluba. Atemwa fimo... Ilyo mwamona Lesa mubukalamba,olekesheni ifyo cabia icapetama, kibili lyena muli no kumona Lesa. Mwilalolela Wene...

⁴³⁰ Ilyo Elisha ali kulya muli lulyo lucengo, icushi calipitile, umulopa, icibulomo, inkuba; kibili, mwamona, yonse iyi misango iyafya kumfwa umfwa twakwete, umulopa mu cinsko kibili mundupi, ne fya kumfwa umfwa ne fintu fyonse. Tacatalile ukucusha ulya kasesema. Ena alele fye palya mpaka aumfwile Ishiwi ilinono ilya cepesha, (cali ni Cinshi?) Icebo, lyena alifimbile icinsko cakwe no kufuma panse. Mwamona, cilya cali Eco.

⁴³¹ Ibukisha, we munandi, wilafwaya icikalamba, icikulu... Watila, "Lesa, Alalandia pa fikalamba, ifintu ifikulu. Kukesa isa inshita kukaba *ici*, *cilya*, atemwa *icibiye*, ifintu ifikalamba ifikulu." Ndesubila muleumfwa ifyo ndelandapo. Mwamona? "Ifikalamba, ifintu ifikulu, mwamona! Kibili, owe, ilyo ici caisa fikilishiwa, cikaba icikalamba, icikulu nge *fi*."

⁴³² Kibili cikaba icapetama nganshi, mukesa lufya icintu conse, twalilileni fye ukulaya. Mwamona? Kibili mukesa lolekesha kunuma no kusosa, "Cisuma, cilya tacatalile ukwisa ku..." Mwamona, capitile ukuciluka pa mulu, kibili imwe tamwatalile no kumona Cena. Capitilile fye. Mwamona, cabe caanguka nganshi. Mwamona? Lesa ekala mukuicefy,

mwamona, ku kuilangisha Umwine mubukalamba. Ni cinshi ici mulenga Wene ukuba umukalamba? Ni pa mulandu Ena kuti aicefyा Umwine.

⁴³³ Umukulu, umuntu umukalamba te kuti aicefyе umwine; alingile ukuba uwacindama. Mwamona? Lelo ena tali umukulu uwalinga nalyo line. Ilyo aisaba umukulu uwalinga, lyena alesa pansi nge *fi*, mulemona, kuti aipetamika umwine.

⁴³⁴ Nge fyo uwa mushilo umukote asosele kulya mu Chicago, “Ulyo muntu uwaile kuntanshi, na masambililo yakwe yonse ne fintu.” Atile, “Aishileika pansi, uwapumaulwa, umutwe wakontamikwa pansi. Ukwenda ukufuma, uwacimfiwa.” Atile, “Nga ena aile palya pa mulu umusango acikila, ena ngaikile umusango aile pa mulu.” Cisuma, cilya cishinka. Mwamona?

⁴³⁵ Ipetamike ni mwebene. Ipetamikeni fye. Mwilaesha ukuba uwaibela. Te mweni fye—fye Yesu. Mwamona? Soseni, “Shikulu, nga muliko ububi ubuli bonse mu mutima wandi, nga kuliko icintu cimo icalubana, Tata, nshilefwaya ukuba nga filya. Imwe cifumyenimo. Nshilefwaya ukuba nga filya. Owe, ndefwaya ukupendelwa nga umo uwa bena, muli bulya Bushiku, Shikulu. Kibili ndemonia Bulya bushiku ukupalama.”

⁴³⁶ Mulemona ifi Fikakatikilo ukutendeka, nga Lesa ali no kufisula Fyena kuli ifwe. Ibukisheni, Ena fye eka kuti acicita. Ifwe tuleshaintilila pali Wene. Lesa amupale.

⁴³⁷ Kibili nomba ndemonia kacema wesu ali nokukwata ishiwi na imwe, ilya kusosa; atemwa kuli ena ukusosa, ntile, kuli-kuli imwe, ilyo tatulakumana nakabili mucungulo. Kibili ndetontonkanya ukulongana kuli...Ukulongana kwa kwimba inyimbo pa six sate, kacema? Kibili efyo cili...[Munyina Neville atila, “Kwalatendeka pa six sate.”—Ka.] Six sate. Kibili kwena kuli...[“Ifibi fisulwa pa six.”] Ifibi fisulwa pa six. Ukulongana kwa nyimbo kwalatendeka pa six sate.

⁴³⁸ Kibili Shikulu nga suminisha, nakulalandia, mu bushiku, pesambililo ilye Buku lya Fikakatikilo Cinelubali. Kibili elyo, pali Cimo ubushiku, uwanina pali kabalwe uwa buta. Pali Cibili ubushiku...Uwanina pali kabalwe uwafita, pali Citatu ubushiku. Kabalwe uwabutulukila, kabalwe uwafitulukila. Kibili uwanina pali kabalwe uwakashika. Kibili elyo ukuya muca Mutanda...ica Cine, ica Cisano, ne ca Mutanda, kibili elyo pa Mulungu ubushiku. Pa Mulungu ukakonkapo ulucelo, limbi kuti caba ukulongana kwa kundapa. Nshishibe.

⁴³⁹ Nomba ibukisheni, tuli abashishiwa kuli Shikulu, fwebene no lukuta, ku mulimo wakwa Lesa. Lesa amupale.

⁴⁴⁰ Ine—nincelwa ora umo. Bushe mwalanjelelako? [Ulukuta, “Ameni.”—Ka.] Ine—nshile, mwamona, nshilepilibula ukucita

cilya. Lelo, mwamona, ine—ndi no kuba fye na imwe uno mulungu, elyo ndi no kuya nakabili. Kabili nshishibe uko ndi no kuya; uko fye eko ale Ntungulula. Kabili ndefwaya ukubikamo miniti onse uo ninga cita, pantu ndefwaya ukwikala Umuyayaya pamo na imwe.

Lesa amupale. Nomba, Munyina Neville.



*Ukusokolola Ukwa Fikakatikilo Cinelubali
(The Revelation Of The Seven Seals)*

Ishi Mbila na Munyina William Marrion Branham intanshi shapelwe mu Icingeleshi pa Marchi 17 ukushinta Marchi 24, 1963, pa Branham Tabernacle mu Jeffersonville, Indiana, U.S.A., kabilo *Icikakatikilo Ica Cinelubali* calitwalilile pa Marchi 25 pa Sherwood Motel. Pa kukwata ama tepu ayomfwika bwino nganshi kabilo aya ntendekelo ayapwishiwa, ishi Mbila nashicitwa cipyapwishiwa cipyapwishiwa ukulingana ne milembele icitilwe nomba. Amano yonse yalibikilweko ukufumya bwino bwino Imbila mu ma shiwi ukufuma muli magnetic tepu uwaambulwa ukuletwa pe bula ililembelwe, kabilo nashilembwa muno ukwabula ukulundamo nelyo cimo. Shalembelwe mu Cibemba mu 2003 na ba Voice of God Recordings.

Insambu shonse muli ili buku shalicingililwa. Ili buku tekuti lishitishiwe, ukulembwa nakabili, ukwilulwa mu ndimi shimbi, atemwa ukubomfiwa ukusangwilako indalamwa ukwabula ukulangisha nsambu ishalembwa kuli ba William Branham Evangelistic Association. Lyaishile lembwa nakabili mu 2003.

©2003 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org